

CYN O E N  
DE AVCTORI-  
TATE SACRÆ SCRIP-  
TVRÆ,  
ET  
NVMERO LIBRORVM CANO-  
NICORVM VETERIS TE-  
STAMENTI  
CONTRA PONTIFICIOS  
EXERCITATIO,

IN QVA  
SVB PRAESIDIO  
GEORGII CALIXTI  
S. THEOLOGICÆ D. ET PROFES-  
SORIS PRIMARI  
IN ACAD. IVLIA  
PVBLICE

DIEBVS XXI IVNII, ET XVI SEPTEMB.  
HORIS MATVTINIS ET POMERIDIANIS.

RESPONDIT  
STEPHANVS Kencel  
FLENSBURGENSIS.

✽

HELMESTADI,  
IN TYPOGRAPHEO CALIXTINO EXCVBIT  
HENNINGVS MULLERVS.

---

CID ID C XLIIX.

DE AVCTORI  
TATIS SACRE

IN PRINCIPALIS  
SACRE

DANCE  
DANCE

CE  
CE

IN  
IN

STE  
STE

ST  
ST

~~FRIDERICO~~  
SERENISSIMO ET POTENTISSIMO  
PRINCIPI ET DOMINO,  
DOMINO

FRIDERICO  
TERTIO,

DANIÆ, NORWEGIÆ, WAN-  
DALORVM ET GOTHORVM


REGI,

DUCI SLESVVICI, HOLSATIÆ, STOR-  
MARIÆ ET DITMARSIE,

COMITI OLDENBURGICO ET  
DELMENHORSTANO,

REGI ET DOMINO MEÛ CLE-  
MENTISSIMO

*SALVTEM ET FELICITATEM.*

 Vum famâ in has terras de-  
latum esset, CHRISTIANVM  
QVARTVM Daniæ Regem  
( at quantum, quàm pium, quàm  
prudentem, quàm fortem, quàm

clementem, quàm deniq; paterno  
in populos suos affectu inclutum!)  
è regno terreno ad cœleste transla-  
tum mortalitatem exuisse, dici nō  
potest, quantopere consternati  
fuerint omnium animi, inprimis  
verò nostrum, qui ex provinciis  
Cimbricæ chersonesi hereditariis  
orti in hac academiâ numero non  
exiguo studiis operam damus. Ast  
ubi post temporis intervallum nō  
adeo diuturnum increbresceret,  
consentientibus Procerum & Or-  
dinum suffragiis electum esse Fili-  
um, qui maximo Parenti succede-  
ret, & sceptrâ paterna capefferet,  
in quo restauraretur, quidquid in  
illo videri posset amissum; quantâ  
pridē tristitiâ correpti & prostrati



fuerant, tantâ iterum lætitiâ recrea-  
bantur & emergebant. Videbamur  
nobis, quamquam procul positi,  
audire omnium in Daniâ, & vicinâ  
nostrâ patriâ, quin in Norvvegiâ &  
ultimâ terrarum Islandiâ Procerû,  
Cleri & Populi vota, quibus Tui,  
Serenissime Rex FRIDERICE TERTIE,  
regni auspiciû Regû Regi & re-  
gnorum omnium supremo diribi-  
tori ardentissimè commendarent.  
Videbamur nobis videre, quàm pe-  
culiare esset eorum gaudium, qui  
Te primi Regem salutassent: quo-  
modo non ætas quemquam, non  
valetudo, non sexus retardaret, quò  
minus oculos spectaculo Tuæ Ma-  
jestatis pasceret. Eam parvuli no-  
scere, ostentare juvenes, mirari se-

nes, ægri quoq; neglecto medentiũ  
imperio, ad cõspectum Ejus, qua-  
si ad salutem, sanitatemq; prorepe-  
re. Inde alii se satis vixisse, Te viso  
Te recepto; alii, nunc magis esse vi-  
vendum, prædicarent: fæminas e-  
tiam tunc fœcunditatis suę maxima  
voluptas subiret, quum cernerent,  
cui Principi ciyes, cui Imperatori  
milites peperissent: deniq; ut in Tui  
unius salutem collata essent omniũ  
Ordinum vota, quum sibi se, ac li-  
beris suis intelligerẽt precari, quid-  
quid pro Tuâ Majestãte quisq; pre-  
carentur. Nobis autem, qui extra  
patriam hîc in literis vivim⁹, & Mu-  
sis operamur, videbantur popula-  
rium nostrorum votis nostra quo-  
que esse adjungenda, & ad veterum

Romanorum imitationem accla-  
mandum; FRIDERICE Auguste De-  
us Te servet! ut salvi simus, Deus o-  
ptime maxime, serva nobis FRIDE-  
RICVM! Prætorius cohortibus felici-  
ter! exercitibus Regiis feliciter! Fe-  
lices nos FRIDERICO imperante!  
Quemadmodum olim Plato natu-  
ræ gratias agebat, quòd natus esset  
homo, non belua; masculus non  
fæmina; Græcus non barbarus; præ-  
sertim verò Socratis temporibus:  
ita nos Æterno Deo hymnos grati-  
arum decantabimus, quamdiu hu-  
jus lucis fruemur usurâ; quòd nos  
homines produxerit, quòd fecerit  
nasci è Christianis parentibus & in-  
ter Christianos in terris neq; litera-  
rum neq; pietatis cultu vacuis, deni-

que quod ætas nostra incideret, & si  
quæ sperari potest maturitas studi-  
orum nostrorum, incursura sit in  
felicia tempora gloriosissimi Regis  
FRIDERICI tertii. In Te, FRIDERICE,  
omnia, per Te omnia, Deo coelitus  
annuente, habebimus. Deus Te no-  
bis dedit, Deus conservet. Non pos-  
sumus sub felice Rege infelicia, sub  
prudente temeraria, sub constante  
levia, sub indefesso languida, sub  
pio crudelia metuere. Sive enim  
fortitudinem Tuam, Rex Serenissi-  
me, sive justitiam, sive temperan-  
tiam, sive prudentiam, sive deniq;  
pietatem spectemus, ita à teneris ci-  
tato cursu ad summum omnium vir-  
tutum fastigium grassatus es, ut vel  
disertissimum Romuli nepotum vari-



et as laudum Tuarum sit delassatura.  
Equidem si poëta essem, optarem  
mihi linguas centū, & ora centum;  
si orator, <sup>deuónta</sup> Demosthenis, & copiam  
Tullii; nunc quia neuter sum,  
quia nullus sum, ne optare quidem  
audeo, quod tantæ rei par esse  
possit. Vnum saltem dicam, quod  
lit instar omnium, quum Illustres  
Daniæ Ordines sæpe multumq; se-  
cum agitaissent, qualem quantumq;  
esse oporteret, cuius ditione nutu-  
que tanti regni maria, terræ, pax, bel-  
la regerentur, digniorē, cui omnia  
illa committerent, quem Regem  
appellarent, non invenerunt. Ani-  
ma advertabant videlicet mirum  
quemdam virtutum concentum &  
concordiam, quod nihil fortitudi-

dini probitas, nihil prudentiæ ingenuitas, nihil severitati hilaritas, nihil gravitati candor, nihil majestati humanitas detraheret. Iam firmitas, jam proceritas corporis, jam honor capitis & dignitas oris, ætatis maturitas, quin non sine omine festinata senectutis insignia, nonne longè lateque Regem ostendant? Talem videlicet tantumq; esse oportuit, quo electio & exoratum Numen Daniã donaret. Tu itaq; Serenissime Princeps, unice dignus habitus, in cujus sinum anxia & afflictæ Reipub. confugeret: neq; Te propria cupiditas, sed aliena utilitas dicam, an indigentia Regem fecit. Onerasti futuros Reges ac Principes, sed & posteros nostros. nam & hi à Regibus suis exi-

gent, ut eadem audire mereantur, & illi, si non audiant, indignabuntur. Iam si de excelsissima Tuâ familiâ & antiquissima generis prosapiâ loqui & quidem à suis inde cunabulis arcessere deberem, quæ oratio omnia complecti, aut memoria consequi valeat? Negare verò aut velit aut possit natus nemo, quod sit inigne peculiaris divinæ providentiæ argumentum, ex unâ stirpe tot ordine Reges electos esse. Gentilis antiquitas olim nescio quos Ioves, Hercules, Quirinos, deosq; indigites commenta cœlo intulit, quos detinebat infernus: at Dania longè veriore ~~deus~~ <sup>deus</sup> tribuere possit CHRISTIANIS, FRIDERICIS, Regibus invictissimis, optimis, sanctissimis, à quibus

ipsa pietas & virtus nominis ac fa-  
ma æternitatē accepisse videntur.  
De omnium ultimo, proximo de-  
cessore & parente CHRISTIANO  
QUARTO, gloriosissimæ memoriæ,  
Regum nostri temporis tum ætate  
tum virtute maximo quid dicam?  
aut potius, quid non dicam? arbi-  
tror enim longè consultius esse, eū  
non tenui sermone velut hominē,  
sed eloquenti silentio, numinis ali-  
cujus instar, venerari. De Timan-  
there refert Plinius, quum Iphigeniā  
stantem ad aras, & perituram, in ta-  
bellā exprimere vellet, mœstos pin-  
xisse omnes circum, præcipuè pa-  
truum; jamq; omni tristitiæ imagi-  
ne consumptā, patris ipsius vultum  
velasse, quem dignè ostendere non  
posset.



posset. Idem planè, Rex FRIDERICE,  
in dissimili quidem affectu, quando  
gloriosissimi Tui Parentis magni-  
tudinē venerabundus inspicio, mi-  
hi contingit. Dum enim Tuis vir-  
tutibus digna elogia aliquo saltem  
modo conor adumbrare, sentio fa-  
cultate me destitui; atq; adeo quū  
ad Divum Parentem accēdo, cui  
gloriam & laudes, quas deberem,  
circumdare nequeo, Timanthis ve-  
lum malo injicere, quā rem viri-  
bus majorem moliri. Interim nullus  
dubito, Oratores & Poetas, quos  
sive Tua celeberrima Hafnia, & a-  
mcenissima Sora nutriunt, sive reli-  
quus eruditus orbis habet, ex suæ  
copiæ divite cornu certatim de-  
prompturos, quidquid siye ad Tuā,

sive beatissimi Parentis gloriam pos-  
sit facere. Ego verò, quem felicior  
ingenii vena deficit, ne prorsus ~~avale~~  
~~607~~ sim, & nullum devotissimi ani-  
mi specimen edere videar, Majesta-  
ti Tuæ Exercitationem Theologi-  
cam, Pontificum synodiq; Triden-  
tinæ anathemata elidentem, in quâ  
Respondentis partes obivi sub ma-  
gisterio & præsidio ejus, qui ob com-  
munem patriam non minus, quàm  
quivis popularium alius, gaudet &  
gratulatur, humillimè offero, dico,  
consecro. Quod dum præsto, non-  
nullis fortè temerarijs videbor &  
audax: sed facit fiducia Tuæ beni-  
gnitatis & clementiæ, ut certò mihi  
persuadeam, quemadmodum Sol,  
quò altius attollitur, eò magis infi-

mos vallium anfractus radiis suis il-  
lustrat; ita Te quoq; tamquam salu-  
tare sidus ad fastigium, quod inter  
mortales summum est, euectum, in-  
humillimum & infimæ sortis servu-  
lum Regiæ gratiæ radios demissurū,  
& pietatis ac devotionis fervori im-  
putaturū, quidquid tantâ sublimi-  
tate inferius ad Majestatis Tuæ pe-  
des deposuero. Accipe igitur illud;  
Potentissime Rex, quaecumq; fue-  
rit, & vultu Tuæ Majestati proprio,  
hoc est, sereno & propitio intueri:  
me quoq; studia, parentesq; meos  
cætera quidem nullius dignationis,  
Tuæ tamen Majestati devotissimos,  
spem deniq; & fortunas omnes po-  
tentissimo Tuo patrocinio unice  
committētes, Regiâ gratiâ comple-

oti dignare. Nostrum vicissim erit imitari votum, quo Venusinus vates Cæsarem suum prosequebatur.

*Servus in cœlum redeas, diuq;*

*Latius intersis populo Quirini:* ad hujus, inquā, imitationem precari & exclaimare, Vive & diutissimè regna Rex magne; vive FRIDERICE, nec nisi tardus cœlo, unde nobis dat<sup>9</sup> es, redoneris. Ita regnes, ita omnia supremæ potestatis munia expleas, ut quum apparuerit magnus ille Regum Rex, reportes amarantinam gloriæ coronam! Luculentio rem mercedē nec Tua Majestas sperare potest, nec nos optare. Scripsi in Academiâ Iuliâ, quæ est Helmestadii Saxonum, anno c10 10 c XLIX, die XIX Septemb.

REGIAE TVAE MAIESTATIS

*subiectissimus & devotissimus cliens*

STEPHANVS Rensel Flensburg.





# DE AVCTORITATE SACRÆ CANONICÆ SCRIPTURÆ.

**A**uctoritas, uti à nobis nunc capitur & consideratur, est rationalis naturæ, (qualis Dei, Angeli, hominis) aut alicujus, quod ab eâ ad ejus mentem & voluntatem significandam profectum fuerit, (ut legis, testimonii, scripturæ) ex ejus perfectione resultans vis vel facultas alliciendi aliorum sive intellectum ad adsentendum assertionibus, sive voluntatem ad obsequendum mandatis.

II. Dico non nisi rationali naturæ vel alicui hinc profectæ rei auctoritatem competere; eamque derivò ab ejus perfectione sive præstantiâ & excellentiâ. Quò enim quisque virtute, scientiâ vel similibus dotibus perfectior, eò quoque majoris est auctoritatis tum ipse, tum quod ille dicit, vel docet, vel testatur. Hominis villis, nullâ virtute & doctrinâ præditi nulla quoque est auctoritas. Quam auctoritatem formaliter esse dico facultatem, vim vel virtutem alliciendi aut inducendi aliorum sive intellectum ad adsensum, sive voluntatem ad obsequium.

III. Quoniam autem hæc ipsa facultas, vis vel virtus à perfectione ejus, cui tribuitur, dependet, manifestum est auctoritatem Dei summam esse: atq; itidem, si quæ lex, aut doctrina, aut scriptura à Deo pro-

fecta fuerit, hujus itidem auctoritatem esse maximam.  
Quò enim propius à Deo abest, vel in Deum proximius  
referri potest, eò quoque majore pollet auctoritate.  
Sacra quidem scriptura per homines confecta & con-  
signata est. Sed hi homines loquuti sunt ac scripserunt  
*καὶ πνεύματι ἁγίῳ προεβόησαν*, acti à Spiritu sancto, II Pe-  
tri 1, 21. *Benedictus Dominus Deus Israël loquutus est per os  
sanctorum, qui à seculo fuerunt, Prophetarum suorum*, Lucæ 1,  
70. *πάντα γὰρ φησὶ πνεύματος*, II Tim. III, 16. *Omnis Scrip-  
tura divinitus est inspirata.*

IV. Idipsum prisca & recentior Ecclesia semper  
agnovit, doctoresque tum primæ tum sequiorum æta-  
tum testati & professi sunt. Irenæus libro secundo, cap.  
XLVII: *Credere hæc talia debemus Deo, qui & nos fecit, rectis-  
sime scientes, certissimè persuasi, quia Scripturæ quidem per-  
fectæ sunt, quippe à Verbo Dei & Spiritu eius dictæ.* Origenes  
homiliâ secundâ in Ieremiam: *Sacra volumina Spiritus  
plenitudine spirant, nihilq; est siue in Prophetiâ, siue in Lege,  
siue in Evangelio, siue in Apostolo, quod non à plenitudine di-  
vina maiestatis descendat.* Ambrosius epistolâ LXIII: *Ne-  
gant pleriq; nossecundum artem scripsisse. nec nos obniti-  
mur. neq; enim secundum artem scripserunt, sed secundum gra-  
tiam, quæ super omnem artem est. Scripserunt enim quæ Spiritus  
ius loqui daret.* Augustinus undecimo de Civitate  
Dei, capite tertio: *Filius Dei prius per Prophetas, deinde  
per seipsum, postea per Apostolos, quantum satis esse indicavit,  
loquutus, etiam Scripturam condidit, quæ Canonica nominatur,  
eminentissima auctoritatis, cui fidem habemus de his rebus, quas  
ignorare non expedit, nec per nos ipsos nosse idonei sumus.* Gre-  
gorius Magnus Regesti libro IV, epist. XI: *Quid est Scri-  
ptura sacra, nisi quædam epistola omnipotentis Dei ad creaturam  
suam?* Thomas inter Scholasticos princeps, Primâ,  
quæst.

quæst. 1. in corpore art. x. *Auctor Sacra scriptura est Deus.*  
Idem ibidem, art. 11 x ad 11: *Sacra doctrina auctoritati-*  
*buz canonica scriptura uisitur proprie, ex necessitate argumen-*  
*tando: auctoritatibus autem aliorum doctorum ecclesia, quasi*  
*arguendo ex propriis, non extraneis, quales sunt philoso-*  
*phi, sed probabiliter.* Ininitur enim fides nostra revelatione  
*Apostolis & Prophetis facta, qui canonicos libros scripserunt:*  
*non autem revelationi, si qua fuit aliis doctoribus facta.* Item  
opusculo primo, quod Græcis est oppositum, cap. xxx:  
*Fides nostra non habet auctoritatem neq. ab angelis, neq. ab ali-*  
*quibus miraculis factis, sed à revelatione Patris per Filium &*  
*Spiritum sanctum: licet etiam angelica, qua sunt fidei nostra,*  
*revelaverint aliquibus, ut Zacharia, & Maria, & Iosepho; &*  
*etiam ad fidei robur miracula plurima facta sint.*

V. Videamus itidem, quomodo de Scripturâ  
canonicâ, cum aliis scriptis eam comparans, loquutus  
fuerit sanctus Augustinus. Epistolâ xix, Ego, inquit,  
solis eis Scripturarum libris, qui iam Canonici appellantur, didi-  
ci hunc timorem honoremq. deferre, ut nullum eorum auctorem  
scribendo aliquid errasse firmissimè credam. Ac si aliquid in eis  
offendero literis, quod videatur contrarium veritati, nihil ali-  
ud quàm vel mendosum esse codicem, vel interpretem non asse-  
quutum esse quod dictum est, vel me minimè intellexisse non  
ambigam. Alios autem ita lego, ut quancumque sanctitate do-  
ctrinâq. prepolleant, non ideo verum putem, quia ipsi ita sensè-  
runt: sed quia mihi vel per illos auctores canonicos, vel proba-  
bili (probâ & firmâ) ratione, quod à vero non abhorreat,  
persuadere potuerunt. Rursus: Sicut paulò antè dixi, tan-  
tummodo Scripturis canonicis hanc ingenuam debeo servitutem,  
quâ eas solus ita sequar, ut conscriptores earum nihil in eis omni-  
no errasse, nihil fallaciter posuisse non dubitem. Epistolâ xliix  
quum Hilarii, Cypriani & Agrippini mentionem fecisset,

Subjungit, *Hoc genus literarum ab auctoritate canonis distinguendum est. Non enim sic leguntur, tanquam ita ex eis testimonium proferatur, ut contra sentire non liceat, sicuti forte aliter sapuerint quam veritas postulat.* De baptismo contra Donatistas libro secundo, cap. xxi: *Quis nesciat Sanctam scripturam canonicam tam Veteris quam Novi testamenti certis suis terminis contineri, eamque omnibus posteriorum episcoporum literis, & proinde etiam Romanorum decretalibus, ita preponi, ut de illa omnino dubitari & disceptari non possit; utrum verum vel rectum sit, quidquid in ea scriptum esse constiterit?*

VI. Adiciamus nunc etiam, quæ Gregorius de Valentia insignis Iesuita, & juxta genium sectæ infallibilitatem Pontificis adstruens, de Scripturâ & Pontificiis cum eâ comparatis decretis affirmat. Adscribemus verba, quamvis pluscula, ex commentario in Secundam secundæ, disp. i, quæst. i, puncto vii, parag. xliii. *Cognitio sacræ expressa literis, quam Deus Canonicis scriptoribus indidit, quamque per illos voluit cæteris scripto patefieri, velut sonorum quoddam verbum Dei est, quo is videlicet conceptum æternæ mentis suæ notitiamque verissimam hominibus eloquitur atque manifestat. Cæterum cum doctrinam hanc Spiritu sancto dictante esse à sacris auctoribus exceptam, litteris, mandatam dicimus, non utcumque significare volumus, Spiritu sancto dirigente, sacros auctores illam infallibiliter scripsisse. Nam & Pontifices summi certam quandam Spiritus sancti assistentiam habent, cum definiunt controversias fidei, neque tamen illorum definitiones, quantumvis ab ipsis conscriptæ, Scripturæ sacræ sunt, aut esse dicuntur, sicut nunc quidem loquimur de Scripturâ sacrâ. Auctores igitur Canonicos scribere Spiritu sancto dictante, ob eam rem propriè dicimus, quoniam in doctrinâ scripto tradendâ sic illorum operâ Spiritus sanctus utitur,*



tur, ut in eo quidem negotio, non tam illi agant, quàm agantur à Spiritu sancto; planè instar calami, cum usurpatur à scriptore. — Corro sacrum scriptorem agi potius à Spiritu sancto, quàm agere, asserimus. Primò propter facilitatem, quâ is Spiritu sancto docente ac dirigente, cognoscit ac scribit omnia etiam minutissima verissimè: cum tamen Pontifex, ut rectè, hoc est, sine culpâ definias, studio ac diligentia maiore opus habeat, nec etiam omnia sint certa ac infallibilia, quæ obiter ille inter definiendum asseris. — Deinde ob eam causam quoque scriptorem sacrum agi posius à Spiritu sancto asserimus, quia etsi sponte quidem scribat, ac scribit tamen omnino necessariò, ita ut ( Spiritu sancto sic efficaciter volente ) minimè in ipsius arbitrio sit positum aut non scribere, aut alio modo, alio tempore, aliis verbis scribere: cum tamen summus Pontifex ( quod ad eas quidem attinet definitionis circumstantias ) arbitrio suo libero in definiendo utatur. Hæc Valentia.

VII. Constat itaque nullum hodie exstare scriptum, nullum effatum, nullum testimonium, quod Sacrae scripturae, quoad infallibilitatem & certitudinem, queat æquiparari. Tota scriptura est divinitus inspirata. Auctores igitur sive conditores Scripturae nihil scripserunt, nisi quod Deus eos voluit scribere, imò inspiravit & in calami quasi dictavit; vel certè ita moderatus est, ne quidquam scriberetur, nisi quod esset ex re, vero & decoro. Quod ipsum de nullâ aliâ scripturâ vel doctrinâ, quæcunque tandem & ubicumque in universo terrarum orbe occurrat, affirmari potest. Quin, uti ex jam dictis constat, primarius Scripturae auctor sive conditor est ipse Deus. Audivimus Gregorium de Valentia; audiamus alium adhuc Iesuitam, Martinum Delrionem, cujus Proloquiorum in Pharym sapientia capite primo hæc sunt verba: *Auctor non*

*mendaculus poeta, non rhetor garrulus, non sophista captiosus, non philosophus gloriosus; non, qui possunt ac solent errare hominum alius; non, quorum, ut libet magna, precaria tamen certisq. finibus comprehensa scientia, ullus Angelorum: sed ipsemet Deus; aterna, infallibilis, infinita bonitas & sapientia. Sanctissima namq. Trinitas, cui absolute convenit soli Canonicam scripturam condere, primarius est sacra Scriptura fons & auctor-*

**IIX.** Rectè igitur Alfonsus Tostatus Præfatione in Matthæum, quæst. v: *Magna, imò maxima omnium auctoritatum, quæ sub cælo esse potest, est auctoritas Sacra scripturæ.* Et in caput quartum Matthæi, quæst. xxix: *Quia nulla est maior auctoritas sub Deo, quàm Sacra scriptura, qui per eam convincitur, firmissimè convincitur.* Nempe auctoritas Scripturæ est divina auctoritas, id est, Scriptura pollet divinâ virtute inducendi animos ad præbendum ad sensum. Et hanc habet non aliunde quàm ab ipso Deo auctore suo. Sicut auctoritas historiæ Livianæ pendet ab auctore Livio; testimonii Tulliani à Tullio, & sic cujusvis alterius à suo auctore, ut quanti ille sit, tanti quoque id ipsum habeatur. Scripturæ igitur auctoritas quia divina est, ideo etiam infallibilis est, ut per eam in fraudem vel errorem induci nemo possit. Deus enim auctor ejus per infinitam suam scientiam nihil ignorare, & per infinitam bonitatem nemini imponere potest. Inter homines enim alios ab aliis falli inde est, quòd veritatem vel per imperitiam nesciunt, vel per malitiam celant aut adulterant.

**IX.** Pariter quia Scripturæ auctoritas divina est, ideo etiam pollet, ut jam dictum fuit, maximâ virtute efficaciter movendi & trahendi animos ad ad sensum: in quâ ratio auctoritatis propriè sive formaliter, ut loqui-  
mur,

itur, sita est. Hæc vis, inquam, pendet à Deo agente cum suo verbo & per suum verbum, non tantum concursu generali ad modum causæ primæ, sed etiam speciali gratiâ & illuminatione. Quæ ipsa cum verbo arctè adeo cohæret, ut ab eo numquam penitus absit, imò sine eo numquam, siquidem de hodierno ordinario divinæ illuminationis modo loquamur, adsit.

X. Atque hoc etiam peculiare divino verbo, testimonio sive doctrinæ & scripturæ divinæ præ verbis testimoniis, doctrinis & scripturis humanis, quod additam habet gratiam sive adjunctum Spiritum divinum, qui animos audientium, quibus innotescit, illuminet, certosque reddat, huiusmodi doctrinam sive scripturam esse divinam, & ab alio primo auctore non profectam, quam ab ipso Deo. Homines suis scripturis addunt signa, è quibus genuinas sive ab ipsis, quorum nomina præ se ferunt, ortas & editas esse appareat, qualia sunt sigilla, subscriptiones: sed hæc infallibilem certitudinem non pariunt. De cætero librum vel scriptum huius illiusve esse auctoris, probatur testimonio eorum, quibus res creditur esse comperta. Aliter de libris aut scriptis humanis, quos videlicet auctores habeant, non constat. Si doctrinæ & scripturæ divinæ aptemus, habet etiam ipsa, quæ auctorem Deum testentur, signa sive miracula, quibus confirmata fuit: sed hæc, quando de credendis supernaturalibus agitur, *mentem omnino convincere nequeunt*, ut agnoscit Bellarminus; nec fuerunt perpetua, sed patrari dudum desierunt. Habet consequutos successus planè admirandos conversarum gentium: sed hi non sunt omnibus noti, minimè autem rudibus & idiotis, quales mortaliū plerique sunt. Quod igitur quibuscumque, quocumque;

L. 6. de gr.  
& lib. 2. de  
cap. 1.

cumq; etiam loco & tempore, verbum divinum Deo auctori acceptum ferendum esse firmiter persuadeat, non est nisi gratia divina & vis quædam verbo divino indita sive addita, & Spiritus sanctus in auditorum vel lectorum animis internè operans, & certum atq; infallibile verbo suo testimonium perhibens.

1 Thess. 1, 1.

XI. Hinc itaque fuit, quòd Thessalonicenses *Ἀκούοντες λόγον ἀποστόλων τοῦ Θεοῦ* acceptum ab Apostolis verbum de Deo, quod audiebant, *exceperunt non sicut verbum hominum, sed (ut erat verè) sicut Dei verbum, qui etiam agit,* ait sanctus Paulus eos compellans, *in vobis qui creditis.* Hinc fuit, quòd *populus percelleretur super doctrinā* Servatoris: *docebat enim eos,* ait Evangelista Matthæus, *ut habens auctoritatem, non autem ut Scriba.* Nempe quum Scribarum homilia frigidæ & clumbe essent, nec auditores afficerent, contrà Christi sermones vividi erant & validi, animosq; hominum ad præbendum ad sensum potenter commovebant. Hæc est *πνευματικὴ δυνάμεις*, demonstratio spiritalis & potens sive efficax, in

c. 7. v. 18.

quâ, & non in persuasoriis humana sapientie verbis præconium suum versatum fuisse docet Apostolus. Hinc Origenes libro adversus Celsum primo rectè affirmat disciplinam nostram Christianam habere quamdam demonstrationem propriam, diviniorem quàm sint Græcorum demonstrationes, quam Apostolus nominat demonstrationem spiritus & virtutis, utpote Spiritus per prophetias fidem adstruente ius, qua de Christo docentur. Sanctus Iohannes 1 epist. v, 6: Spiritus est, qui testificatur spiritum, id est, doctrinam Spiritus, sive quam ministerium spiritus, (uti vocatur 11 Cor. iii, 8) proponit & tradit, *veritatem esse.* Et paullo inferiùs versu 10: *Qui credit in Filium Dei, habet testimonium Dei* (cam voculam addit Vulgata versio) *in seipso.* Hanc divi-

1 Cor. 1, 4.

nam

vinam



vinam sancti Spiritus in animis credentium operationem vocat unctionem, cap. 11, 27. *Unctio*, inquit, *docet vos de omnibus*, nempe de omnibus, quæ vobis ad salutem necessaria. Ad hæc verba Augustinus, *Sonus verborum nostrorum aures percutit, magister intus est.* — *Magisteria forinsecus, adiutoria quadam sunt & admonitiones. Cathedram in cælo habet, qui corda docet.* Concione de gestis cum Emerito: *Nos aurem forinsecus percutimus, Deus novit intrinsecus loqui.* Hinc Fulco Remensis exhortatione ad Richildim reginam, quæ legitur apud Flodoardum historia Remensis libro IV, cap. V: *Qui per me loquitur hæc in auribus vestris, per seipsum loquatur in corde vestro.* Huc etiam faciunt, quæ scribit Gregorius libro XXI Morali-um, cap. XI: *Quilibet predicator verba dare auribus potest, corda verò aperire non potest: & nisi per internam gratiam solus omnipotens Deus prædicantium verbis ad corda audientium aditum præstet, incassum prædicatio aure audientis percipitur, quæ pervenire ad insima corde surdo prohibetur.* Et homilia xxx. Evangelia: *Nisi spiritus cordi adsit audientis, ociosus est sermo doctoris.* — *Nisi intus sit qui doceat, doctoris lingua exterius in vacuum laborat.*

XII. Quum prophetaret Ieremias, & populo captivitatem, urbi excidium prædiceret, pseudopropheta contraria promittebant. Quid ad hæc ipse Dominus? *Propheta penes quem somnium est, enarret somnium; & penes quem est verbum meum, eloquatur verbum meum verè.* *Quid palea cum tritico?* ait Dominus. *Annon ita verbum meum est ut ignis?* dicit Dominus; & sicut malleus conterens petras? Hisce virtus & efficacia divini verbi indicatur & describitur. nam, ut bene loquitur Albertus Magnus, *Verbum exiens ab ore verbi increati cum virtute sonat.*

In Jer. 23, 18.

In Iohan. cap. 4, 41.

XIII. Prisci doctores idem agnoverunt & pas-

B

sim

fim inculcarunt. Paucorum testimonia apponemus;  
 Origenes quarto περὶ ἀρχῶν: Si quis cum omnistudio & re-  
 verentiâ, quâ dignum est, prophetica dicta consideres, eo ipso  
 dum legis & diligentius inueniatur, certum est quod aliquo divi-  
 niore spiramine mentem sensumq; pulsatus agnoscat non huma-  
 nis esse prolatos eos, quos legis, sed Dei esse sermones; & ex se-  
 metipso sentiet non humanâ arte, nec mortali eloquio, sed divino  
 (ut ita dixerim) cothurno libros esse conscriptos. Clemens  
 Stromatum septimo κρυπτικὸν γραφικὸν vocat ἀρχικὸν ἀνα-  
 πόδεικτον. Eusebius Demonstrationis Evangelicæ libro  
 tertio ait divinum verbum adjunctam habere θεογονίαν  
 καὶ ἱστορίαν ἀνθρώπων δύναμιν καὶ συνέργειαν. Chrysostomus ho-  
 miliâ in Natalem Domini: Praconium verbi universum  
 orbem, ubi quidem homines habitant, paucis annis occupavit,  
 etiamsi tabernaculorum opifices, piscatores, literarum ignari, &  
 idiotæ ubiq; gentium illud divulgant. Nihil autem detrimenti  
 vilitas ministrorum attulit, quum predicari verbi vis omnia  
 praecuperet, & impedimenta amoveat, & proprias vires de-  
 monstraret. Salvianus tertio libro de Providentia: Alia o-  
 mnia, id est, humana dicta argumentis ac testibus egent: Dei  
 autem sermo ipse sibi testis est. Nec Nemefius incommode  
 libro de naturâ hominis, cap. 11: ἡ τῶν θεῶν λόγων διδασ-  
 καλία τὸ πιστὸν ἀφ' ἑαυτῆς ἔχει, καὶ τὸ θεόπνευστον εἶναι. Divino-  
 rum sermonum doctrina à semetipsâ fortitur vim faciendæ fidei,  
 inde quod divinitus est inspirata. Gregorius Nyssenus de  
 Gregorio Neocæsariensi sive Thaumaturgo differens  
 ostendit eum repudiatâ Græcorum & Barbarorum the-  
 ologiâ amplexum fuisse τὸν ἐκ τῶν λόγων τὴν πίστιν, τὸν ὑπε-  
 ρμύαν λογικῇ πηρὶ θεοεργίας καὶ τεχνικῆς πλοκαῖς κατασκευάσαντα,  
 ἀλλὰ διὰ πλοῦτος ῥημάτων ὁμοτύπως πᾶσι καταγγελλόμενον,  
 ὅς ἐστι αὐτῷ τῷ ἑαυτοῦ πλὴν πίστιν εἶναι, τὸ πιστὸν ἔχει. Stabilem &  
 firmum fidei sermonem, qui non exquisitâ quadam & redun-  
 dante

dante verborum curiositate, & artificiosis nexibus argumentorum confirmatur, sed per simplicitatem verborum omnibus ex aequo annuntiatur; qui in hoc ipso, quod supra fidem est, vim fidei faciendam habet.

XIV. Pontificiorum & Iesuitarum, qui vi veritatis adacti id ipsum agnovere, dicta & testimonia produximus parte primâ Responsi Moguntinis oppositi, num. cxvii & seq. Adjicimus hic non nisi unum Iacobi Andradii ex libro tertio Defensionis concilii Tridentini. Nostri, inquit, Theologi minimè quidem arbitrantur, id solum inesse Scriptura sacra momenti, quod illi Ecclesia suffragiis conceditur, sed totum illius pondus Dei ipsius gravissima auctoritatis adscribunt. — Quum item mysteria sacris voluminibus comprehensa, humana mentis vires mirum in modum excedant, oportere aiunt, quod postquam ab Ecclesiâ quis didicit Evangelium Matthæi sacrum esse, internâ Spiritus sancti impulsione animus permoveatur, ut fidem Matthæi verbum adiungat. Gratiâ enim Paulus Deo agit maximas, quod quum ab eo Thessalonicenses accepissent verbum auditus Dei, hoc est, quum auribus percepissent verba, quibus Dei ipse mysteria enuntiaverat, accepissent illud non sicut verbum hominum, sed sicut est verè, verbum Dei, qui operabatur in illis qui credebant, hoc est, qui arcanâ quadam vi efficiebat, ut singulari ea fide, mente, & cogitatione prosequerentur, quæ corporis auribus usurpaverant. — Unde est ut non modò omne Scriptura sacra pondus & auctoritatem, sed ipsam etiam credendi actionem cælesti muneri & afflatui adscribant: Ecclesiæ verò sacra tantummodo scripta pura & incorrupta conservandi, atq; omnium mortalium generi illa proponendi munus attribuant. Hæc satis rectè Andradius.

XV. Ad eum modum præeunte Scripturâ sacrâ, & consentientibus melioribus præsci ævi, quin ipsis etiam Pontificiis doctoribus, necessitatem specialis di-

vinæ gratiæ divino verbo inditæ & annexæ, intusque & in animo operantis adstruimus: quod dum facimus, Pelagianismum evitamus: dum verò hanc non nisi cum verbo & per verbum extrinsecus acceptum sese exferre & operari adserimus, ἐξωστιασµὸς repudiamus. Quum enim Deus in suo verbo inevidenter nobis loquatur, nisi ipse cum suo illo verbo sive per illud verbum se nobis loqui persuaferit, quis alius aut quibus rationibus id efficaciter evincet? Si fiat argumentum: Quidquid Deus dicit & docet, verum est. Quidquid Scripturis continetur, Deus dicit & docet. Ergo. Si huiusmodi, inquam, argumento facto Minor evinci posset vel evidentibus è lumine naturæ ductis rationibus, vel irrefragabilibus testimoniis humanis, tum Conclusio parem participaret certitudinem. Fides igitur indubitata haberi posset absq; peculiari intrinsecâ gratiâ & illuminatione divinâ: quod dudum communi consensu in Pelagianis damnatum est. Ergo reliquum est, ut Deus ipse verbo suo in animis humanis testimonium perhibeat, eosque suâ gratiâ & virtute intrinsecus operante ad fidem perducatur. Rectè itaque Franciscus Suarez Tractatu de Fide, disp. 111, sectione XII: *In actu exercito dum Deus aliquid dicit, quasi per intrinsecam reflexionem eiusdem actus in seipsum, dicit se dicere.* — Hoc ergo modo divinum verbum & rem dictam & seipsum dicit; & hac ratione per fidem infusam creditur, non per resolutionem in aliud verbum, sed per seipsum.

XVI. Illustrari res potest exemplo principiorum notorum per se, ut loquimur, sive per naturale rationis lumen & habitum, quem ῥῆ vel intellectum, vocabulo peculiariter huic rei accommodato, appellavit Aristoteles. Cognoscuntur videlicet per simplicem apprehen-



prehensionem & notitiam terminorū, citra discursum  
& aliunde ducta argumenta: ita quoque fides, quæ verbo  
divinitus revelato adsentitur, propriè in simplice ap-  
prehensione & non in discursu consistit. Quod ibi ani-  
mo apprehendentis est lumen naturale, id hic est gra-  
tia & illuminatio supernaturalis: & sicut ibi animus  
naturalis facultate intelligendi instructus adsequitur &  
apprehendit veritatem ejusmodi principiorum; ita hic  
idem animus, dum revelationes divinas divino verbo  
sive Scripturis expositas, non solâ, quam diximus, na-  
turali facultate præditus, sed internâ sancti Spiritus  
gratiâ verbo junctâ & cum verbo datâ illuminatus con-  
siderat, intelligit has ipsas revelationes divinas esse, si-  
ve à Deo profectas. Sicut itaque, quod principia per  
se nota attinet, ratio adsentienti est, quod sint per se  
nota; & ab his ipsis tamen propositionibus sive princi-  
piis reapse non distinguitur *non notum esse per se*, sed uno  
& eodem conceptu concipiuntur tamquam nota per  
se, & propterea tamquam verissima, quibus adsensum  
præberi omnino oporteat: ita quoque quod hæc di-  
vinas revelationes attinet, ratio adsentienti est, quod  
divinitus sint revelatæ, & sub hac ipsâ ratione tamquâ  
verissimæ & adsensu dignissimæ apprehenduntur &  
creduntur. Sicut autem nihilominus de principiis per  
se notis, ubi opus est & res exigit, discursus aliquis  
potest institui; & habitum, quo id præstatur, Sapienti-  
am appellant Philosophi: ita quoque de fide & reve-  
lationibus per fidem creditis, quando, quomodo inter  
se convenient & cohæreant, expenditur, discursus da-  
tur; quem accuratè instituere, & fidem ab iis, quæ ob-  
jiciuntur, adsensumque impedire vel turbare possunt,  
vindicare, habitus est non ipsius fidei secundum se, sed  
Theologiæ.

XVII. Hæcenus itaque demonstravimus & declaravimus ad sensum fidei, quem revelationibus divinis præbet homo fidelis, pendere à gratiâ divinâ, & testificatione ac efficaciâ Spiritus sancti, ut à causâ præcipuâ, insensibili, intrinsecus operante & ad habendam fidem commoventē; à verbo autem, ut à causâ instrumentali, sensibili, extrinsecus agente: priore assertionē excludi Pelagianismum, posteriore Enthusiasmum, duos scopulos hîc inprimis cavendos. Nempe Evangelium (ut de eo, utpote remotiore à naturali notitiâ, quasi seorsim & peculiariter loquamur) ab Ecclesiæ capite Iesu Christo & ab auctore suo Spiritu sancto ejusq; inseparabili influxu illam trahit virtutem & efficaciam sibi semper & perpetuò innexam, sive audiat civis, sive peregrinus, vel qui prope, vel qui procul, sive rudis, sive eruditus, ut animum ejus inenarrabili quadam vi subeat, percellat, afficiat, sibi que devinciatur, atque adeo ut potens sit sibi fidem efficere & credenti salutem. *Evangelium enim est potentia Dei*, id est, potens & efficax organum Dei, *ad salutem omni credenti* per id ipsum conficiendam & conferendam. Illam vim, quam aliâs divinam gratiam, Spiritus sancti opem, virtutem, *ἐνέργειαν* & testimonium, aut etiam supernaturale lumen appellamus, Deus suo verbo adjunxit, & quasi indidit. nam quia cum eo arctè adeo cohæret, ut ab eo numquam penitus absit, imò sine eo numquam, si quidem ordinarium modum attendamus, adsit, ideo ipsius quoque verbi esse, sive ipsi verbo inesse, & per illud fidem & salutem operari dicitur. Inde etiam est, quòd evangelium effectu suo non caret, & in animis auditorum fidem excitare potest, etiamsi ab hominibus vel externâ & in oculos incurrente dignitate sive auctori-

tate destitutis, ut olim ab Apostolis, vel probitate & virtute vacuis, ut sæpe factum & hodie etiam aliquando fit, annuncietur. Esca enim secundum se salubris non definit talis esse esca, etiamsi à corvo, impurà ave, ut quondam Eliæ, afferatur.

1 Reg. 17, 6

XIX. At dicit Augustinus contra epistolam fundamenti cap. v: *Ego non crederem Evangelio, nisi me ecclesia catholica auctoritas commoveret.* Ut cuncta rectius intelligantur, observandum est auctoritatem ecclesiæ duplicem esse, unam quasi sensibilem & externam, quatenus ipsa videlicet aliquamdiu fuit & hodie est multitudo & congregatio amplissima & nobilissima, complexa florem generis humani. nam quod in eo eruditum est, & animos habet disciplinis imbutos, & proinde de rebus ac religione judicandi & vera à falsis discernendi solertiâ pollentes, id totum intra catholicæ ecclesiæ pomœria continetur: quod extra eam deprehenditur, ferè rude & barbarum est, cujus judicium nemo prudens magni fecerit. Sub initia nascentis ecclesiæ aliter sese res habebat. *Non erant enim in eâ multi sapientes, non multi potentes, non multi nobiles,* 1 Cor. 1, 26. Cæterùm auctoritas ista, quam diximus, non nisi humana est, nec fidem parit nisi humanam, magis apta suadere & inducere, quàm convincere. Et quum primæ ecclesiæ defuisset, locum ejus supplebant miracula. Deus enim semper præstò esse voluit, quo homines comiter ad agnoscendam & amplectendam veritatem induci possent. Quanta tamen & qualis sit ista auctoritas, non capitur nisi ab hominibus rerum humanarum peritis, & status mundani gnaris, atq; adeo comparisonem inter populos, qui intra & extra ecclesiam sunt, instituere doctos.

XIX,

XIX. Alia est auctoritas Ecclesiæ propria, sed ne-  
mini infidelium cognita vel credita, quam liceat insen-  
sibilem vel internam appellare. Hæc enim ipsa Eccle-  
siæ competit per peculiarem gratiam, directionem &  
adistentiam principis sui capitique Christi, & Spiritus  
sancti, per quam sit, ut universa in rebus ad salutem ne-  
cessariis errare nequeat. Et hætenus catholica sive u-  
niversalis ecclesia infallibilis, atque adeo *columna & fir-  
mamentum veritatis* est, quod elogium ei tribuit Aposto-  
lus 1 Timoth. iii, 15. Particulari ecclesiæ id ipsum com-  
petit, non absolutè & simpliciter, sed quousque catho-  
licæ vivum & verum membrum esse perseverat. Sicut  
autem particularis ecclesiæ potest deficere, ita quoque  
elogium hoc amittere. Inde dixit Tostatus, (quod o-  
biter annoſetur) *soli ecclesia universali convenire: qua num-  
quam, inquit, errat, quia nunquam tota errat.* Et alibi: *Ec-  
clesia Latinorum non est ecclesia universalis, sed quadam pars  
eius: ideo etiamsi tota ipsa errasset, non errabat ecclesia univer-  
salis, quia manet ecclesia universalis in partibus illis, quæ non er-  
rant, sive illa sint plures numero quàm errantes, sive non.*

XX. Esse verò Ecclesiam hoc, quem diximus,  
modo ab erroribus immunem, non constat nisi ex præ-  
dictionibus, & ex promissionibus, quas utraq; Scri-  
ptura proponit. Lucæ 1, 33: *Regnabit in domo Iacobi, id  
est ecclesia, in æternum, & regni eius non erit finis.* Iohan.  
xiv, 16. *Ego rogabo Patrem, & alium paracletum dabit vobis,  
ut maneat vobiscum in æternum: nempe Spiritum illum verita-  
tis, quem mundus non potest recipere.* Matth. xxi 1x, 20.  
*Ecce ego vobiscum sum omnibus diebus, usque ad consummati-  
onem seculi.* xvi, 18: *Super hanc petram ædificabo ecclesiam me-  
am: & portæ inferorum non superabunt eam.* Non itaque  
peſsum dabunt persequutiones, non adeo inundabunt  
flagitia,

Præfat. in  
Matth.  
quæst. 13.  
Ad prol. 1.  
in Matth.  
quæst. 4.



flagitia, non tantopere invalebunt hæreses vel errores  
fundamentum salutis subruentes, ut nulla umquam  
vel ullibi superfutura sit Ecclesia.

XXI. Quoniam igitur hæ prædictiones & pro-  
missiones, & his innixæ infallibilitas & auctoritas per  
Scripturam innotescunt, manifestum est infidelem, &  
qui Scripturam non agnoscat vel admittat, hac ipsâ au-  
ctoritate ad Scripturam vel religionem amplectendam  
cominoveri non posse. Res adeo est perspicua, ut coë-  
gerit Melchiorem Canum fateri, *rationem formalem no-*  
*stra fidei non esse Ecclesia auctoritatem, hoc est, fidei ultimam*  
*resolutionem non fieri in Ecclesia testimonium. Apostoli, inquit,*  
*& Propheta resolvebant ultimò fidem suam in divinam & au-*  
*toritatem & veritatem. Ergò nos in humanam ecclesia aucto-*  
*ritatem fidem nostram non resolvimus. Eadem enim fides est,*  
*idemq; proinde habet obiectum, rationemq; formalem. Con-*  
*firmat autem hoc vel maximè, quòd ea, quæ per accidens contingunt*  
*obiecto alicuius habitus, non variant illius obiecti forma-*  
*lem rationem: sed articulos credendos proponi per hos aut illos*  
*homines, per accidens omnino contingit. Cùm ergo Propheta &*  
*Apostoli assentirentur articulis fidei, quia Deus revelavit; ean-*  
*dem quoq; nos credendi rationem habebimus. Addit, ultimam*  
*fidei nostra resolutionem fieri in causam interiorem efficientem,*  
*hoc est, in Deum moventem ad credendum. Plura, qui volet,*  
*in eandem sententiam legere ibi poterit. Res sanè, ut*  
*dixi, adeo est perspicua, ut etiam coëgerit Franciscum*  
*Suarez loco superius allegato reprehendere illos, qui*  
*docent, quòd fides nostra resolvatur in auctoritatem ecclesia.*  
*nam si id intelligant, inquit, de illâ auctoritate, ut humana*  
*est, omnino falsum dicunt, — quia illa non est fundamentum fi-*  
*dei. Si verò loquantur de auctoritate ecclesia, ut regitur à Spi-*  
*ritu sancto, sic non sufficit illam credere vel illi credere fide ac-*

Lib. 2. Lo.  
corum, c. 8.

quisitâ, sed necessarium est credere fide infusâ, qua resolvenda est in illud principium, Quod DEVS dixit & promissis adfistentiam Spiritus sancti suæ ecclesiæ: & ita necesse est tandem recurrere ad doctrinam traditam, imò ad Scripturam. Auctoritas itaque, quam humanâ maiorem Ecclesiâ obtinet, in ordine ad nostram cognitionem ab auctoritate Scripturæ pendet; non hæc ab illâ.

XXII. Interim qui alteram cognoscere & æstimare potuerit, ut sanè potuit Augustinus, ei fuerit non modò occasio credendi, sed etiam motivum, quo ad credendum invitetur & inducatur. E quo tamen proximè & propriè non nisi fides humana & acquisita oritur, ut expositum fuit. Hac itaque se commotum, & ut Scripturam admitteret, inductum fuisse, affirmare Augustinum nihil est mirum.

XXIII. Dum hæc recenséo, incido in commentarium Aegidii Coninck Bellani Iesuitæ & Professoris Lovanientis de actibus supernaturalibus, propemodum eadem, quæ nos hîc, docentis, & eodem modo Augustini dictum exponentis. Lubet nonnulla apponere. Sic enim loquitur disp. ix, dubio v, concl. i. & r.  
*Nota Ecclesiam dupliciter posse considerari. Primò, prout est congregatio hominum toto orbe dispersorum, constans pluribus viris summâ doctrinâ ac vita sanctimoniâ illustribus. — Et hæc ratione Ecclesiæ auctoritas est quidem inter res humanas maxima, quâq; meritò cuiusvis prudenti persuadeat, ut omnem eius doctrinam tamquam omnino indubitatam amplectatur; est tamen naturalis & humana. Secundo, considerari potest, prout infallibiliter à Spiritu sancto dirigitur. — Quia tamen de hæc Spiritus sancti assistentiâ nobis solâ fide ex Scripturæ testimonio constat, auctoritas Ecclesiæ hoc modo considerata solos fideles dirigit, aut eos qui saltem Scripturæ credunt. Priore verò modo consi-*

*Considerata cum naturalibus argumentis clarè probari possit; etiam omnino infidelium iudicium dirigere potest. Eorum sane infidelium iudicium dirigere potest, qui dum inter diversas mundi religiones ambigunt, illas inter se comparare possunt, & quanta sit universalis Christianæ ecclesiæ præ cæteris sectis amplitudo, antiquitas, præstantia & dignitas, quod tamen plerorumque captum excedit, adsequuntur & intelligunt. Hinc patet, inquit Bellanus, Augustinum merito dixisse, Evangelio non crederem, nisi Ecclesia catholica me commoveret auctoritas.*

**XXIII.** Non erit nullum operæ precium, si quomodo Augustini dictum Gregorius Ariminensis celebris inter Scholasticos exposuerit, subjiciamus. Verba ejus sunt Prologi quæst. 1, art. 11: *Non dixit se credere evangelio per ad sensum, quem habeat ad aliquod aliud principium, ex quo evangelium demonstretur vel probeatur esse verum: sed solum ex auctoritate ecclesiæ tamquam ex causâ movente ipsum ad fidem evangelii. Et est quasi simile huic dicto, quod iste vel alius dicere potuisset; Non crederem evangelio, nisi me ecclesiæ sanctitas commoveret. Velsi tempore Christi dixisset aliquis credentium; Non crederem evangelio, nisi me Christi miracula moverent. Ex quibus dictu est si fidei evangelicæ aliqua causâ assignaretur in talibus: non tamen aliquod principium primum, cuius fides causâ esset, ut evangelio crederetur. Hæc Ariminensis: quæ sequitur & tantum non describit Cameracensis ad primum Sent. quæst. 1, art. 111. Iungo verba Thomæ VValdensis è Doctrinalis libro 11, cap. XXI. Non laudo supercilium, quod quidam assolunt, volentes occasione huius dicti decretum Patrum in ecclesiâ maioris esse auctoritatis, culminis & ponderis, quam sit auctoritas Serenarum. Quod quidem non tam videtur ineptum, quam sum, nisi quis talis dicat, Philippum fuisse maiorem Christo, q. n.*

*do induxit Nathanaëlem ad credendum, Christum esse illum, quem scripsit Moyses in lege, & Prophetis; sine cuius auctoritate tunc non advertisset. Et si sic; dicat conformiter, parentes nostros carnales aut paedagogos esse aliores & eminentiores Christo: quia eorum auctoritate ab infantiâ didicimus, quid de Christo sic credendum, quid sperandum. Hæc scriptores sub medio ipso Papatu.*

XXV. Durandus quidem Ecclesiæ plus quam oportebat, tribuit: restringit tamen ad primam & Apostolicam ecclesiam. *Quod dictum est, inquit, de approbatione Scriptura per Ecclesiam, intelligitur solum de Ecclesiâ, quæ fuit tempore Apostolorum, qui fuerunt repleti Spiritu sancto, & nihilominus viderunt miracula Christi, & audierunt eius doctrinam, & ob hoc fuerunt convenientes testes omnium, quæ Christus fecit aut docuit, ut per eorum testimonium Scriptura continens facta & dicta Christi approbaretur. Sequitur cum Iohannes Gerson, & quum mentionem ejus fecisset, subjicit, Hic aperitur modus intelligendi illud Augustini; Evangelio non crederem &c. Ibi enim ecclesiam sumit pro primitivâ congregatione fidelium eorum, qui Christum viderunt, audierunt, & sui testes exstiterunt. Eodem inclinat Thomas VValdensis, loco paullo antè adducto. Sufficiat, inquit, universali ecclesiæ pro præconio potestatis suæ modernæ, quod olim hoc fecerit, unde gloria potestatis eius, quasi per cuiusdam maiestatis imperium, valeret ad posteros; ita quod adhuc sine eius, primæ scilicet ecclesiæ, auctoritate scriptura aliqua nec legi poterit nec haberi pro certâ. Et hoc sapuit, cum diceret Augustinus, Evangelio non crederem &c. Sequuntur verba superius prolata, quibus tamen ipsi præscæ ecclesiæ non tribuit, nisi auctoritatem testificandi; & subjicit: Longè distat auctoritas Scripturarum, & eminent auctoritati, sive præ auctoritate cunctorum doctorum etiam totius ecclesiæ*



*ecclesia catholica: quamvis super eius auctoritate catholica as-  
restetur ecclesia.*

XXVI. Eodem modo accepit & intellexit Iohannes Driedo, opere de Ecclesiasticis scripturis & dogmatibus ante cx annos, & quod excurrit, scripto. Verba ejus hic legi digna. Prior, inquit, notior & vetu-  
stior est auctoritas Scripturae, quàm eius ecclesia, qua nunc est. Lib. 4. c. 4.  
Nam & huiusmodi ecclesia, qua nunc est, ex Scripturis sacris  
quaerenda est & cognoscenda. Augustinus autem cum dicit;  
Ego evangelio non crederem, nisi me catholica ecclesia commo-  
neret (ita sanè videtur Driedo legisse) auctoritas; intel-  
ligit de ecclesiâ catholicâ, qua fuit ab initio Christiana fidei se-  
cundum seriem successionis episcoporum crescens ad hæc usq; tem-  
pora, qua sanè ecclesia complectitur collegium Apostolorum, qui  
Christum & miracula eius videntes, doctrinamq; fidei ex ore  
eius audientes, scripturas evangelicas tradiderunt, qui & spiri-  
tum intelligendi prophetas, salutisq; nostra mysteria in visibili-  
bus signis cælitus acceperunt, corroborantes doctrina sua veri-  
tatem prodigiis & miraculis. Vnde tanta auctoritatis est Scri-  
ptura semel ab eisdem Apostolis tradita seu approbata, ut etiam  
ipsi Apostoli fuissent anathema, neq; mansissent ecclesie mem-  
bra, si sententiam fidei ab ipsis predicatæ mutantes, incipissent  
doctrinam contrariam evangelii tradere. Verbum enim se-  
mel divino spiritu enunciatum, manet in æternum.— De ecclesiâ  
autem qua nunc est, intelligendò eam, ut præcisam seu abstra-  
ctam seu nudam & absq; coherentiâ in fide & moribus cum ec-  
clesiis qua fuerunt in prioribus seculis, diceret Augustinus; Ego  
huius ecclesie homines non agnoscerem esse ecclesiam Christi, nisi  
doceret me quatuor evangeliorum auctoritas; ego ecclesia non  
crederem si aliud evangelium nobis euangelizaret, si Apostolo-  
rum doctrinas non doceret.

XXVII. Verius tamen est Augustinum de eccle-

Loco alle-  
gato.

ſua ætatis loquutum eſſe, quòd videlicet, quum Ma-  
nichæus adhuc eſſet, ejus partim auctoritate externâ  
ſibi cognitâ, partim operâ, ut evangelio crederet, com-  
motus & inductus fuerit. *Ipsi, ait, evangelio catholicis  
predicantibus credidi.* Et alio loco, quo ſua conversionis  
ſeriem diſertiùs exponit: *Quum eſſemus infirmi ad inveni-  
endam liquidâ ratione veritatem, & ob hoc nobis opus eſſet au-  
toritate ſanctarum literarum, iam credere cæperam nullo modo  
ſe o Deus, fuiſſe tribuendum tam excellentē illi ſcriptura per o-  
mnes iam terras auctoritatem, niſi & per ipſam tibi credi & per  
ipſam te queri voluiſſes.* Cæterum Durandus ipſe, etiam ſi  
ex dicto Auguſtini conatus fuerit elicere, primum inter  
credibilia, quod ſit ratio credendi alia, & ad quod fiat ulſima re-  
ſolucio credibilium, eſſe, Credere eccleſiam regi à Spiritu ſancto;  
paullò poſt, *Si tamen,* inquit, *ratio formalis credibilium com-  
plexorum diceretur eſſe medium, per quod eis adſentitur, ſive  
quod animum movet, ut adſenſum fide immotâ præ-  
beat; ſic dicendum eſſet, quòd illa eſſet auctoritas divina regens  
Eccleſiam, & revelans Scripturam: per hanc enim, tamquam  
per medium, adſentimus omnibus credilibus, ſicut per demon-  
ſtrationem adſentimus ſciis, & per ſyllogiſmum dialecticum o-  
pinatis.* Item Driedo: *Animus verè Chriſtianus, credens ex  
verâ fide, credit propter vocem Dei intus loquentis, accipiens  
evangelia & verba Dei intus docentis & revelantis.* Quem-  
admodum autem propterea non excluditur opera, in-  
dicium & testimoniũ eccleſiæ: ſic etiam non effici-  
tur, ut ab hac operâ, indicio ſive testimonio, & non ab  
ipſâ Scripturâ & virtute Spiritus ſancti ei conjunctâ,  
tamquam à cauſâ per ſe, fides verè Chriſtiana, quâ  
Scripturam Dei verbum eſſe intelligimus & immotâ  
adſenſu credimus, pendeat.

XXIX. Ita ſi in magnâ & populoſâ urbe ſapientem

tein virum quærerem, & diu quæsitum Davus tandem  
commonstraret; commonstratum ego adirem & col-  
loquerer: num eum sapientem virum esse, quia Davus  
dixisset, crederem, & non potius quia ex ipso & sermo-  
nibus ipsius, qui vir esset, cognoscerem? Ita ex indicio  
& testimonio mulieris Christum Samaritani agnosce-  
re cœperunt: & *multi crediderunt in eum propter sermo-  
nem mulieris, testantis, Certè dixit mihi omnia, quæ feci.* IOAN. 4. 19.  
*Quum ergo venissent ad eum Samaritani, rogarunt eum, ut a-  
pud ipsos maneres: & mansit ibi duos dies. Ac multo plures cre-  
diderunt propter sermonem ipsius. Et illi mulieri dicebant, Non  
amplius propter tuos sermones credimus: ipsi enim audivimus,  
& scimus hunc esse verè Servatorem illum mundi Christum.*  
Sicut inquam indicium & testimonium mulieris ad  
Christum adduxit; adductos autem, ut Christum esse  
indubitato crederent, ipse Christus ejusque sermo per-  
movit & impulit: ita etiam Ecclesiæ indicium ac testi-  
monium ad Scripturam homines deducit; deducto-  
rum autem animos Scriptura ipsa ita percellit, ut eam  
Dei verbum esse intelligant, & firmiter credant. Et  
cum Samaritanis tunc oportebit dici: *Non amplius pro-  
pter tuos sermones sive testimonium credimus: ipsi enim audivi-  
mus & scimus.* Excluditur videlicet id ipsum sive indici-  
um sive testimonium, non ut occasio, quin ne quidem  
ut inducens, sed ut evincens, à quo per se fides pende-  
at. Quando autem inducens & evincens inter se com-  
parantur, præ hujus efficaciam quod ab inducente effici-  
ebatur, evanescit quasi & nihili fit. Rectè enim Alber-  
tus Magnus in hunc locum: *Iam non propter suam loque-  
lam, quæ comparatione eius, quod vidimus, nihil est. Non enim  
iam propter humanam rationem credimus, quamvis per illam  
inducti simus: sed ipsi veritati propter se & super omnia adfren-*  
*tur.*

*simur. Eundem locum in eandem sententiam accipit Gulielmus Antistiodorensis, quando sub initium suæ Summæ in hunc modum scribit: Quum habet quis veram fidem, & rationes, quibus ostendi possit fides; mens non innititur primæ veritati propter illas rationes, sed acquiescit potius illis rationibus, quia consentiunt primæ veritati, & ei attestantur. Quod significatur per Samaritanos Iohan. iv; per quos significantur rectè credentes: qui videntes Iesum per veram fidem, dicunt Samaritana, id est, rationi humana, iam non propter te credimus, sed quia ipsi vidimus & audivimus.*

XXIX. Officium est Ecclesiæ, ut indicium faciat, testimonium perhibeat, codices accuratè servet, promtè suppeditet, ad legendum & perpendendum incitet, operam in explicando præstet. Et communiter quidem sine talibus officiis, quæ per unum vel plures è suis Ecclesia obeat, infideles non convertuntur: ut proinde opera hæc, quam ecclesia præstat, ut plurimum causa sit, sine qua non converterentur, sive ad Scripturam agnoscendam adducerentur infideles. Quæ tamen quando præstatur, hoc ipso auctoritas dignitasque ecclesiæ non semper inculcantur: imò plerumque eum, qui convertitur, planè fugiunt, & ignorantur. Quin si status ecclesiæ, qualis est hodie, paullò accuratius fuerit cognitus, per ingentia, quibus in partes discerpitur, schismata hominem magis deterrere poterit, quàm allicere, & incertum, quò se vertat, reddere. Providentia quidem Dei per operam ecclesiæ sacros libros conservat, & integros ac incorruptos præstat. Fieri autem potest, ut sine omni aliâ ecclesiæ operâ fides Scripturæ præbeatur, nempe si in sacrum codicem forte fortunâ sive quocumque casu quis incidat, vel in mediâ viâ inveniat, tollat, legat & evol-



& evolvat. Vt itaque liqueat, ad sensum veræ & indubitatæ fidei, qui Scripturæ à Christianis præbetur, ab ipsâ Scripturâ, quocumque tandem modo homini offeratur, & in notitiam veniat, cum desiderio & studio cognoscendæ veritatis ad salutem necessariæ consideratâ, atque adeo à virtute & efficacîâ, quam sibi suæque tali considerationi adjunctam & à Spiritu sancto manantem obtinet, minimè verò ab ecclesiæ auctoritate, tamquam à causâ per se, pendere; ideo nonnulla ex ethnicismo & Iudaismo conversorum exempla, partim antiqua, partim recentia, in medium proferemus.

XXX. Iustinus dialogo cum Tryphone narrat, Subinie.  
quomodo de veritate & indipiscendo fine homini proprio sollicitus in senem *ὁ γὰρ ἐν γὰρ φρόνῳ, τῶν ἀνθρώπων* *σεμνὸν ἦν & ἐμφορῶντα*, ad spectu minimè contemnendum, lenesq; & graves mores præ se ferentem inciderit; qui post varios sermones ultrò citroq; habitos tandem in hunc inodum differuerit: *Fuerunt aliqui ante multa tempora, omnibus istis, qui habiti sunt philosophi, longè antiquiores, beati, iusti, Dei amantes & Deo cari, divino Spiritu afflati, & futura, quæ nunc in rem conferuntur, vaticinati. Prophetas eos appellant. Hi soli, quid verum sit, & viderunt, & hominibus renunciarunt; neq; observantes neq; metuentes quemquam, neq; gloria cupiditate victi; sed dumtaxat loquuti quæ audierunt & viderunt, Spiritu sancto repleti. Libri verò eorum etiam nunc exstant: in quos si quis inciderit, legerit, fidemq; habuerit, plurimum profecerit quod attinet notitiam principiorum, & finis, & eorum, quæ philosophum novisse oportet. Nentiquam autem illi per demonstrationes scripta sua composuere; ut qui longissimè supra demonstrationem omnem, locupletes & idonei fuerint veritatis testes. Porro & quæ even-*  

D

runt,

runt, & quæ eveniunt, adigunt assentiri eis quæ ab illis sunt dicta. Quin & propter miracula quæ edidere, ut eis crederetur, digni reperti sunt. Conditorem certè universitatis huius Deum & Patrem glorificaverunt, & eum, qui ab illo missus est, Christum filium eius annuntiauerunt: quod qui seductore & impuro spiritu repleti sunt, Pseudopropheta neg, fecerant, neg, faciant: sed prodigia quædam, ad stuporem hominibus incutiendum, producunt, & impostores spiritus atq; demonia magnificè deprædicant. Tu verò votis precibusq; ut tibi ante omnia porta lucis aperiantur, instas. Neg, enim ab aliis conspici vel cognosci possunt, præterquam ab iis, quibus Deus & Christus eius concesserint. Hæc & plurà alia, quorum commemorandorum nunc tempus non est, quum ille exposuisset, & me sectari iussisset, abiit; nec eum postea ego vidi. Confestim autem animum meum invasit ardor, & occupavit amor Prophetarum, eorumq; virorum, qui Christo cari: & expendens mecum sermonem eius, hanc unicam comperi solidam esse & utilem philosophiam. Atq; ad eum modum & per hæc ipsa philosophus, verus scilicet & qui à vero hominis fine non aberraret, evasi. Hæc Iustinus.

XXXI. Post Iustinum audiamus etiam Tatianum de suâ conversione in oratione contra Græcos disserentem. Quum deprehendissem, inquit, absurditatem cultus Deorum in me descendens, quo modo tandem veritate posirem, inquirebam. Et quum diligenter circumspicerem, in scripturas quasdam barbaras (non græcas) mihi contigit incidere, antiquiores quidem multò, quàm sunt Græcorum dogmata, & diviniore, quàm horum errores. His mihi contigit fidem adhibere, quòd dictio esset minimè phalerata, & quæ dicebantur, non affectata, & quæ de universi creatione proponebantur, perceptu facilia, præterea quòd futura prædicerentur, eximia promitterentur, deniq; unus omnium dominus & monarcha perhiberetur. Οὐδὲ δὲ μὲν τῶν πάντων τῆς φύξεως, itaque quum

quam mens mea divinitus edocta esset, intellexi &c. Per le-  
ctionem itaq; Scripturæ facta est mens ejus ἡ σοφία τοῦ Θεοῦ.

XXXII. Theophilus Antiochenus libro primo ad  
Autolycum: Et ego aliquando haec credebam resurrectionem  
futuram, sed nunc credo postquam ista expendi, simul etiam in-  
cidens in sacras scripturas sanctorum prophetarum, qui per spi-  
ritum Dei enuntiaverunt quae facta fuerunt, quomodo sunt facta;  
& praesentia, quomodo sunt; & ventura ita, uti perficientur.  
Convictus igitur ex iis quae eveniunt & praedicta fuerunt, non  
amplius hesito, sed credo obtemperans Deo. Graeca, si quis  
fortè desideret, in hunc modum habent: Καὶ γὰρ ἐγὼ  
ἠπίστυν τοῦτο ἰσχυρῶς, ἀλλὰ νῦν χαριτοῦσας αὐτὰ πιστεύω, ἅμα  
καὶ ἐπιτυχῶν ἡρώδης γραφαῖς τῶν ἁγίων προφητῶν, αἱ καὶ προεῖπον  
ἅψ' πνεύματος Θεοῦ τὰ προσηγορεύματα ὅτι τρώσῃ γένηται, καὶ τὰ  
ἐκείνη τα πῆν τρώσῃ γίνεσθαι, καὶ τὰ ἐπερχόμενα ποῖα ταῦτα ἀ-  
παρτιδοῦνται. ἀποδείξιν οὖν λαβὼν τῶν νοτιμένων καὶ θεωρασα-  
σθαι μέλει, ὅτι ἀπίστῳ, ἀλλὰ πιστῷ περὶ ταύτων θεῷ.

XXXIII. Gregorij Thaumaturgi conversionem  
tangencia nonnulla superius è Gregorio Nysseno pro-  
ducta fuerunt. ὁ μέγας ὁ ἅγιος αὐτῷ ait Nyssenus, τῇ ἔξω φιλο-  
σοφίᾳ δι' ἐπιμελείας καὶ ἡμιολήσας, δι' οὗ ὁ ἑλληνισμὸς τοῖς πολ-  
λοῖς βεβαιώσεται, ἅψ' οὗτοι οὐδὲν ἔτι πρὸς τίνα τῶν Χριστιανισμῶν  
κατατόνουν. Magnus ille Gregorius in externa philosophia stu-  
diis diligenter versatus, per quae plerique errores & superstitiones  
Graecorum fulcitur, illis ipsis inductus est ad Christiana religio-  
nis cognitionem, & relictā erroneā maiorum suorum religionem  
querere rerum veritatem, ἔξ' αὐτῶν τῶν πεποιημένων τοῖς ἔξω-  
θεν διδασκαῖς, τὸ τῶν ἑλληνικῶν δογματικῶν ἀσύστατον, ex ipsis il-  
lis, quae ab externis philosophis elaborata sunt, edoctus, quod  
Graecanica dogmata subsistere nequeant. Postquam enim ani-  
madvertit tum Graecorum tum barbarorum philosophiam, quod  
attinet doctrinam de numine in diversas sententias scindi, — hos

Nucl. 11.

quidem reliquit, & amplexus est stabilem firmumq; fidei sermo-  
nem, — qui, uti jam antè producta verba habent, & autq;  
τὴν ὡς τὴν πιστὴν εἶναι, τὸ πιστὸν ἔχει.

XXXIV. Simile aliquid de quodam Commodi-  
ano memorat Gennadius Massiliensis libro de viris il-  
lustribus, cap. xv. Commodianus dum inter seculares literas  
etiam nostras legit, occasionem accepit fidei. Factus itaq; Chri-  
stianus & volens aliquid studiorum suorum munus offerre Chri-  
sto suæ salutis auctori, scripsit mediocri sermone quasi versu li-  
brum adversum Paganos.

XXXV. Hilarius itidem sub initium luculenti de  
Trinitate operis commemorat, quomodo consideratâ  
veritate, quæ ex lumine naturæ cognosci potuerit, &  
animadversis gentium circa religionem & numinis  
cultum absurditatibus, tandem ad Scripturas & Chri-  
sti fidem deductus fuerit. Quamquam, ait, non ineptam  
hanc eorum (τῶν ἰσθῶ) esse sententiam atq; inutilem existima-  
rem, Conscientiam ab omni culpâ liberam conservare, & omnes  
humana vitæ molestias vel praevidere prudenter, vel vitare  
consultè, vel ferre patienter: tamen hi ipsi non satis mihi idonei  
ad bene beatèq; vivendum auctores videbantur, communia tan-  
tùm & convenientia humano sensui doctrinarum præcepta sta-  
tuentes. — Festinabat autem animus, non hac tantummodo a-  
gere, quæ non egisse & criminum esset plenum, & dolorum: sed  
hunc tantum muneris Deum parentemq; cognoscere, cui se totum  
ipse deberes, cui famulans nobilitandum se existimabat, ad quem  
omnem spei suæ opinionem referres. — Ad hunc igitur vel intel-  
ligendum, vel cognoscendum, studio flagrantissimo accende-  
batur. Namq; plures eorum numerosas incertorum deorum fami-  
lias introducebant; & virilem ac muliebrem sexum in divinis  
naturis agere existimantes, ortus ac successiones ex diis deorum  
asserebant. — Dignumq; iam non erat, auctores eos veritatis  
existi-



*existimare, qui ridicula, & sœda, & irreligiosa scētantes, ipsi illis inanissimarum sententiarum suarum opinionibus dissident.*

*—Hac igitur multiq, alia eiusmodi mecum animo reputans, incidi in eos libros, quos à Moyse atq, à Prophetis scriptos esse Hebræorum religio tradebat: in quibus ipso creatore Deo testante de se, hac ita continebantur: Ego sum qui sum. Et rursum: Hac dices filiis Israël, misit me ad vos is qui est. Admiratus sum plane tam absolutam de Deo significationem, quæ natura divina incomprehensibilem cognitionem apertissimo ad intelligentiam humanam sermone loqueretur. Non enim aliud proprium magis Deo quam ESSE intelligitur, quia id ipsum quod est, neg, desinens est aliquando, neg, capsi. — His igitur religiosissimis de Deo opinionibus veris studio detentus animus delectabatur. — Fatigabatur autem partim suo, partim corporis metu; qui quum & constantem sententiam suam piâ de Deo professione retineret, & sollicitam de se, atq, hoc occasuro secum, ut putabas, habitaculo suo curam recepisset, post cognitionem legis ac prophetarum, doctrina quog, Evangelicæ atq, Apostolicæ instituta cognoscit.*

XXXVI. Quomodo Victorinus, rhetor urbis Romæ, conversus fuerit, enarrantem Simplicianum, patrem in accipiendâ divinâ gratiâ episcopi Ambrosii, exprimit & ob oculos ponit Augustinus libro octavo Confessionum, capite secundo. Victorinus ille doctissimus senex, & omnium liberalium doctrinarum peritissimus — statuat in Romano foro mœnerat & acceperat, usq, ad illam ætatem venerator idolorum, sacrorumq, sacrilegorum princeps, quibus tunc tota fere Romana nobilitas inflata spirabat, — quæ iste senex Victorinus tot annos ore terre reposito defensitaverat. Exclamat Augustinus, O Domine, Domine, qui inclinasti cœlos & descendisti, tetigisti montes & fumigaverunt, quibus modum te insinuasti illi pectori! Legebas, sicut ait Simplicianus, sanctam Scripturam, omnesq, Christianas literas investigabat studiosissime &

perscrutabatur, & dicebat Simpliciano, non palàm sed secretiùs  
& familiariùs: Noveris me iam esse Christianum. Et responde-  
bat ille: Non credam, nec deputabo te inter Christianos, nisi in  
ecclesià Christi te videro. Ille autem irridebat eum dicens: Er-  
gòne parietes faciunt Christianos? Et hoc saepe dicebat, iam se  
esse Christianum; & Simplicianus illud saepe respondebat, & saepe  
ab illo parietum irrisio repetebatur. Amicos enim suos vereba-  
tur offendere superbos daemonicolas, quorum ex culmine Babylo-  
nica dignitatis, quasi ex cedris Libani, quas nondum contrive-  
rat Dominus, graviter ruituras in se inimicitias arbitrabatur.  
Sed posteaquam legendo & inhiando hausit firmitatem; timuit q̃  
negari à Christo coram angelis sanctis, si eum simeret coram ho-  
minibus confiteri, — subito & inopinatus ait Simpliciano, ut  
ipse narrabat: Eamus in ecclesiam, Christianus volo fieri. At illo  
non capiens se laetitià perrexit cum eo. Vbi autem imbutus est  
primis instructionum sacramentis, non multò post etiam nomen  
dedit, ut per baptismum regeneraretur, mirante Romà, gauden-  
te ecclesià.

XXXVII. Haftenus exempla converforum ex pa-  
ganismo: sequuntur aliorum, qui ex Iudaismo ad Chri-  
stianismum transierunt. Epiphanius refert, famam fu-  
isse de Evangelio Iohannis Hebraicè translato, & Ti-  
beriadè in gazophylaciis Iudæorum inter secretiora re-  
condito; quod mihi, inquit, nonnulli, qui se ad Christi fidem  
è Iudaismo transfulerant, exactè indicavunt. Quin pariter per-  
crebuit, Actus Apostolorum isidem è Græco in Hebraum conver-  
sos in iisdem thesauris haberi, ὡς καὶ πρὸς τὸν ἀναγιγνώσκοντες τὸν  
τῶν ἡμῶν ὑπομνηματισμὸς εἰς Χεβραῖον πεπεσμένον, sicut etiam  
inde Iudæi, qui legerunt, & nobis ista recensuerunt, ad Christi  
fidem adducti fuerant. Subjungit prolixam narrationem  
de Iosepho Iudæo, ex huius ipsius jam tum septuagena-  
rio maioris ore exceptam, mirè obstinato, etiam si mul-

tis modis & miraculis & ipsius Christi apparitionibus ad fidem invitaretur: tandem tamen in Ciliciâ, quum contractâ cum quodam episcopo familiaritate, librum evangeliorum ab eo clam postulasset & legisset, converso & baptizato, & per Constantinum Imperatorem Comite creato. Qui singula accuratiùs voluerit cognoscere, auctorem adeat.

XXXliX. Superiore seculo in academiâ Viennensi Hebrææ linguæ professor fuit Paulus VVeidnerus, Medicinæ Doctor, ex Iudaismo ad fidem Christi conversus. Scripsit, & Ferdinando Imperatori inscripsit librum, quo adversus populares suos disputat, & loca Veteris testamenti ad Christianam fidem facientia explicat. Præfatione ad lectorem conversionis suæ occasionem, modum & historiam exponit. Quoniam liber in paucorum est manibus, adjiciemus. *Ab Urino*, inquit, *quæ civitas est Italia, vocatus fui in ducatum Carinthiæ, ibiq; ordinarius eram medicus, & honesta stipendia habebam, ab eius loci provincialibus Dominis, annos circiter sex. Tandem ex benignâ Dei revelatione, & tractu Patris celestis, mihi inter cæteras curas animi in mentem venit, ut mecum ipse cogitarem, apud animumq; meum revolverem & perpenderem, quanam esset vera religio in mundo; & quis cultus Deo placens: ræpiq; diligentius legere Sacram scripturam, & huc illuc circumspiciens, in novum Testamentum conieci oculos, illudq; contulcum veteri, ac simul adhibui Chaldaeorum, Thalmudistarum & Cabalistarum expositiones, & ita demum Dei beneficio quotidie fere magis oculi mei aperiebantur, ut cernerem haud obscure veram religionem Christianam; & quàm indignè, & impie ac pertinaciter Iudæi contradicant Christo, qui verissimus est Messias, de quo vaticinati sunt Patriarcha & Propheta, & qui in Lege promissus est populo Israëlitis & cæteris gentibus,*

bus, per figurat, anigmata; & arcanas revelationes adumbratus. Neg, tamen adhuc mihi ipsi planè satisfeci, quamvis nihil dubitarem de fide Christianâ verissimâ & certissimâ. Ne quid tamen incogitantius aut precipitanter agerem aut imprudentius aggrederer, mansi per annum totum considerabundus, ac rem melius expendebam, donec subinde magis magisq; in meâ sententiâ confirmarer, & nullatenus fluctuarem dubitationibus. — Tales enim, quibus salus cordi est, rem seriò agunt, & rectè, instèq; morientur ad credendum: ducuntur enim auctoritate divina scriptura, doctrinâ miraculis confirmatâ, & aguntur instinctu Dei illuminantis, Simule etiam variis exercentur tentationibus, ut fides fiat certior & firmitior. — Hac ratione dico me mansisse in annuâ deliberatione, versasseq; libros utriusq; instrumenti nocturnâ manu atq; diurnâ, summo silentio & spe, ut inquit Apostolus. Porro simul atq; res celari amplius non posuit, protinus à meâ secundum carnem, non mediocria, propter fidei Christianæ suspicionem, expectare pericula cogebar, quæ, proh dolor! in hunc usq; diem mihi intentari video & experior. Indignum est, inter Christianos improbitati Iudæorum tantum permitti, ut populares suos ad Christi fidem transeuntes affligant & injuriâ afficiant. E re foret, ejusmodi nequitiam seriò castigari & compesci. Sed pergat Paulus, qui itidem ipse olim Saulus fuerat. Caterum putabam iacturam potius rerum omnium & vitæ faciendam esse, quàm de salute animæ volentem scientemq; periclitari. Quare speris omnibus periculis, & neglectis fratribus & sororibus, imò & parentibus atq; omnibus propinquis & amicis, & posthabitis patriâ & bonis paternis, cum uxore & liberis quatuor Vixennam Pannonia me contuli, ibiq; Christianam religionem non intra parietes, non paucis adhibitis testibus, sed publicè & palàm professus sum, tinctus sacro baptismo unâ cum uxore & quatuor liberis, in ade basilicâ Divo Stephano sacrâ, die Domini



*vicā undecimā post festum Trinitatis, quæ fuit XXI dies mensis Augusti, anno M D L I X. Tandem Iudæos, populares & cognatos suos, compellat verbis dignis notari. Quilibet vestrum à viâ suâ malâ recedas, & Deum ores, ut suum illumines intellectum, is a quod veritatis viam agnoscere, & agnitam custodire, hypocrisis, perfidiam, avaritiam atq; superbiam fugere, & veras virtutes amplecti & exercere, quæ veræ fidei certissima documenta & testimonia sunt, per omnem vitam possitis. Quod ipsum non aliâ ratione melius fiet, quàm si lectioni Prophetarum, etiam Evangeliorum, quæ Prophetis lucem inferunt, diligentem excursionem adiunxeritis. Nam vobis affirmo, quàm cara mihi est propria salus, teste Deo, quòd si Evangelica verba non tantum primis labiis degustaveritis, sed studio agnoscenda veritatis, & in ima pectoris transmitteritis, fore ut in lumine ipsorum lumen videatis. In his enim verificationis Prophetiarum de Messia loquentium certitudo invenitur; & ex Christi verbis & vitâ manifestè cognoscitur, quòd ipse verus sit Messias, qui ex immensâ dilectione, quâ complexus est Deus genus humanum, carnem induit, divinitatem indissolubili nexu cum humanâ naturâ mirabiliter copulans.*

XXXIX. Circa eadem tempora contigerunt, quæ de Iohanne Isaac, iidem Hebrææ linguæ professore in academiâ Colonienfi, & Iudæis nonnullis Africanis commemorat Andræus Defensionis cencilii Tridentini libro quarto. Iohannes Isaac, inquit, vir nostrâ ætate inter Hebræos doctissimus, ingenuè fateretur, Prophetarum se, ac maxime Esaiæ, quem non nisi Hebræicè legere poterat, continuâ meditatione fuisse pertractum, ut Iudaicâ perfidiâ deservit Christo Iesu, à quo mirum in modum antea abhorruerat, nomen lubentissimè daret. Aliquos etiam hic in Lusitaniâ agnosco ipse, non vulgaris antea inter Hebræos, qui interiorem Africam incolunt, eruditionis, qui solâ capitis Esaiæ quinquagesimi tertii

Post initium.

*lectione inducti fuerunt, ut domo, patriâ, parentibus, amplissimisq; fortunis relictis, Christo se lesu inflammatis studiis consecrarint.*

XL. Christianus Gerson, cujus exstat scriptum Germanicum, quo fabulæ & absurda Talmudis recensentur & refelluntur, nobis in hac academiâ ante annos xl familiariter notus fuit. Christo nomen dedit exeunte superiore seculo, & sacro lavaero tinctus est Halberstadii, anno cr̃o 15 c, die xix Octobris. Occasionem & modum conversionis suæ exponit ipse præfatione ad Serenissimum & sapientissimum principem Henricum Iulium, gloriôsæ memoriæ. Nos inde excerpta breviter latinis verbis proponemus. *Me, ait, in vineam Christiana ecclesia Deus anno ætatis meæ trigésimo primo vocavit per suum verbum, non quidem predicatum vel auditum, quod templi propter præsentem in iis imagines intrare non auderem: sed paupercula quadam Christiana femina, vicina mea tradebat pignori codicem Novi testamenti Germanici, à Luthero conversi: cui ego mutuos dabam octo solidos, ut usuram meo more lacreret, & librum interim evolverem, non quidem quod de veritate Iudaica religionis dubitarem, aut ullum Christiana fidei articulum rectum crederem, sed ut cognoscerem, quisnam ille tantopere efficax error, qui tot animarum myriades seduceret & in exitium precipites daret. Præsentibus igitur duobus meis affinibus Lazaro & Simeone totum perlegi, non sine blasphemis. Interim verò cor meum percellabatur, & quâ animadvertissem Evangelistas & Apostolos & Christum ipsam toties ad Vetus testamentum provocare, & subinde loca ex eo alia post alia adducere, illectus fui ut denuò legerem, clanculum quidem, nemine conscio, ne quidem uxore meâ, & ut loca adducta cum ipso Veteris testamenti textu contenderem. Quod ubi feci, tanta lux mihi illuxit, ut eo nomine æternas Deo debeam gratias.*

gratias. Quum autem cogitationes meas nemini, & ne coniugi quidem, deiegere auderem, & praeerea cura uxoris, liberorum reig, familiaris & varietas sectarum, qua inter Christianos deprehenditur, animum meum turbarent & distraherent, per insognas XIV septimanas adeo angebar, ut nec esca nec potus saperent, nec quietum somnum caperem, donec pro sua benignitate & clementia Deus animo meo indidit, ut relicta patria & cognatione mea in disionem Brunsvicensis me conferrem, ibiq, sacrum baptismum peterem. Hæc ille, vir Hebrææ linguæ peritissimus & in scriptis Rabbinicis & Talmudicis versatissimus: qui deinceps etiam effecit, ut suus frater & filius Iudaismo erepti ad Christum traducerentur. Et hæc quidem exempla sunt conversionis Iudæorum.

XLI. Colophonis loco adicio, quæ de conversione Iapanensium ad Michaëlem Turrianum Iesuitam scribit ex eadem societate Iohannes Baptista Montius, Bungo, v Id. Octob. anno cto 10 LXIV. Quod ad conversionem, inquit, harum gentium attinet, evangelium longè lateq, iam pervagatum est, & sanè probatur in vulgus, & fere semper ad baptismum Dei beneficio aliqui perducuntur. Ratio autem nostra cum illis agendi est eiusmodi. Quaritur primum quam sectam sequantur. Deinde non modò quam ipsi profitentur, sed etiam reliqua omnes Iapanica secta multis rationibus ita confutantur, ut earum ope ac præsidio æternâ salute se nequaquam potiri intelligant. Id ubi perceperunt, docentur esse unum rerum omnium opificem, qui ex nihilo cuncta creaverit, eaque omnia fungi officio præter Angelos deferiores, & hominem, qui è primo illo statu suâ culpâ exciderit, in quo ab Deo parente positus fuerat; idemq, natura legibus, rectaq, rationi adversetur. Discunt deinceps Deum esse trinum & unum, cuius imperium homo neglexerit. Et quoniam infinita maiestati ac numini facta iniuria infinitam quoque sa-

Lib. 4 epi-  
stol. Iapani-  
carum.

isfactionem exigeret, secundam Trinitatis personam, quam genus humanam, aliave omnino creata natura solvendo non esset, humanitatem nostram ultro adsumpsisse & induisse, ut idem homo simul & Deus innocentissimus penam nostris sceleribus debitam pretioso sanguine suo acerbam morte persolveres, & nos in omnipotentis Dei gratiam restitueres. Hæc illis omnia clarè & copiosè explicantur. Tum ad eorum questiones probè respondetur, & omnis ex eorum animis, quoad eius fieri potest, dubitatio tollitur, atque ut illis certa precandæ formula & præcepta decalogi tradita sunt, promittunt se barbaros ritus superstitionesq; deposituros. Deniq; sacri baptismi vis, atq; mysteria iisdem explicantur: atq; ipsa Christo dant nomina ac baptizantur.

XII. Commemorata hætenus exempla evidenter oculis nostris ingerunt summam Scripturæ auctoritatem sive vim animos percellendi, & ad adsensum præbendum commovendi, quam ab adjunctâ gratiâ divinâ & virtutē S. Spiritus auctoris sui fortietur. Et ex hac prius posita & creditâ fidelibus innotescunt promissiones divinæ, per quas fit, ut universam ecclesiam in fundamentis ad salutem necessariis errare, id est penitus interire & extinguī non posse, constet. Quantum externæ dignitatis & eminentiæ hodie in Ecclesiam competit, tantum olim non competebar; atque ita hodie etiam se habet, ut plerisque non sit satis exploratum. Quibus autem innotuit, apud eos vicem inducentis tueri potest, non evincens. Hinc igitur est, quod superiora conversionum exemplanumquam auctoritatem ecclesiæ, per quam convertendū ad adsensum Evangelio præbendum commoti fuerint, inducunt. Esto itaque, quod aliquibus fuerit occasio credendi, & causa per quam primitus allecti, & sine quâ



quā non credidissent, ut sancto Augustino: esto, id-  
 quam, intuitu nonnullorum id adferri rectè posse: quod  
 omnes attinet, certè non potest, quemadmodum ad-  
 ducta exempla demonstrant. Minimè igitur est causa  
 per se ad sensus Evangelio à Christianis præbiti. nam si  
 esset, numquam ab ullo præbito ad sensu abesset. *Multi,*  
*ait Serarius, Biblia esse divina credunt, etiamsi nesciant Ec-*  
*clesia de ipsis testificantiis testimonium, ut gentilium aliqui, dum*  
*fidem amplectuntur, & Christianorum non pauci, vel indocti,*  
*vel docti quidem, sed circa hæc nihil ratiocinantes. At quan-*  
*do actus aliquis agi potest absq. re aliquā, non est hæc ad illum*  
*necessaria. Causa autem per se est divina gratia & vir-*  
*tus Sancti Spiritus, cum Evangelio conjuncta, & per il-*  
*lud, tamquam per adæquatum & ordinarium medium,*  
*operans. Hinc fidem infusam appellant Scholastici. Et vi veritatis ada-*  
*ctus rectè admittit & docet Thomas*  
*Stapletonus, impossibile esse sine speciali gratiâ ac dono fidei*  
*divinitus infuso actum veræ fidei producere, aut ex veri nomi-*  
*nis fide credere: item donum fidei infusum tam certam &*  
*efficacem esse fidei causam, ut per id solum veram fidem conse-*  
*qui liceat, absq. voce, testimonio, doctrinâ & magisterio Ecclē-*  
*sia. Et improbatur sententiam Bielii, docentis fidem in-*  
*fusam non posse haberi sine præviâ aut comitante ac-*  
*quisitâ. Quò etiam videtur Scotus inclinare. Quin*  
*uterque  $\mu\lambda\omega\beta\upsilon\lambda\lambda\epsilon\tau\gamma$  illo sancti Augustini dicto abuti-*  
*tur. Quod etiam facit Iacobus Almainus, & inde col-*  
*ligit, aut colligere annititur, Ergo tota ratio, quare tene-*  
*mur credere Evangelio, epistolis Apostolorum & Prophetarum,*  
*est, quia præsentantur ab Ecclesiâ. ergo à fortiori tenemur ma-*  
*gis credere veritati Ecclesiæ, quàm Evangelio.*

XLIII. Multi ex iis, qui necessariae, superiore se-  
 culo coepta, reformationi sese opposuerunt, ut Eccle-

Proleg. Bl.  
 bliac. c. 7.  
 qu. 7.

Princip.  
 doct. lib. 2.  
 cap. 2.

Cap. 9.

1. dist. 23.

1. dist. 24.

L. i. adverb.  
prolegom.  
Breuius.

In hac.

fixæ, & quidem non primæ & priscæ, sed recentî & præ-  
senti; non universali, sed particulari siue Latine siue  
Romanæ, ejusve Pontifici supereminentem, immen-  
sam & illimitatam auctoritatem & potestatem vindi-  
carent, nihilo saniora protulerunt. *Revera*, ait Cardi-  
nalis Hosius, *nisi nos Ecclesia doceret auctoritas hanc Scri-  
pturam esse canonicam, perexiguum apud nos pondus haberet.*  
Imò, ut loquitur Sixtus Senensis Bibliothecæ suæ libro  
octavo, hæresi xix, *nec quidquam librorum, qui in canone  
ponuntur, fidei derogatur, etiamsi ab auctore profano scripti  
sint, quum libri fides non ab auctore, sed ab ecclesia catholica au-  
thoritate pendeat; & quod illa acceperit, verum & indubitatum  
esse oportet, à quocumq; dictum sit auctore.* Similiter adse-  
rit Thomas Stapletonus Principiorum doctrinalium  
libro nono, quod sit penes ecclesiam huius temporis, librum  
aliquem in canonem nondum receptum, Apostolorum tamen  
tempore scriptum (exempli causâ librum Hermæ, Pastoris nomi-  
ne inscriptum, vel constitutiones Apostolicas à Clemente edi-  
tas) in numerum librorum sacrorum, & ceterò Canonicorum re-  
ferre posse. *Quod ut non temerè, inquit, unquam facies Ec-  
clesia; sic si faceres, auctoritatem divinam apud nos illi libri ha-  
berent, non secus quàm alii, siue sub ipsis Apostolis, siue post il-  
lorum tempora in Canonem relati.* Iacobus Gretserus De-  
fensionis Bellarmini tomo i, lib. iiii, cap. ix: Adeo ab  
Ecclesiâ fides infusa & est & pendet, ut remota Ecclesiâ aucto-  
ritas e nullo modo subsistere valeat. Sub initium ejus operis,  
nempel libro primo, capite primo, Id, inquit, solum pro  
verbo Dei veneramur ac suscipimus, quod nobis Pontifex ex  
cathedrâ Petri, tamquam supremus Christianorum magister, o-  
mniumq; controversiarum iudex definiendo proponit. Ita ad u-  
num Pontificem tandem itur, & revocantur omnia,  
Silvester Prierias, qui primus calamum contra Luth-  
rum

rum strinxit, sub initium Dialogi, quem ei opposuit :  
*Quicumq;* non innititur doctrina Romana ecclesie, ac Romani pontificis, tamquam regula fidei infallibili, à quâ etiam Sacra scriptura robur trahit & auctoritatem, hereticus est. Et progressus ultra medium, Indulgentie, ait, auctoritate Scripturæ nobis non inuenerunt, sed auctoritate ecclesie Romana, Romanorumq; pontificum, quæ maior est. Ab eorum videlicet arbitrio pendes, ut loquitur Baronius, quid velint esse in aniversâ ecclesiâ sacrosanctum. Et hoc est, quod fundamenta immanis & antichristiani dominatus jaciens Hildebrandus sive Gregorius VII ante quinque secula primus dictavit, nullum capitulum nullumq; librum canonicum haberi absq; Romani pontificis auctoritate.

Fundam.

An. 513  
num. 116

XLIV. Ne quid tamen dissimulemus, Gretserus, quem paullò antè admodum dura loquentem audivimus, alibi ad saniolem sententiam propius accedere videtur. Nempe Appendice secundâ ad librum tertium Bellarmini, Pontificii, inquit, principaliter Scripturis fidem habent, easq; ut divinas venerantur ac suspiciant, propter divinam revelationem: at ob Ecclesie auctoritatem non aliter, quàm ut ob conditionem sive quæ non, ut in scholis appellamus. Nisi enim hæc testificatio accederet, ipsa divina revelatio de libris canonicis, atq; adeo ipsa etiam maiestas & auctoritas, quæ Canonici libri in se sunt præditi, nunquam nobis innotesceret. Hæc postrema, uti ad hunc modum simpliciter proferruntur, falsa esse ex iis, quæ superius dicta & producta sunt, constat. Interim Ecclesie auctoritatem apud nonnullos, qui eam penetrare potuerint, operam verò aliquam apud plerosque conditionem sive quæ non fuisse vel esse, ultrò conceditur. Ex operâ autem adhibitâ adhibentium hominum magnam vel ad commovendum idoneam auctoritatem fuisse, rectè non colligitur.

Alius

Alius magni nominis Iesuita, Martinus videlicet Becanus, in hunc modum loquitur Tractatu de Fide, cap. 1, quæst. 11: *Tripliciter credi potest Deum aliquid revelasse. Primò propter se; & tunc est assensus fidei Theologica. Secundò propter auctoritatem Ecclesiæ dicentis; & tunc non est assensus fidei Theologica, sed alterius inferioris ordinis. Tertiò, propter auctoritatem hominis; & tunc est assensus fidei humanæ. Primus assensus sic explicatur: Credo Deum hoc revelasse, non propter aliud, sed immediatè propter se. Secundus sic: Credo Deum hoc revelasse, quia Ecclesiæ dicit. Tertius sic: Credo Deum hoc revelasse, quia homo dicit. Itaq, primus assensus non resolvitur ulterius, sed sistit in ipsâ revelatione divinâ, quæ creditur propter seipsam. Secundus resolvitur in auctoritatem Ecclesiæ, Tertius in auctoritatem hominis. Quod secundo ad sensui à cæteris distincto peculiare genus tribuit, non potest probari. Aut enim nititur testimonio Ecclesiæ, de quâ ex Scripturis constat, eam fundamenta salutis non ignorare vel depravare, id est, universalis ecclesiæ; & sic in solos, qui fideles jam sunt, competit, & est ad sensus fidei Theologiæ: aut Ecclesiæ, prout ea hodie præ cæteris mortalium congregationibus vel superstitionum sectis antiquitate, amplitudine, eruditione & virtute eminet; & sic in paucos cadit, neque transcendit ad sensum fidei humanæ. Priore itaque modo cum primo; posteriore cum tertio coincidit; nec peculiare genus constituit.*

XLV. Notandum autem, etiam si ad sensus fidei Christianæ, qui Scripturis præbetur, sive donum fidei infusæ haberi queat absq; cognitâ auctoritate, imò absq; adhibito aliquo sive magisterio, sive ministerio Ecclesiæ; haberi tamen non posse absq; ipso verbo divinitus revelato, undecumq; tandem in notitiam deducatur.



tur. Hic operæ est observari, verbum Dei juxta tripli-  
 cem differentiam considerari, sive etiam triplici modo  
 proponi posse: uno, ut sit verbum Dei saltem secun-  
 dum rem & sententiam; altero, secundum rem & vo-  
 ces; tertio, secundum rem, voces & idioma. Primo  
 modo fuerit verbum Dei, si dixerò; Corpora nostra e-  
 adem numero per omnipotentiam divinam supremo  
 seculi die resuscitabuntur, & animabus nostris denuò  
 unientur, ut simus iidem homines, qui pridem era-  
 mus. Hoc est doctrina divina & Dei verbum, saltem  
 quod rem & sententiam attinet. Totidem enim verbis  
 nullibi Scriptura utitur, sed rem ipsam satis dilucidè  
 proponit. Eodem modo verbum Dei est, quod Sym-  
 bolo Apostolico continetur. Neq; enim illud eâ serie  
 & contextu verborum ullibi in Scripturâ exstat, & ne  
 quidem omnia Symboli verba, Scripturæ sunt verba.  
 Dicitur Apostolicum, quòd summam contineat do-  
 ctrinæ Apostolicæ. Ab ipsis enim Apostolis *ἀπολαβὴν*  
 confectum fuisse nec probari potest; nec verosimile  
 est. Nam si ab ipsis Apostolis totidem verbis confe-  
 ctum esset, causa reddi non posset, quare tamquam  
 pars Scripturæ non habenda. Dicit quidem Hierony-  
 mus *symbolum fidei & spei nostræ ab Apostolis traditum non*  
*scribi in chartâ & sacramento; sed in tabulis cordis carnalibus;*  
 quòd scilicet Christiani omnes id memoriter tenerent,  
 atq; illi etiam, qui literas nescirent, nihilominus reci-  
 tarent: non verò quòd scribi prorsus aut non soleret  
 aut non deberet. Quin non ita verbis discreparent  
 symbola antiquarum ecclesiarum Romanæ, Aquileien-  
 sis, Orientalis, ut apud Rufinum, & Ierosolymitanæ, ut  
 apud Cyrillum videre est, si symbolum aliquod ipsi A-  
 postoli conceptis verbis edidissent. Rem verò unam &

Epist. 61.  
 cap. 9.

eandem in alio libro canonico diffusius, in alio contra-  
ctius memorari, ad præsens negotium nihil facit, quum  
diversi illi sint libri, verbi gratiâ, alius est liber evange-  
licus Matthæi, alius Marci: hic autem unum & idem  
Apostolicum symbolum. Pari ratione verbum Dei  
quoad rem dici meretur, quidquid habetur in symbo-  
lis & confessionibus primarum quatuor œcumenica-  
rum synodorum: quidquid etiam rectè traditur & ex-  
ponitur sive à priscis sive à recentioribus ecclesiasticis  
scriptoribus & doctoribus. Secundo modo quoad  
rem & voces verbum Dei est, quod ex origine sive He-  
braicâ Veteris sive Græcâ Novi fœderis in alias linguas  
probè est translatum. Ad eum itaque modum compa-  
raturæ sunt versiones Scripturarum. Tertio modo se ha-  
bent, atque adeo in summo gradu Verbum Dei sunt li-  
bri, quales immediatè & proximè ab ipsis sanctis au-  
ctoribus Mose, Prophetis & Apostolis profecti & con-  
scripti sunt, nempe Hebraici Veteris & Græci Novi fœ-  
deris.

XLVI. Iam dico, quocumque horum trium mo-  
dorum verbum Dei proponatur, omnino verbum Dei  
est, & additam sive innexam habet divinam gratiam &  
vim subeundi & percellendi animos, & ad præbendum  
indubitatâ fide ad sensum commovendi. Absque hac  
enim si esset, sive hanc si verbo suo Deus non adjunge-  
ret, frustra ipsum faceret proponi & prædicari, quum  
non servet hominem, nisi certâ & immotâ fide credi-  
tum: tali verò credi non possit, nisi per virtutem adjun-  
ctæ divinæ gratiæ, ut sæpius jam fuit dictum; quod vi-  
delicet argumenta, quæ infallibiliter persuadeant & e-  
vincant, nulla dentur. Sed, ut jam dixi, Dei verbum  
quando proponitur, est Dei verbum, sive primo, sive  
secun-

secundo, siue tertio modo proponatur; & iuncta est ubique gratia & *ἐκπόρευσις* Spiritus sancti, per quam qui audiunt, nisi negligentiam vel contumaciam obijciant, ad præbendum ad sensum inducantur. Et quum fides secundum se non sit discursiva, sed simpliciter apprehensiva, fieri bene potest, ut evangelium primo modo propositum homini, præsertim rudiori, satisfaciatur. Hinc igitur est, quod nonnulla superius producta exempla non præcisè & directè Scripturam memorant, sed Christianam doctrinam. Hæc enim ipsa si sincerè proponatur, quocumq; aliàs modo, siue disertè siue indisertè proponatur, Dei verbum est, & divinâ virtute pollet. Hinc etiam, quod attestante Irenæo multa gentes barbarorum in Christum crediderunt, sine charactere vel atrimeto scriptam habentes per Spiritum in cordibus suis salutem, & veterem traditionem diligenter custodientes, in unum Deum credentes fabricatorem cæli & terræ, & omnium quæ in eis sunt, per Christum Iesum Dei filium. Qui propter eminentissimam erga figmentum suum dilectionem, eam quæ esset ex Virgine, generationem sustinuit, ipse per se hominem adunans Deo, & passus sub Pontio Pilato, & resurgens, & in claritate receptus in gloriâ, venturus salvator eorum qui salvantur, & index eorum qui iudicantur, & mittens in ignem æternum transfiguratores veritatis, & contemtores Patris sui & adventus eius. Hanc fidem qui sine literis (non tamen sine doctrinâ è sacris literis depromptâ) crediderunt, quantum ad sermonem nostrum, barbari sunt: quantum autem ad sententiam, & consuetudinem, & conversationem, propter fidem, per quam sapientissimi sunt, & placent Deo, conversantes in omni iustitiâ & castitate & sapientiâ. Hæc de barbaris Christianis Irenæus. De aliis nonnullis Augustinus libro primo de doctrinâ Christianâ, cap. xxxix. Homo, inquit, fide, spe & caritate

Num. II &  
40.

Lib. I, c. 4.

*subnixus, eaq, inconcussa retinens, non indiget Scripturæ nisi ad alios instruendos. Itaq, multi per hac triam solitudinem sine codicibus vivunt.*

Num. 16.

XLVII. Quamvis enim, ut pridem dictum fuit, fides secundum se in simplice apprehensione sit posita, & non in discursu, ad eum fere modum, uti principia per se nota ex apprehensis terminis præeunte naturali lumine sive intelligendi facultate vera esse cognoscuntur; nihilominus sicut aliquando de hisce principijs, ita quoque de dogmatibus & articulis Christianæ fidei instituitur discursus, imò institui plerumque oportet. Potest fieri, ut summam Christianæ religionis breviter & simpliciter propositam nonnulli amplectantur, & sine ambagibus ac curioso scrutinio ad sensum præbeant: sed si aliter fuerint animati, si forte ingenijs aut tardioribus aut acrioribus, si oboriantur scrupuli, si ingruat desiderium cognoscendorum principiorum sive fundamentorum, quibus tota res innitatur; tum omnino discursum institui, & ad Scripturam eos deduci oportet. In eâ videlicet omnia Christianæ fidei dogmata continentur, & ex eâ deduci & demonstrari possunt ac debent. Etiam si autem legatur, sicut in aliam linguam per interpretem conversa fuit, est nihilominus Dei verbum: non tamen ita propè à Deo profectum vel ortum, quemadmodum se habet, quando linguâ primævâ, quâ scriptores ipsi Θεόπνευστοι usi sunt, legitur. Plurculum etiam hîc accessit humanæ operæ, & quidem talis, quæ non fuerit gubernata per peculiarem Spiritus sancti adstantiam, quâ ab omni errore immunis præstaretur. Si itaque, cum quo agitur, non adquiescat, adscendendum erit ad Scripturam, uti à primis suis scriptoribus idiomate, quo ipsi  
usi



usi fuerunt, consignata est. Atq; hoc est verbum Dei,  
quod quidem hodie extet, in summo gradu, siue puri-  
tate maximâ; quo, quod proximiorē a Deo trahat o-  
riginem, nullum in toto terrarum orbe reperitur. Et  
etiam si accesserit aliqua hominum opera, totam tamen  
divinitus gubernatam, & ab omni errandi periculo de-  
fensam fuisse agnoscunt & fatentur Pontificii. Adscri-  
bam modò in hanc rem verba Francisci Suarez è Tra-  
ctatu de Fide, disp. v, sectione 111; satis, ut apparet,  
consideratè loquenti. *Adverto, inquit, duobus modis posse* Paragr. 1.  
*intelligi singula verba Scripturæ esse ab Spiritu sancto, scilicet*  
*per specialem motionem antecedentem, vel tantum per assisten-*  
*tiā, & quasi custodiam. Prior modus erit, quando Spiritus*  
*sanctus, vel imprimis conceptum verbi per species infusus; vel*  
*peculiariter movet, & excitat species præexistentes. Et hic mo-*  
*odus est maximè proprius & perfectus: & verisimilius est obser-*  
*vari ab Spiritu sancto, quoties mysteria, quæ scribuntur, super-*  
*naturalia sunt, & captum humanum excedunt. Non videtur*  
*autem necessarium, esse eruditi quidam recentiores id contē-*  
*dant, ut semper dicentur verba hoc peculiari modo: quando e-*  
*nim auctor canonicus scribit aliquid, quod secundum se huma-*  
*num est, & subiacet sensibus, satis videtur, quod Spiritus illi spe-*  
*cialiter assistat, & custodiat illum ab omni errore, & falsitate,*  
*& ab omnibus verbis, quæ non expediunt, vel decent talem scri-*  
*pturam; avertendo scilicet speciali providentiâ omnia obiecta,*  
*quæ conceptus talium verborum excitare possunt; & in reliquis*  
*permittendo, ut scriptor suâ memoria, & suis speciebus, ac suâ di-*  
*ligentiâ utatur in scribendo. Posterius deinceps repetit,*  
*nempe licet in Scripturâ omnia sint scripta Spiritu divino, ni-* Paragr. 16.  
*hilominus eundem Spiritum relinquere scriptorem, ut modo sibi*  
*accommodato, & secundum suum ingenium, eruditionem, & lin-*  
*guam singula scribat, & ita etiam permittit, ut aliqua familiari*  
*& hu-*

& humano modo scribas, quamvis sub directione sua. Et hinc etiam sine dubio diversitas dictionis, quâ inter se sacri libri differunt. Directio autem illa omnibus & singulis infallibilitatem impertit.

XLIX. In discursu itaq; circa res credendas & sub lumine fidei ad alios sive informandos sive convincendos instituto primum principium complexû, ad quod resolvendo tandem devenitur, & ultra quod inter ea, quæ creduntur, progredi non datur, hoc ipsum est, Quidquid sacra canonica Scriptura dicit, divinitus est scriptum, & indubitato sive infallibiliter verum. Ut autem hoc axioma exquisitè sibi constet, *sacram canonicam scripturam* intelligi oportet eam, quæ à canonicis scriptoribus idiomate ab ipsis usurpato confecta & edita fuit. Ultra hanc in serie revelationum, respectu cognitionis nostræ aliquem sanè inter se ordinem, nexum & dependentiam habentium, progredi non licet. Hic opera humana aliter non accessit, quàm superius fuit expositum, & Pontificios agnoscere demonstratum est. Operæ humanæ interpretum præter revelationem (quâ hic novâ vel iteratâ opus non est, quum ante oculos in fontibus præstò sit prisca & prima) abest illa peculiaris divina directio, per quam omne errandi periculum amovetur. Quamque igitur versionem cum fonte contendere, & ad eum examinare fas est; imprimis si urgeat, cum quo fuerit negotium. Interim quod versione exprimitur, præsertim si à fonte quoad sententiam non discrepet, nihilominus Dei verbum est; imò etiam si quod Scriptura proponit, verbis prorsus alijs, sensu tamen illibato & integro exponatur: idque etiam ipsum virtute divi-

divinâ divino verbo propriâ ad animos commoven-  
dos & ad adsensum pertrahendos pollet.

XLIX. Hoc itaque, quod diximus, axiomate vel  
principio posito demonstrari & ex eo evidenter (etiâ-  
si ipsum in se non sit evidens) deduci possunt omnia  
credenda, & omnia agenda sive quod sacramenta atti-  
net, sive quod vitam & mores. Lubet adjicere verba  
Iohannis Gersonis, quæ habentur Tractatu, *Quæ veri-  
tates sint de necessitate salutis credende. Credulitas*, inquit,  
*omnium traditorum in Sacra scripturâ innisitur hac prin-  
cipio solum credito, & naturaliter inevidenti, QVOD TO-  
TA SCRIPTURA A DEO REVELATA EST.* Addit  
eodem Tractatu: *Vna est omnium credibilium credendi ratio,*  
*scilicet auctoritas primæ veritatis revelantis, quæ nunc videtur*  
*in enigmate.* Sacræ verò canonicæ Scripturæ auctori-  
tatem esse tantam, ut omnem aliam cuiusvis sive scri-  
pti, sive testimonii, sive decreti, quod quidem hodie  
exstet, aut exstare possit, excedat, ex dictis est manife-  
stum; & ex his potissimum rationibus, quod immédia-  
tius sive proximius à Deo profecta, quàm ulla alia scri-  
ptura; & quod ejus scriptores gubernati fuerint divinâ  
adistentiâ & directione, quali post confectam & com-  
pletam Scripturam nullus alius vel scriptor, vel testis,  
vel iudex.

L. De Iohanne Baptistâ Dominus ipse; *Amen di-* Matt. II, n.)  
*co vobis, non surrexit inter eos, qui nascuntur è mulieribus, quif-*  
*quam maior Iohanne baptistâ: & tamen idem Dominus; E-*  
*go testimonium habeo maius testimonio Iohannis. Opera enim,* Ioh. r. v. 36  
*quæ dedit mihi Pater, ut ea perficiam, testantur de me, quod Pa-* & seqq.  
*ter miserit me. Et qui misit me Pater, ipse testatus est de me.*  
*Et Scriptura sunt, quæ testantur de me.* Scripturarum ita-  
que testimonium testimonio Iohannis, tamquam ma-  
jus,

jus, præfert. Evangelium, quod prædicavit Apostolus  
 Paulus, non est aliud, quàm quod hodie Scripturis, &  
 disertè quidem Scripturis Novi testamenti continetur.  
 Huic autem tum suam ipsius, tum cœlestium Angelo-  
 rum auctoritatem subjicit, & cedere jubet sanctissimus  
 Galat. 1. 8. Apostolus. *Etiamsi nos, ait, aut Angelus è cœlo evangelizet*  
*vobis prater id, quod vobis evangelizavimus, anathema esto.*  
 Quod Angelus evangelizaverit, ut intelligatur vel idem  
 vel diversum esse ab eo, quod evangelizavit Paulus, o-  
 portebit conferri cum evangelio, quod prædicavit  
 Paulus, & hodie canonica Novi testamenti scripta ex-  
 hibent; & si deprehendatur diversum esse, non obstan-  
 te auctoritate Angeli è cœlo, irrogato anathemate re-  
 pudiandum & damnandum erit. Sic etiam de hodie-  
 nâ ecclesiâ ex collatione doctrinæ ejus cum libris Evan-  
 gelicis judicandum esse docuit Driedo superius num.  
 xxvi. At presbyteri Congregationis Oratorii, & inter  
 eos Thomas Bozius Eugubinus, dum Romanæ curiæ  
 ejusque Pontifici adulatur, eò usque provehitur, ut af-  
 firmet, *quod sit falsò & impudenter dictum, Divinam scriptu-*  
*ram esse majoris auctoritatis, quàm sit Ecclesia.* Imò juxta  
 ipsum *doctrina Ecclesia est divina propter Ordinis sacramen-*  
*tum, quo qui consecrantur, hauriunt hanc à Christo divinitatem,*  
*ut ipsorum decreta pro ratione muneris commissi divina sint ac*  
*dicantur.* Iohannes Morinus præfatione in versionem  
 lxx interpretum, præmissâ splendidis & operosis Bi-  
 bliis παλυνλώσις, Lutetiæ nuper editis, asseverat *scri-*  
*ptura auctoritatem, quantum ad nos attinet, in Ecclesia testi-*  
*monio & auctoritate totam residere.*

De signis  
 eccl. 1. 16,  
 c. 10.  
 Cap. 9.

LI. Verum quidem est, Ecclesiam inter homines  
 in mundo constitutam & collectam fuisse annis prope-  
 modum bis mille & quingentis, priusquam ministerio  
 Mosis



Mosis condi cœperit Scriptura. Et potuit aliquamdiu sine adminiculo Scripturarum haut incommodè consistere Ecclesia, quòd nondum tanta esset hominum multitudo per universum orbē dispersa, ut postea fuit; quòd præstò essent Patriarchæ maximè longævi, singuli erudiendis familiis sive populis ex se ortis intenti; denique quòd his ipsis Deus sæpe sese manifestaret, & peculiaribus alloquiis sive revelationibus voluntatem suam patefaceret. Observandum hîc est, tum conditi orbis historiam, tum veri Dei notitiam & cultum usq; ad ætatem Iacobi Patriarchæ per annos plures quàm bis mille, propter longævam vitam ejus ævi mortalium propagari potuisse per solos tres homines, Adamum videlicet, Methusalemum & Semum. Potuit Adamum audire Methusalem; Methusalemum Semus; Semum autem Iacobus. Potuit igitur audire Iacobus ab eo, qui testaretur se audivisse ex auditore Adami. Cæterum ubi dispersum fuit genus humanum per plurimos & disjunctissimos terrarum tractus; ubi contrahi cœpit ætas humana, & à multis annis ad paucos redigi, atque adeo desierunt populis adesse <sup>maximè</sup> Patriarchæ, & qui adessent, officio negligentius fungi; denique ubi Deo visum fuit suarum apparitionū & alloquutionum frequentiam minuere, minúsq; crebras hominibus impertire: ibi placuit medium, quod suâ naturâ ad conservandam rerum gestarum memoriâ & doctrinæ veritatem idoneum, nempe Scripturam, adhibere. Non quidem absolutè necessarium fuit Scripturis uti: potuisset enim Deus pro immensâ suâ sapientiâ & potentia alias rationes inire, aliosq; conservandæ & propagandæ veritatis modos invenire. Interim ubi suppetunt ordinaria media, ad finem ex se idonea, non con-

Lib. 6 init.

fluevit illis rejectis ad extraordinaria & supernaturalia  
progredi. Ex re autem & vero *literas* appellat Livius  
nam custodiam fidelem memoria rerum *gestarum*. nam quod  
relationes ore tenus facias attinet, *οἱ ἀνθρώποι τὰς ἀκούσας  
τὰς προσηγορίας, καὶ ἢ ἐπιχόρια σφίσιν ἢ, ὁμοίως ἀβασανί-  
σας παρ' ἀλλήλων δέχονται*, ut observat Thucydides. *Ho-*  
*mīnes quæ de rebus præteritis audierant, etiamsi propriè ad eos*  
*pervineant, temerè & sine examine aliis ab aliis accipiunt.* Et  
probat experientia, de rebus majorum nostrorum, re-  
cepto ab iis *literarum* usu antiquioribus, nihil aut pa-  
rum certi ad posteritatem derivatum esse. Traditio ita-  
que sine Scripturâ non est propagandæ veritati aptum  
medium: aptissimum autem & huic finî natum factum  
Scripturâ, cui alias innituntur res publicæ & privatæ.  
Quo pròinde uti Deus voluit, præsertim ex quo homi-  
num multitudo in immensum excrevit, ætas decrevit,  
& revelationes complementum & finem sortitæ sunt.

Libro 1.

LII. Hinc igitur Novi testamenti doctrinæ, per  
universas gentes brevî spargenda, non ita ut Veteris,  
circa Scripturam diu fuisse relicta, sed intra annos non  
adeo multos, quum adhuc Apostoli, omnium rerum  
testes, in vivis essent, literis commendata. *Non per alios,*  
*ait Irenæus, dispositionem salutis nostræ cognovimus, quàm*  
*per eos, per quos Evangelium pervenit ad nos, quod quidam tunc*  
*præconaverunt, postea verò per Dei voluntatem in scripturâ*  
*nobis tradiderunt, fundamentum & columnam fidei nostræ fu-*  
*turum.* Neq; quidquam dignitati vel certitudini Scri-  
pturarû detrahit, quòd auctores earum tum Prophetæ  
tum Apostoli non videntur corpus Scripturæ, quale &  
quântum hodie exstat, intendisse, sed singuli seorsim su-  
os libros pro conditione sui temporis & oblata occasi-  
one scripsisse: supremus enim architectus fuit Spiritus  
sanctus:

Lib. II. c. 1.

sanctus; scriptores, tamquam operarii, singuli suas partes exsequuti opus, quod privatim obtigerat, peregerunt: qualis futura ex junctis omnium laboribus integri & completi operis structura, menti & dispositioni committi oportuit. Neque parca manu thesaurum hunc suum mortalium generi admensa est benignitas divina, sed ut porius supersit, quam desit. Neque enim negari potest, etiamsi abessent quidam libri, nihilominus consultum fore humanæ salutis. Nihil tamen est, quod non sit utile ad doctrinam, ad redargutionem, ad correctionem, ad disciplinam in iusticiâ: ut perfectus sit homo Dei, ad omne opus bonum perfecte instructus. Ex abundante itaque copiâ, Dei erga homines provida & larga benignitas innotescit, suoq; merito humanos animos ad amorem & laudem provocat.

1 Tim. 3, 16

## DE NUMERO LIBRORVM CANONICORVM VETERIS TESTAMENTI

**S**acra canonica Scriptura est verbum Dei ab ipso Deo hominibus patefactum, Sanctoque spiritu suggerente & dirigente à Mose, Prophetis, Apostolis virisque Apostolicis in literas & libros relatum, & divinâ providentiâ Ecclesiæq; operâ ad nos derivatum, cujus infallibili ductu de omnibus creditu & factu ad salutem necessariis erudimur, ut per veram & vivam fidem in Iesum Christum vitam æternam habeamus. Nec aliùs, quàm ad hoc ipsum, adscendere possumus, quando de patefactis à Deo, & creditis, præeunte fide, inquisitio & discursus instituitur; sicut ex iis, quæ hæcenus dicta fuerunt, satis constat.

G 2

II. Ad-

**II. Adventus Servatoris Iesu Christi in mundum**  
 omne mundi ævum dispescit in partes duas, unam vi-  
 delicet, quæ adventum præcessit, & alteram, quæ sub-  
 sequuta est: prior Veteri testamento tribuitur, poste-  
 rior Novo. Quamdiu Vetus obtinuit, expectabaturque  
 adhuc Christus, & venturus credebatur; quando ve-  
 nit & reapse exhibitus est, incipit Novum. Libri itaque  
 sub Vetere scripti venturum promittunt, & typis ac  
 figuris adumbrant: libri sub Novo confecti præsentem  
 & exhibitum sistunt, & quomodo propter salutem no-  
 stram natus, passus, mortuusque fuerit, resurrexerit, &  
 in cœlos, quum in nomine suo Apostolos suos poeni-  
 tentiam ac remissionem peccatorum apud omnes gen-  
 tes, initio ab urbe Ierusalem facto, prædicare iussisset,  
 adscenderit, dilucidè explicant; atque adeo quod sub  
 Vetere prænunciabatur, obscurius proponebatur &  
 umbris involvebatur, utpote jam perfectum & com-  
 pletum, clarè ob oculos ponunt. Huiusmodi *ἱστορίαι*  
 scripta sub Vetere confieri, desierunt post annos mil-  
 le centum circiter à Mose primo scriptore usque ad  
 ultimum, seculo ante natum Servatorem quarto;  
 sub Novo intra ætatem Apostolorum constiterunt.  
 Malachias Prophetarum ultimus desinit in prænun-  
 ciatione Angeli ante Christi faciem mittendi, viam-  
 que paraturi, nempe Iohannis baptistæ sub Eliæ ti-  
 tulo & typo adumbrati: ab hoc autem ipso incipit  
 Novum, ut in primis videre est sub initium Evan-  
 gelistæ Marci. Atque hoc pacto Vetus Novumque  
 combinantur. Apocalypsis, quæ *ὁ ἑσχατὸς* Novi claudi-  
 tur, *non ante multum temporis*, ait de suâ ætate Irenæus,  
*visâ est, sed penè sub nostro seculo, ad finem Domitiani imperii.*  
 Finiens hanc adhibet contestationem: *Si quis apposuerit*  
*ad hac,*

Mal. 3, 1; &  
 4, 5.

Lib. 5, c. 19.

Apoc. 22,  
 18.



ad hac, apponet ei Deus plagas scriptas in libro isto: & si quis abstulerit aliquid, auferet Deus partem eius à libro vite, & ex urbe sanctâ, & ex iis quæ scripta sunt in libro isto. Digna est annotari observatio Tostati, quam quæstioni primæ ad quartum caput Deuteronomii immiscuit. *Perfecto, inquit, nec addi potest, nec auferri debet.* — Sic Apocalypseos capite ultimo quia tota revelationum series claudebatur, dicitur; *Si quis apposuerit ad hac, apponet Deus super illum plagas &c.*

III. Diximus, demonstrationum & deductio-  
num prælucente revelationis & fidei lumine factarum  
primum principium complexum esse, QUIDQV ID CA-  
NONICA SCRIPTURA DICIT, DIVINITVS EST INSPIRATVM;  
primum, inquam, in componendo, sive à quo initium  
deducendi fiat vel actu, vel virtute; & ultimum in resol-  
vendo, ad quod tandem iri & in quo sisti necesse sit. Ve  
autem huius ipsius principii rectus & legitimus queat  
esse usus, ante omnia terminos intelligi oportet. Quid  
per prædicatum intelligatur, & quomodo cuncta in  
Scripturis *Hebræis*, & propterea etiam infallibilia sint,  
ipsis Pontificiorum verbis fuit expositum. Canonici  
tituli rationem reddat itidem Pontificius Andræus.  
Sacra scripturæ libri ideo, inquit, *Canonici appellantur,*  
*quia pietatis, fidei, & religionis canonem, hoc est, regulam, atq;*  
*normam à cælis summo Dei beneficio ad nos delatam continent*  
*amplissimam.* Nam quum omnipotentis Dei incorruptissima &  
integerrima voluntas humanarum esse debeat actionum & vo-  
luntatum norma, merito sanè à canone & regulâ nomen accipere  
ii codices debuerunt, quibus divina sunt mysteria atq; voluntas  
comprehensa. — merito Canonici, id est, humana vita directo-  
res atq; moderatores dicti sunt. Quorum dignitati nulla par o-  
ratio potest reperiri. Ex veteribus Chrysostomus vocat  
*ἀρχιεπίσκοποι καὶ ἐπίσκοποι καὶ πρεσβύτεροι καὶ ῥητορὰι*, accuratam omnium

Defens.  
conc. Trid.  
l. 3 initio.

Hom. 11 in  
1 Corinth.

*rutinam & indicem & normam: Augustinus stateram di-  
vinam. Afferamus, inquit, divinam stateram de Scripturâ  
sanctâ, tamquam de thesauris Dominicis, & in illâ, quid sit gra-  
vius, appendamus: imò non appendamus, sed à Domino appen-  
sare cognoscamus.*

IV. Ut autem rectè & exatè intelligatur, quid  
vocabulum *sacra canonica scriptura* sibi velit, & quid hoc  
ipso significetur, cognosci oportet, quinam libri ad  
Sacram canonicam scripturam pertineant, vel compa-  
gem, structuram & corpus ejus conficiant: & primum  
equidem, qui Veteris testamenti *origines*, deinde qui No-  
vi constituent & absolvant. Primâ quidem ætate mun-  
di Deum sese suamque voluntatem protoplastis & sub-  
sequentis Patriarchis manifestasse, nondum tamen, quæ  
revelaverat, in literas & libros referri voluisse, dictum  
est superius: neque verò opus fuisse, quum alloquia  
divina frequentia tunc essent, & cum Patriarchis quasi  
familiariter Deus conversaretur: ipsi verò Patriarchæ  
longævitate suâ multa complecterentur secula, ut à  
quibusvis, posterorumque posteris adiri & audiri pos-  
sent. nam nec hi in eam multitudinem excreverant, ut  
universam terræ superficiem occuparent, quum adhuc  
pauci præ post-exortis essent, & in meridiè atque ori-  
ente orbis partem non adeo magnam habitarent. Cæ-  
terum ubi alloquia divina infrequentiora esse, homi-  
nes ut ætate minui, ita numero in immensum augeri,  
simulq; dispergi cœperunt, placuit Deo revelationes  
hactenus factas, potissimum, quæ ad hominum salu-  
tem facerent, & porro necessaria: futura: essent, scribi  
sive literarum monumentis committi.

V. Ad hanc rem delectus à Deo fuit Moses, scri-  
ptorum omnium, quorum quot exstant, antiquissimus, &  
major

maior bello Trojano, quod Homerus Græcorum *Ὀμήρου* vetustissimus descripsit, trecentis minimùm annis. Israëlitis quidem potissimùm scripsit: non tamen, mansit ignotus Græcis, quorum aliquos ejus mentio- nem facientes, nostræ notitiæ per ævi longinquitatem subtrahos, memorat Eusebius *Ἐκκλησιαστικῆς ἱστορίας* libro nono. Ex iis, qui hodie supersunt, Mo- sis meminerunt Diodorus Siculus libro primo; & Strabo Geographiæ libro xvi; & Dionysius Longinus libello *Ἐκείνου*. Inter Latinos Trogus Pompejus, & ex eo Iustinus libro xxxvi; Tacitus etiam Historiæ quinto memine- runt, sed addunt planè absurda, & à vero aliena. Re- ctiùs Strabo, Moses, inquit, *δοcebat, Αἰγυπτίους ὀρθῶς* sentire, qui bestiarum ac pecorum imagines Deo tribuerent, i- remq; Afros; & Græcos, qui diis hominum signam affingerent. Errat autem, quum addit, juxta Mo- sis doctrinam, id so- lum esse Deum, quod nos & terram ac mare continet, quod cæ- lum & mundum & rerum omnium naturam appellamus. Vero propiora, quæ subjecit: Loco armorum sacra & Deum pra- sendebat, cui se dicebat sedem querere, & eiusmodi cultum & sacrificia traditurum pollicebatur, quæ nec impensâ nec furori- bus, neque re ullâ absurdâ cultores perturbarent. — Successores aliquamdiu in iisdem institutis permanserunt, *ἵνα ἡ πόλις αὐτοῦ, ὡς ἀληθὴς ὄντως, ἵκται* & verè religioſa. Hoc elo- gium doctrinæ Mosaicæ sectatoribus tribuit homo eth- nicus. Rectissimè autem iudicat Dionysius Longinus, Homerum, qui tamen à Græcis non modò antiquissi- mus, sed sapientissimus, imò sapientiæ quidam sive fons sive oceanus habitus semper fuit, de numine per- peram & abjectè commentari. Videtur mihi, ait, quum traiait vulnera deorum, factiones, vindictas, lacrymas, vincu- la, varias & multas clades; homines qui in bello apud Ilium ge-  
sto in-

*stointerfuere, pro virili deos facere, & e contra deos homines voluisse.* In eandem sententiam disertissimus Romuli nepotum: *Fingebat Homerus, & humana ad deos transferebat: divina nullem ad nos.* Sicut autem Homerum de divinis ineptè, ita è contrario Moſen aptè & ex dignitate scripiſſe agnoſcit Dionyſius. Ταύτη ἔο' ἡ Ἰουδαίων θεομορφότης, ἧς ὁ ποιητὴς ἀνὴρ, ἐπειδὴ πλεὺς θεοὺς διώκει καὶ τὰ πλεονάζοντα ἐγνώκει, καὶ ἐφίλει, ὥς ἐν τῇ εὐσεβείᾳ γράφας τοῖς ὁμοῖς. Εἶπεν ὁ θεός, φῶς, τί γινώσκω φῶς, ἔγνωτο. γινώσκω γὰρ, ἔγνωτο. Sic & Iudeorum legislator, vir non vulgaris, quandoquidem Numinis potentiam pro dignitate notam fecit declaravitq; statim initio præmii legum suarum scribens; DIXIT DEVS, inquit, quid? FIAT LVX, ET FACTA EST: FIAT TERRA, ET FACTA EST. Haſtenus itaq; dignitatem & τὸ ὑπερῶς ſcripturæ Moſaicæ intelligere & adſequi potuit homo gentilis,

VI. Non autem ex ſolâ ſuâ ſtructurâ, ſive ex concinnitate verborum quibus utitur, & dignitate rerum quas tractat, & ſanctitate doctrinæ & præceptorum quæ proponit, animadverti poteſt, Scripturam eſſe opus eximium, & neutiquam vulgare: ſed divina gratia, quam verbo ſuo Deum jungere diximus, animum deſiderio cognoscendæ veritatis & curâ ſalutis ſuæ accenſum, elevat & illuminat, ut quum legit, audit, perpendit, intelligat huiusmodi Scripturam à meris hominibus non profectam, ſed ἱερωτικῇ. Deoq; tamquam primario auctori imputandam eſſe. Hæc autem interna divina illuminatio & teſtificatio etiamſi, ut Scriptura Dei verbum eſſe fide Chriſtianâ, certâ & immotâ credatur, omnino ſit neceſſaria: non tamen eſt idonea, ut per eam, quatenus in me eſt & operatur, alter, qui fortè adhuc ignorat vel dubitat, convincatur. Nemini enim,



enim, præter ipsum habentem, nota est atque adeo alteri ob oculos poni non potest. Sive itaque de veritate religionis Christianæ, sive de dignitate & auctoritate Scripturæ agatur, nempe ubi divinam vel à Deo profectam esse probari oportet; utendum erit argumentis inducentibus, vel quæ vocari solent, motivis externis, alibi expositis. His ubi effectum fuerit, ut ad fidei doctrinam, vel Scripturam, quæ hæc nititur, cognoscendam & considerandam animum is, cum quo agitur, adjiciat, ipsa porro illuminatione & gratiâ Sancti Spiritus, quam conjunctam secum adfert, fidem & quidem talem, qualis à Christianis habetur, nisi præfractè homo obnitatur, sibi faciet. Doctrina quidem ipsa vel Scriptura est objectum, quod cognoscitur: sed ut cognosci rectè possit, voluit Deus cum eâ conjungi & exhiberi gratiam, quæ facultas cognoscens sive intellectus illuminetur, & per quam eousque, quò aliàs pertingere non posset, elevetur. Sed hæc, ut diximus, intrinsecus in habente operatur; extrinsecus alterum non movet aut convincit. Ita in iis, quæ per lumen naturæ cognoscuntur, ubi de conclusione aliàs certâ, sed homini incognitâ vel dubiâ agitur, monstramus principia à quibus pendet, & in quibus virtute continetur; & ascendimus eousque, donec quæ in eo genere haberi possunt maximè evidentia ob oculos ponantur. Quòd si ne hæc quidem, fortè ob defectum sive impedimentum luminis naturæ & connatum stuporem, capiat; nos sanè lumen nostrum, quo res illas penetramus & intelligimus, communicare ei non possumus.

VII. Pari ratione, quum de numero librorum divinæ Scripturæ agitur, vel num hic aut iste liber canonicus sit, quæritur, ex interno meo testimonio veri-

tas alteri, qui dubius fuerit, ostendi non potest, nec qui veritatem impugnaverit, convinci: sed utendum erit testimonio externo illorum, quos rem compertam habuisse constat: inter quos extra controversiam eminent, qui descriptioni peractæ propiores fuerunt, sive tempus spectetur, sive locus: & quorum illa scripta fuerunt quasi propria, ut sunt singulis ferè gentibus suæ leges, suæ historiæ: quarum *authenticas* ex harum ipsarum gentium, quarum sunt aut fuerunt propriæ, testimonio & monumentis innotescere nullum est dubium.

II. Potest quidem fieri, ut ad eos etiam, qui extra cœtum Deo peculiariter dicatum vixerunt, de libris sacris fama pervenerit, atque adeo ignari non fuerint, quos vel olim Iudæi, vel deinceps Christiani tamquam divinos venerarentur. Cæterum quoniam rem ad se parum pertinere arbitrati curæ non habuerunt, testimonium quoque illorum de hac ipsâ temerè inventi vel magni esse ponderis non potest. Testimonio igitur eorum, quibus rem & certò cognitam & magnæ curæ fuisse in confesso est, utendum erit. De libris videlicet veteris testamenti testimonio tum Iudæorum sive synagogæ, tum Christianorum sive ecclesiæ, quæ quos ab illâ accepit, sedulò conservavit & ad posteritatem transmisit.

IX. *Primarium à ἱστορία Iudæorum est, quòd eis credita sunt eloquia Dei, ut loquitur Sanctus Paulus Roman. 111, 2. Et quid est aliud hodieq̃, ait Augustinus, gens ipsa, nisi quaedam scriniaria Christianorum, baiulans Legem & Prophetas ad testimonium assertionis Ecclesiæ? Lubeat ex eodem adhuc nonnulla subjungere. Enarratione in psalmum XL: Iudæi tamquam capsaarii nostri sunt: studentibus nobis codices portantes. — Apud illos sunt Prophetæ & Lex, in quâ Lege & in qui-*

*in quibus Prophetis Christus predicatus est. — Si aliquis per-  
strepit inimicus, & dicit, Vos vobis prophetias finxistis; profe-  
rantur codices Iudæorum. Rursus in psalmum LVI: Propte-  
rea adhuc Iudæi sunt, ut libros nostros portent ad confusionem  
suam. Quando enim volumus ostendere paganis prophetatum  
Christum, proferimus paganis istas literas: — quia omnes ipsæ  
literæ, quibus Christus prophetratus est, apud Iudæos sunt; omnes  
ipsas literas habent Iudæi. Proferimus codices ab inimicis, ut  
confundamus alios inimicos. Codicem porat Iudæus, unde cre-  
dat Christianus. Librarii nostri facti sunt, quomodo solent servi  
post dominos codices ferre. Libri itaq; quos Iudæi non  
habent, ad literas, quibus prophetatus est Christus,  
sive ad sacrum canonicum volumen Veteris testamen-  
ti non pertinent. Fieri enim nullâ ratione potest, ut sit  
canonicus liber Veteris testamenti, quem numquam  
habuerint, numquam talem agnoverint Iudæi. Nec fieri  
potest, ut testetur primitiva ecclesiâ de libris à synago-  
gâ per manum traditis & acceptis, quos tamen nec hæc  
umquam tradiderit nec illa acceperit. Falsum enim  
testaretur. Et falsum quoq; diceret, si diceret fuisse sub  
Vetere testamento canonicos illos libros, qui tamen in  
canonem eo tempore numquam admissi.*

X. De libris autem sub Vetere testamento cano-  
nicis luculentius aliud perhiberi non potest testimo-  
nium, quàm perhibet ipse ille sacer codex, uti Hebræis  
in usu fuit hodieque est, & ab illis ad ecclesiam & Chri-  
stianos transiit. Quem certum est alios, quàm Hebrai-  
cè scriptos, vel alios, quàm quos hodie complectitur,  
numquam continuisse: & proinde libros Tobię, Iu-  
dith, Baruch, Sapientiæ, Siracidæ, Maccabæorum &  
græcas ad Estherem & Danielelem additiones abfuisse,  
nec parem cum Mose, Prophetis & Psalmis locum vel

auâtoritatem obtinuiffe. Ita Homeri, Herodoti, Thucydidis libros Græcis græcè scriptos, quos sub horum auctorum elogio à Græcis ad nos perveniffe constat, genuinos agnoscimus: si sub iisdem nominibus venditarentur, nec græcè scripti, nec à Græcis umquam auctoribus istis tributi, à nobis omnino repudiarentur. Et sicut posterius seculum non potest efficere, ut seculi prioris, quod dudum præterit, leges fuerint, quæ durante illo seculo vim legum non obtinuerunt: ita quoque posterior ecclesia, Novi videlicet testamenti, non potest efficere vel statuere, ut fuerint libri pertinentes ad sacrum canonem prioris ecclesiæ, nempe Veteris testamenti, quos hæc ipsa ecclesia in suum canonem numquam recepit vel admisit.

XI. Codex autem Hebræus sacros Veteris ecclesiæ & testamenti libros complexus tres eorum statuit classes. Prima continet libros Mosis & legis, numero quinque: unde Iudæis תורה & חומש Græcis *πεντάτευχος* dicitur. Moses propheta quidem fuit; imò maximus propheta, ut etiam summi *ἱεραρχὸς* prophetæ Christi Domini typus peculiaris fuerit, Deut. xix, 18. Act. ii, 22: vii, 37. Sed quia maximus & cæteris divinitus prælatus, cui internuncii sive mediatoris inter Deum & populum Israëliticum, legisq; promulgandæ munus commissum fuit; ideò à cæteris secernitur. De eo videlicet ipse Dominus Num. xii, 6: *Si est propheta ex vobis, per visionem me nosum facio ei, aut per somnium alloquor eum: non sic servus meus Mosès, qui est in totâ domo meâ fidelis: ore ad os sive corâ corâ alloquor eum, ut speciem similitudinemq; Domini intueatur, ac non per ænigmata.* Et Deuter. xxxiv, 10: *Non surrexit ulterius propheta in Israël par Mosi, quem nosset Dominus facie ad faciem, id est, qui adeo fre-*  
quente



quente Domini consuetudine uteretur, & cū Deo quā-  
 si familiariter conversaretur & colloqueretur. Secunda  
 classis complectitur Prophetas priores & posteriores,  
 נביאים ראשונים & אחרונים. Tertia פתובים,  
 subintellige ברוך הקדוש libros scriptos per Spiritum  
 sanctum: quo intuitu ἀλογαφα Græcis dicuntur.  
 Discernuntur autem à Prophetis ideo, quia quamvis  
 spiritu & instinctu prophetico (inde Davidem prophe-  
 tam vocat sanctus Petrus) sint scripti, ab aliis tamen,  
 quàm qui officio prophete essent & munere publico doc-  
 cendi ac prophetico fungerentur, editi fuerunt: quales  
 David & Salomo reges; Daniel è proceribus aulæ Ba-  
 bylonicæ unus: Iobus, auctor ut creditur sui libri, to-  
 parcha in terrâ Huz; Mardocheus, auctor, ut iridem  
 creditur, libri Estheræ, magnatum in regiâ Assueri u-  
 nus, imò præcipuus; Hezra & Nehemia, alter sacerdos  
 & legis interpres, alter pincerna regis Artaxerxis, uter-  
 que dux populi Ierosolymam instaurantis.

Act. 1. 30

XII. Hanc partitionem sacrorum canonicorum  
 librorum, quum Servator in terris ageret, receptam,  
 imò ab ipso Servatore probatam fuisse, docemur ejus  
 verbis apud Lucam xxiv, 44: *Oportet impleri omnia, quæ  
 scripta sunt in lege Moysi, & Prophetis, & Psalmis de me.* Psalmos  
 ponit pro Hagiographis, quòd inter ea emineant,  
 & primo loco compareant. Per compendium autē Ha-  
 giographa sub Prophetis comprehendit (nam hæc quo-  
 que, ut diximus, prophetico spiritu scripta) quando  
 ait Lucæ xvi, 29; *Habent Moysen & Prophetas.* Sic etiam  
 dicitur sanctus Paulus suasisse Romæ Iudæis, *quæ de Iesu  
 Christo sunt, ex lege Moysi & Prophetis,* Act. xxi, 19, 23: Psalmorum  
 enim testimonia ab eo negligi vel omitti non  
 potuerunt. Ad eamdem partitionem respicit sine dubio

Siracides, prologo sui libri, ubi memorat avuum suum deditum fuisse lectioni *totam Legem Prophetarumq̃, quam aliorum librorum patriorum*, sive à patribus acceptorum, per quos Hagiographa intelligere videtur. Auctores Masora saepe his literis **כח** utuntur, indicium illis facientes, vocabulum in Lege, Prophetis & Hagiographis occurrere. nam **ח** Thorah, **כ** Nebiim, **כ** Cethubim designat.

XIII. Celebris est sententia, & ut videtur satis probabilis, post reditum è captivitate Babylonicâ libros sacros ab Hezra fuisse recensitos, & in hunc ordinem hasque classes digestos. Fabula verò est, quod memoratur libro apocrypho, qui dicitur Quartus Hezrae, *legem totam exustam fuisse, neminemq̃ scivisse, quæ à Deo facta essent, vel prædicta ut fierent*: Hezram autem à Deo iustum & inspiratū xl dierum spacio cciv libros dictasse. Videtur sanè fabula nonnullos in fraudē induxisse, ut existimarent sacros libros per excidium urbis & templi, & captivitatem populi deperditos ab Hezra (vel Esdra) ad istum modum restauratos fuisse. Cæterum non est quare planè deperditos dicamus. Quin reintegratâ urbe postulavit populus ab Hezra, *ut afferret librum legis Moysi, quem praeceperat Dominus Israël. Afferrens itaq̃, legit in illo à mane usq̃, ad meridiem coram viris & mulieribus. Similiter Levitæ legerunt in libro legis Dei explanatè*. Opera igitur Hezrae in eo posita fuit, ut Legem populo prælegeret & exponeret; non ut deperditam dictando restauraret, & quasi redivivam reduceret. Tertullianus tamen libro de habitu muliebri, Noë, inquit, librum Enoch abolefactum violentiâ cataclysmi, in spiritu rursus reformare potuit, quemadmodum & Hierosolymis Babylonicâ expugnatione deletis, omne instrumentum Iudaicae literaturæ

per

Cap. 14, v.  
11 & seqq.

Nehem. 8, 1

Vers. 9.

Cap. 1.

*per Esdram restauratum. Irenæus libro iiii, cap. xxv: In*  
*eâ captivitate populi, quæ facta est à Nabuchodonosor, corruptis*  
*Scripturis, & post septuaginta annos Iudæis descendens in*  
*regionem suam, & post deinde temporibus Artaxerxis Persarum*  
*regis inspiravit Esdra sacerdoti tribus Levi, prophetarum*  
*omnes rememorare sermones, & restituere populo eam legem,*  
*quæ data esset per Moysen. Imitatus est & propemodum*  
*descripsit Clemens primo Stromatum. Verba Irenæi*  
*ipsa exhibet Eusebius historiâ quintâ. ὁ θεὸς ἐν τῇ ὀκτῇ*  
*Ναβουχοδονόσορ ἀρχιμαλωσίᾳ ἔλαβεν, ἀφ' ὧν αἰσθησάμενοι τῶν γραφῶν,*  
*καὶ μετὰ ἑβδομήκοντα ἔτη τῶν Ἰουδαίων ἀνελθόντων εἰς τὴν χεῖρα*  
*αὐτῶν, ἔπειτα ἐν τοῖς χρόνοις ἀρταξέρξεως ἡ βασιλείας, συνέ-*  
*πνευσεν Ἐσδρά, τῷ ἱερεὶ ἐκ τῆ φυλῆς Λευὶ, τοὺς τῶν προφητῶν*  
*προφητῶν πάντας ἀνατάξας λόγους, καὶ ἀποκαταστήσαι τὰ λαῶν*  
*τῇ ἀφ' ἧς μωσέως νομοθεσία. Hieronymus libro adversus Hel-*  
*vidium Esdram vocat instauratorem Pentateuchi. Basilii*  
*epistolâ ad Chilonem: Prope Carmelum est campus,*  
*in quem quum Esdras secessisset, libros Scripturæ divinitus in-*  
*spirata divino iussu eructavit. πεδίον ἐστὶν ἀναχωρήσας Ἐσδρας,*  
*πάσας τὰς θεοπνευστοὺς βίβλους προτάγματι Θεοῦ ἐξηρῶντα.*  
*Id sanè conforme prorsus narrationi apocryphæ in*  
*quarto Esdræ. Chrysostomus homiliâ iix in episto-*  
*lam ad Hebræos: Incensi sunt libri: inspiravit DEVS iterum*  
*aliū virum, ut mirabiles illas scripturas repararet, Esdram*  
*dico; & ex reliquiis illarum componere fecit. Theodoretus*  
*præfatione in Psalmos. Θεὸς ἀναπληρῶνς χάριτος ὁ θεω-*  
*μάσας Ἐσδρας τὰς ἱερὰς ἀνέγραψε βίβλους, ὑπὸ τῆς τῶν Ἰου-*  
*δαίων ἀμαλείας, καὶ τῆς τῶν Βαβυλωνίων δυσσεβείας, πάσαις ἀφ-*  
*ᾧ φαρείσας. Mirabilis Esdras divina gratia plenus sacros libros*  
*descripsit, partim per Iudæorum incuriam, partim per Babylo-*  
*niorum impietatem pridem depravatos. Repetit proœmio*  
*in Cantica, omnesque veteris Scripturæ libros restau-*  
*rationi*

Ante fin.

cap. 8.

Cap. i.

Circa finē.

rationi per Esdræ factæ imputat. *ὅτι ἐκ ἀπυράτου δὲ ἔγραψεν*, inquit, *ἀλλὰ ὃ τοῦ πνεύματος πληρὸς γινώσκων*. Scripsit nullo adiutus exemplari, sed divino spiritu afflatus. Auctor de mirabilibus Scripturæ inter opera Augustini: *Tempore captivitatis completo Esdras Dei sacerdos combustam à Chaldeis in archivis templi restituit legem: nempe qui eodem spiritu, quo antea scripta fuerat, plenus fuit.* Plerique ab apocrypho auctore, ut apparet, seducti Esdræ plus, quàm par esset, tribuunt. Propius & similius vero, quod de Psalmis affirmavit Esdræque tribuit Hilarius, idem de cæteris quoque antiqui fœderis libris concedere. *Incompositos eos*, inquit, *& pro auctorum ac temporum diversitate dispersos, in volumen unum collegis & reulis.* Eodem sensu accipi possunt illa Isidori: *Hebrai veteris testamenti, Esdra auctore, iuxta numerum literarum suarum viginti duobus libris accipiunt, dividentes eos in tres ordines, Legis scilicet, & Prophetarum, & Hagiographorum.* Ethæc Rabani Mauri: *Omnes hos Hebraicos libros Esdra post incensam legem à Chaldeis, divino afflatus spiritu reparavit; cunctaq; prophetarum volumina, quæ fuerant à gentibus corrupta, correxit, totumq; testamentum in viginti duos libros constituit, ut sex libri essent in lege, quos habentur & literæ.* Neque magistri Hebræorum Esdræ ejusque sociis, ultimis videlicet prophetis & seniorib<sup>9</sup> (quos vocant הגרולים אוֹשֵׁי כְנֶסֶת הגְּרוֹלִים viros concilii magni; cui nempe caput & præsidem Esdræ tribuunt) aliam quàm colligendi, recensendi & digerendi operam adsignant.

XIV. Codex itaque sacrorum voluminum Veteris testamenti, qualis & quantus fuit mox post captivitatem Babylonicam & seculo Esdræ, talis & tantus à Iudæis accuratè conservatus ad tempora versati in terrâ Servatoris transiit; & inde ad Ecclesiam venit, sine

Lib. 3. c. 33.

Prologo  
in Psalm.

Orig. l. 6.  
cap. 1.

Instit. cle-  
tic. l. 1. c. 54



sine ullâ additione, imminutione vel immutatione; &  
 in hunc usque diem à Iudæis, ut integer & inviolatus  
 permaneat, summâ curâ non saltem religiosè, sed etiam  
 supersticiosè, custoditur. Observandum autem in qui-  
 busdam editionibus primæ classi sive Pentateucho  
 subungi quinque libellos festivitatum, uti vocant.  
 Quandoquidem enim vertentè quolibet anno totam  
 legem in synagogis suis prælegunt, hos autem certis  
 nonnullis temporibus & festis, quæ celebrant, ideo è  
 classibus, ad quas alias pertinent, amotos Legi subjun-  
 gunt. *Moses*, ait Apostolus Iacobus, *ab ætatibus antiquis*  
*oppidatim habet, qui ipsum prædicent, quum in synagogis per*  
*singula sabbata legatur.* Quod inde à totæ legis in hunc  
 usque diem obtinet eum in modum, ut quotannis to-  
 tus absolvatur. Singulis enim sabbatis singulæ adsi-  
 gnatæ sunt *פְּרָשִׁי* sive *señtiones*: quibus subjunguntur  
 lectiones è Prophetis tum prioribus tum posteriori-  
 bus, è nullo autem sæpius quàm ex Iesaja, responden-  
 tes & congruæ lectionibus Mosaicis. *פְּרָשִׁי* vocant  
 sive *divisiones*; quòd iis lectis populus dimittatur. Ad  
 hanc voculam annotat Elias, quem Levitam & Germa-  
 num vocant, in suo Tischbi temporibus Antiochi E-  
 piphaniis Iudæorum hostis factum esse, ut quum ab eo  
 prohiberentur legem more consuetudo sabbatis popu-  
 lo proponere (apud quemcunq, enim inveniebatur liber sa-  
 deris, & quicumq, observabat legem, edicto regis afficiebatur  
 morte); in vicem lectionum Mosaiicarum substituerint  
 Propheticas, quantum fieri posset, cognatas. *Quam-*  
*vis inhibito illa cessavit, ait Elias, ritus tamen iste non cessa-*  
*vit, sed usq, in hunc diem legunt señtiones Propheticas post le-*  
*ctionis Legis.* Innuit videlicet, cessante tyrannide Anti-  
 ochi & recuperatâ facultate legendi Mosen, mansisse

AA. 15. 21

1 Macc. 1.  
60.

veit. 17,

Cap. 25. 14.

nihilominus morem legendi Prophetas, & ex eis desumptas Haphtaras Mosaicis Paraschis subjungendi. Sanè lectionem Legis & Prophetarum sabbatis frequentari solitam constat ex Act. xii. 1, 15: & ibidem sanctus Paulus affirmat, *voces Prophetarum per omne sabbatum legi.* Quænam autem Haphtaræ Propheticæ respondeant Paraschis Mosaicis, ostendit תורה sive tabula Bibliis Hebræis subjungi solita. Totâ quidem lex lectionibus, quæ sabbatis destinatæ, absolvitur: festis nihilominus magnis, quæ eò faciant, ex illâ prælegunt; & tum hisipsis tum aliis insignibus præter sabbata diebus suas partim ex Mose partim ex Prophetis lectiones tribuunt. Celebrant enim juxta legem Mosaicam tria magna festa, quæ appellant שמע ישראל vocabulis ab Exodo desumptis; Paschæ videlicet, Septimanarum sive Pentecostes, & Tabernaculorum. Festo Paschæ legunt Canticum canticorum; festo Septimanarum libellum Ruth; festo Tabernaculorum Ecclesiasten. Die autem nono mensis quinti sive Julii, quo templum à Nebucadnezare exustum, legunt Threnos Jeremiæ; diebus Purim, qui in Adar vel Februarium incidunt, librum Esther, in memoriam liberationis à crudelibus molitionibus Hamanis. Et hi sunt libri, quos חמשה עשר ספרות appellant, & loco suo motos Pentateucho subjungunt.

XV. Secunda classis continet priore loco Prophetas priores, nempe librum Iosue; librum Iudicum, cujus aliàs appendix libellus Ruth, partem genealogiæ Davidis, & proinde Christi, complexus; duos libros Samuelis, qui tamen antiquis Hebræis unicus; & totidem Regum, itidem Hebræis unus: posteriore exhibet Prophetas tum majores tres, Iesaiam, Ieremiam unâ cum

cum suis Threnis sive lamentationibus, & Iezechielem; tum minores duodecim, quos memoriae suggerere poterunt qualescumque hi versiculi:

Præcedunt Hosea, Ioël, Hamos, Hobadiah:

Ionas, Micha, Nahum, Chabacuc, Zephania sequuntur.

Postremi Haggæus, Zacharias & Malachias. (tur.

Iudæi vocant תריעשר *Duodecim*, Chaldaicè per syncope תריסר & pro uno libro habent. Hinc protomartyr Stephanus quum ex Hamos quædam proferret, ex scripta dicit *in libro Prophetarum*, Act. vii, 42. Hieronymus epistolâ ad Paulinum: *Duodecim Prophetæ in unius voluminis angustias coarctati*. R. David Kimhi in Hoseam præfatus orditur in hunc modum: *Hic liber congmentatus est ex XII Prophetis. Dixerunt doctores nostri, quorum memoria sit in benedictione, coniunctos esse ne quis ex illis liber periret propter brevitatem suam, si unusquisque secundum se seorsim haberetur*. Hinc itaque Iudæi octo numerant libros propheticos, nempe quatuor priorum Prophetarum, Iosue, Iudicum, Samuelis, Regum; & quatuor posteriorum Iesaiæ, Ieremiæ, Iezechielis & duodecim conjunctorum. Hieronymus Prologo galeato: *Fiunt pariter Veteris legis libri viginti duo, id est, Moyses quing., & Prophetarum octo, Hagiographorum novem*. Bava bathra: *Habuit octo Prophetas unâ colligatos*. Fol. 11. b.

חור מרכי Ioh. 4, 45.  
כאחר Marci 1, 2.  
Act. 15, 40.

XVI. Tertia classis Hagiographa novem libris uti modò diximus, complectitur; & primo quidem loco exhibet scripta duorum Regum, Psalmos videlicet Davidis, quos Hebræi instar Mosaiçi voluminis in



Prol gal.

quinque libros, qui numerum tamen Canonieorum non augent, (*intisiones* appellat Hieronymus) partiuntur; & tres libros Salomonis, Parabolas, Ecclesiasten & Canticum canticorum: deinde Iobum; postea Daniellem; Hezram vel Esdram unâ cum Nehemia, qui juncti apud Hebræos unum conficiunt librum; historiam Estheræ; denique דברי הימים Verba dierum; Annales sive Chronicon, quod continet brevîarium propagati ab orbe condito generis humani, posterorumque Abrahami usque ad Saulem & Davidem; & inde compendium rerum à Davide Regibusque successoribus gestarum usque ad solutam captivitatem Babyloniam. Exhibet igitur hoc ipsum Chronicon summam temporis & historiæ, quæ in ævum, quo Patriarchæ, Moses & auctores canonicorum antiqui fœderis librorum vixerunt, incidit; quin ob hanc rationem utpote *instrumenti veteris epitomè*, quemadmodum loquitur Hieronymus, ultimo loco collocatum seriem librorum, quos diximus, claudere videtur. Hi itaque sunt libri, præter quos Ecclesia veteris testamenti alios ullos, tamquam canonicos & propheticos, nunquam habuit, aut in consortium sacri codicis admisit.

Epistolâ ad Paulinum.

XVII. Rei sive firmandæ sive illustrandæ faciunt verba Iosephi, scriptoris rerum Iudaicarum antiqui & accurati, libro primo contra Apionem; quæ proinde hic legi operæ fuerit præcium. *Ἐ μυριάδες βιβλίων εἰσὶ παρ' ἡμῶν ἀσυμφώνων καὶ μαχόμενων. δύο δὲ μόνα τῶν τοῖς εἰκοσι βιβλία, ἃ πάντες ἔχουσι χεῖρας τὴν ἀναγραφὴν, τὰ διαφωσ πεπιτυμμένα. Non sunt nobis innumeri libri discordes inter se, ac pugnantes, sed duo tantum ἃ viginet, totius temporis descriptionem continentes, quibus merito fides habetur.*

Horum



Horum quing. Mosis sunt, qui & leges continent. ( & τὰς πέν-  
 μιν νόμους: ita apud Eusebium, qui hæc ipsa produ- Hist. l. 6  
cap. 9.  
 cit, legitur rectius, quàm *χρονίους*, uti est in hodiernis  
 Iosephi codicibus) & humani generis propagationem, & ad  
 mortem usq. illius extenduntur. Tempus hoc tribus annorum  
 millibus paulo minus est. A morte verò Mosis usq. ad regnum  
 Artaxerxis, qui post Xerxen Persarum rex fuit, Prophetæ  
 Mose posteriores suorum temporum res gestas tredecim libris  
 complexi sunt. Hisunt libri Iosue, Iudicum, Samuelis,  
 Regum, Iesaiæ, Ieremiæ, Iezechielis, XII Prophetarum,  
 Danielis, Iobi, Esdræ, Estheræ, Chronicorum. Reliqui  
 quatuor (Psalterium, Proverbia, Ecclesiastes, Cantica)  
 hymnos ad Deum, & admonitiones ad corrigendam hominum  
 vitam continent. Ab Artaxerxe autem ad nostra usq. tempo-  
 ra sunt quidem singula scripta, non tamen ita fide digna, sicut  
 præcedentia, διὰ τὸ μὴ γὰρ εἶναι τὰν ἀποφαστικὰν ἀκρίβειαν  
 δοχῆς, quod non fuerit tertia Prophetarum successio. Retipsa  
 u. rō offendit, quantam nos scripturis nostris fidem habeamus.  
 ποῦτε γὰρ αὐτῶν ἡδὲ παραχρησάμενοι, οὐκ ἀποδείκνυντες  
 δὲ, οὐτε ἀφελὲν αὐτῶν, οὐτε μεταβλητὰ τὰ πάλαι. πᾶσι γὰρ  
 συμφυτοῦ ἐστὶν ἐν οὖν τοῦ ὁράτου γένους ἡ ἀκρίβεια ἐπομαίνει (τὸ  
 ὑποκείμεν apud Eusebium rectius) αὐτὰ γὰρ δόγματα, καὶ  
 τὰ τοῖς ἐμμέλει, καὶ τὰ αὐτῶν εἰ δέαι, ἥσυχον ἰδέσθαι. Quia  
 enim tantum interea ævi sic elapsum, nemo tamen illis vel adii-  
 cere quidquam, vel adimere, vel mutare ausus fuit. Nempe  
 omnibus indolis ab ineunte ætate insuunt & quæsi fundatum est,  
 hæc Dei dogmata existimare, inq. illis permanere, & pro illis  
 cupide, si necesse sit, mori. Ad eundem modum Philo a-  
 pud Eusebium *ὑποδιασκευῶν* libro octavo testatur lu-  
 dæos annis pluribus quàm bis mille μὴ ἥμῶν γὰρ μῶν τῶν  
 ὑποδιασκευῶν γὰρ ἀμείνων καὶ ἡσυχία, ἀλλὰ καὶ μελέτης αὐτοῦ  
 διποταμὸν ὑπομείναν ἅπλοισι, ἢ τοῖς ἐκείνους νόμοις καὶ ἡσυχίαν ἐπαι-  
 νῶν

*via πειδύται. Ne unicam quidem in iis, quæ à Mose scriptæ sunt, voculam immutarunt; quin imò malint milles mori, quàm eius legibus & statutis derogare.*

**XIIX.** Observari potest Iosephum sacros libros numero viginti & duorum includere, uti etiam facit Hieronymus Prologo galeato. Recentiores itaq; sunt illi nonnulli, qui, ut ibidem memorat, Ruth & Cinoth inter Hagiographa scriptitant, & hos in suo numero putant supputandos, ac per hoc esse prisca Legû libros viginti quatuor: quos sub numero viginti quatuor seniorum Apocalypsis Iohannis inducit adorantes Agnum. Et hos tamen nonnullos sequitur, quum scribit præfatione in Daniele: *In tres partes omnis à Iudeis Scriptura dividitur, in Legem, in Prophetas, & in Hagiographa, id est, in quinq; & in octo, & in undecim libros.* Item præfatione in Eldram & Nehemiam: *Quæ non habentur apud Hebræos, nec de XXXIV senibus sunt, procul abiicienda.* Hinc etiam vocant עשרים וארבע *Viginti quatuor.* Targum in Cantica: *Illi Deo, aut synagoga Israëlitis, cupio servire, qui interdum amictus est stolâ candidâ instar nivis.* ועסק בעשרין וארבעה ספרין & occupatus est in viginti quatuor libris Biblicis, nempe Legû, & verborum Prophetiarum, & Hagiographorum; & nactus occupatus est sive studet in sex ordinibus Mishnæ Talmudicæ. Vel hinc pater paraphrasten hunc non esse admodum antiquum, & Onkelosio atque Ionathane longè inferiorem & recentiorem. Quod autem ista absurditatem manifestam imò impietatem contineant, ideo in posterioribus editionibus omissa sunt. Et rectius igitur est & antiquius Ruth cum Iudicibus, quorum diebus facta eius narratio historia, in eundem librum compingere, ut loquitur Hieronymus; & à Ieremia suos Threnos non divellere. Sed hæc obiter & in transcurso.

XIX. E Iosephi autem & Philonis verbis id etiam rectè colligitur, frustra fore, si qui dicere audent, libros, de quibus controversitur, olim in canone fuisse, sed à Iudæis reiectos esse. Maiore enim reverentiâ & religione sacros libros & hodie prosequuntur, & semper prosequuti sunt Iudæi, quàm ut minimum tantî facinoris in animum admitterent. Et quando rejecerunt? Num ante exhibitum Messiam? At liber Siracidæ sub Ptolomæo Euergete scriptus est: libri Maccabæorum altero ante natum Servatorem seculo. Num simul ac in lucem prodierunt, reiecti sunt? Et qui propter Scripturas perperam expositas & traditionum additamentis oblatas acriter à Servatore objurgantur, quomodo, si tot tantosque sacros libros rejecissent, & canonem Scripturarum quartâ sui parte mutilassent, eo nomine reprehensi numquam essent? Nec prisci Christiani criminis hujus meminerunt, aut Iudæos accusant. Quod factum omnino fuisset, si vel ante vel post exhibitum Servatorem id commisissent.

XX. Porro quo suo bono, quo fine rejecerunt? Loca quidem, quæ Messiam pridem venisse docent, quod abolita velint, suspicio est. At talia in istis libris nulla occurrunt. Si Iudæis mutilandi vel animus vel facultas, mutilassent potius Iesaiam & Danielem.

XXI. Denique quâ linguâ exstabant, quando à Iudæis ut Canonici habebantur & legebantur? Num aliâ, quàm quâ hæcenus usi scriptores *Ἱουδαῖοι*, & quâ intelligerent, qui Ierosolymis & in Palæstinâ degebant? Si hac ipsâ, qui sit, quod interciderint? quod Ecclesia, quemadmodum acceperat, non servaverit? præsertim quum primi Christiani à Iudæis essent, & quemadmodum cæteros, ita quoque hosce libros, si Hebraicè tunc

exsti-

Prolog. gal.

Præf. in  
Tob. &  
Iud,

Prolog. gal.

Præf. in  
libros Sal.

existissent, tales secum in Ecclesiam transtulissent. Hieronymus quidem affirmat se *Maccabæorum primum librum Hebraicum reperisse*; item Tobie & Iudithæ libros *Chaldeo sermone conscriptos*. Præfatus in libros Salomoni-  
tis itidem testatur se *Siracidæ librum Hebraicum reperisse*. Versiones hæc posterioribus temporibus confectæ, & ipso Hieronymi ævo, ut apparet, raræ paucorumq; manibus tritæ. De cæteris, quamquam satis grandibus libris, nullum vel Hebræo vel Chaldeo sermone redditum reperire potuit. Quin secundum Maccabæorum *Græcum esse* affirmat, *quod ex ipsâ quoq; phrasi probari possit*. Et de libro, qui Sapiencia Salomonis inscribitur, *Apud Hebræos nusquam est; quin & ipse stylus græcam eloquentiam redolere*. Sed hic etiam postea conversus fuit, quod ex auctiore Rabbinicâ Buxdorfii Bibliothecâ didicimus. *Rabbi Moses bar Nachman in præfatione Commentarii sui in legem testatur se eum didisse in linguam Chaldaicam sive Syriacam translatum; & adducit illic aliquos versus, qui exstant in libro græco Sapiencie. Dialectus autem in illis est plerumque Syriaca, unde recentior videtur esse illa translatio*. Hæc ibi. Tobie itidem liber hodie existat Hebraicè, editus & Latine conversus à Sebastiano Munstero. Tales translationes omnes, & quas Hieronymus memorat, & quæ accesserunt postea, à recentioribus Iudæis confectæ, nec unquam tamen in Canonem, ut parum cum cæteris locis vel auctoritatibus essent, receptæ fuerunt.

XXII. Vt igitur dictum est pridem, quos synagoga in canone numquam habuit, hos etiam Ecclesia tamquam canonicos Veteris testamenti agnoscere non potuit. Implicat enim, librum esse canonicum Veteris testamenti, & tamen sub ipso illo vetere testamento nec canoni adscriptum, nec canonicum habitum fuisse.



isse. Quare, si de libris Veteris testamenti loquamur, & vocem *canonici* propriè & strictè accipiamus, non potest alius dari canon Christianorum, quàm Iudæorum, sed unum & eundem oportet esse. Sicut, inquam, non sunt alii libri Mosaici Christianorum, quàm Iudæorum, ita in universum de Canonicis antiqui fœderis statuendum erit, ut non possint esse alii Ecclesiæ post Christum, quàm fuerunt synagoga sive Ecclesiæ ante Christum.

XXIII. Neque verò Ecclesia Christiana alios canonicos libros vel alium canonem admisit aut habuit. Quod attinet ipsam Novi testamenti scripturam, in eâ per Servatorem partitio in Legem, Prophetas & Hagiographa, ut monuimus, approbatur; & proinde separantur libri, qui ad unam ex his classibus referri nequeunt; uti non possunt controversi. Nec ullibi in toto Novo testamento ullum ex tot & tantis libris profertur dictum aut testimonium aut exemplum.

XXIV. Quod attinet ecclesiasticos scriptores, exhibito Christo posteriores (ut nunc etiam, quos canonicos habuerint, sive quibus, quod in canone essent, testimonium illi, & per illos ipsa Ecclesia perhibuerit, videamus,) sunt scriptores, quos diximus, & Patres appellare consuevimus, vel Græci vel Latini, sicut ecclesia quoque, quâ maximas & potissimas suas partes, in Græcam & Latinam, sive Orientalem & Occidentalem dispesci solet; instar veteris imperii vel orbis Romani, de quo Claudianus: *Conspirant gemini fratres communibus orbis*. Græci alios, præter Hebræos & tribus istis classibus comprehensos, nullos umquam admiserunt, & ne hodie quidem admittunt. Quod ut reddatur manifestum, Græcos, quos catalogum te-

Bello Gil-  
donico.

xuiffe, five libros cāonicos Veteris testamenti recen-  
suiffe constat, juxta ætatum seriem producemus & lu-  
strabimus.

XXV. Melito Sardium in Asiā episcopus secun-  
do Ecclesiæ seculo floruit, & M. Aurelio Antonino  
Imperatori pro Christianis apologiam obtulit, ut est a-  
pud Eusebium historiæ libro iv, cap. xxv. Onesimo au-  
tem cupidè poscenti è Scripturis excerpta de Christo  
& fide Christianā testimonia mittit, & κατὰ τὸ ἀρχαίον  
ἀρχαίον τῶν ὁμολογούμενων τῆς παλαιᾶς διαθήκης γραφῶν  
πιπίεται κατὰ λόγον. Exorsus in præmio, librorum Veteris te-  
stamenti communi consensu receptorum catalogum texit. Sub-  
jicit Eusebius ipsa ad Onesimum verba. *Quoniam*, in-  
quit, cupis scire accuratam veterum librorum seriem, quo sine  
numero & ordine, τὴν τῶν παλαιῶν βιβλίων ἀκριβείαν, ποσὰ  
τὸν ἀριθμὸν, καὶ ὅποια τὰ τὰ ἐν αὐτοῖς. — suscepto in Orientem  
itinere ad loca profectus, in quibus ista & prædicata sunt &  
acta, accuratè qui Veteris testamenti sint libri, inquiri, &  
subscriptos tibi transmissi, quorum hæc sunt nomina: Mosi quinque,  
Genesis, Exodus, Leviticus, Numeri, Deuteronomion, Iesus Na-  
ve, Iudices, Ruth, Regum quatuor, Paralipomenon duo, Psalmi  
Davidis, Salomonis parabola sive sapientia (παροιμία, ἢ σοφία,  
legendum ἦ, atque inde vertit Rufinus, Salomonis prover-  
bia, quæ & Sapientia) Ecclesiastes, Canticum canticorum, Job;  
Prophetia Iesaias, Jeremias, Duodecim uno libro comprehensi,  
Daniel, Iezechiel, Esdras. Subjungi debebat Esther: sed  
affinitas nominum fecit, ut librarius omiserit sive  
quòd festinaret, sive quòd utrumque pro eodem ha-  
beret, & alterutrum redundare existimaret. Ex ipsis  
autem Melitonis verbis liquet, catalogum hunc con-  
sensu orientalium Ecclesiarum receptum & approba-  
tum fuisse.

XXVI. Tertium seculum incidit ætas Origenis, vñ, si quisquam alius, rerum, de quibus hic controvertitur, periti, & quos libros Ecclesia Veteris testamenti canonicos habuerit, indicare idonei. Proximo igitur in Psalmos, quod nobis itidem servavit opera & industria Eusebii, ἐκκλησίαι πεποιήται τῶν ἱερῶν γραφῶν τῆς παλαιῆς διαθήκης καὶ τῶν λόγων, ubi huiusmodi utitur verbis: οὐκ ἀγνοοῦντες εἶναι τὰς ἐκ διαθήκης βιβλίας, ὡς ἱβραϊστὶ καὶ ἑλληνιστὶ, δύο καὶ εἴκοσι, ἃς ὁ ἀριθμὸς τῶν πατρῶν ἀντὶ τοῦ στοιχείου ἐστίν. *Non oportet ea ignorare, canonicos libros, quemadmodum Hebræi eradunt, duos esse & viginti, quos etiam literarum apud ipsos sunt elementa.* Mox eos enumerat, totidem videlicet, quot sunt in codice Hebræo. Quum autem singulis sua indat nomina non saltem Græca, sed etiam Hebræa, non est mirum hæc à librariis perperam descripta. Quorum culpā in Eusebiano codice excidit liber duodecim Prophetarum, sine quo sibi non constat numerus duorum & viginti. Nicephorus Eusebium descripsit, & librarios paullò accuratiores nactus, *Duodecim Prophetarum librum Theodorus exhibet: ut etiam versio à Rufino profecta.* Coniungit autem Origenes Rutham cum Iudicibus: de Ieremia in hunc modum loquitur: ἱερემίας συνθρήνους καὶ τῇ ἐπιστολῇ ἓν ἐστίν, *Ieremias cum Threnis & epistola unum est.* Repetito nomine Ieremiæ Hebræum vocabulum exprimere voluit. Epistola à Ieremia Ierosolymis Babylonem ad deportatos missa habetur capitulo xxix.

Hist. l. 6.  
cap. 19.

Lib. 1. c. 19.

XXVII. Eusebio, cuius ætas in seculum quartum competit, servata Melitonis & Origenis testimonia debemus. Et quoniam ita recitat, ut probet, ipsum quoque cæteris testibus meritò accensemus. Paria verò cum Melitone & Origene cum facere hinc

Sub init.

etiam liquet, quodd scribit posteriore libro Chronico-  
rum, numero cto io xxciy: Εως μὲν οὖν Εσδρα ἔχ Νεμίας  
αἱ ἐνδιόχῃτοι Εβραῖοι γράφαί. *Ad Esdram & Nehemiam  
usq; hætenus canonica Hebraica scriptura.* Et ad annum  
primum Seleuci juxta versionem Hieronymi: *Maccabe-*  
*orum historia Græcorum hinc supputat regnum: verum hi libri*  
*inter divinas Scripturas non computantur.* Idem libro ο-  
κτάτω ἀποδείκνυς ἐναγγελιαῖς negat se duces, qui post  
Zorobabelem populo præfuerint, exactè & distinctè  
posse enumerare, τῷ μὲν πέρι τῶν γράφων βιβλίων ἐξ ἐκείνης  
μέλει τῶν ἑσπερίων καίρων, quod ab illo tempore usq; ad tem-  
pora Servatoris nullum exstet sacrum volumen. Quotquot  
autem Esdram, Nehemiam, Malachiam prophetarum  
ultimos, & unà cum eis prophetiam cessasse & exspi-  
rasse statuunt; iidem quoque aliud statuere nequeunt,  
quàm libros post illa tempora scriptos nec propheti-  
cos esse, nec ad consortium sacri canonis admitti pos-  
se. De Iudæis res nota est & manifesta ex iis, quæ è Io-  
sepho adducta. Adeumdem modum Seder olam zu-  
ta, interprete Genebrardo: *Anno quinquagesimo secundo*  
*Medorum & Persarum mortui sunt Haggaius, Zacharias, Mala-*  
*chias. Quo tempore cessavit prophetia de Israël.* Vnde etiam  
ipse Genebrardus secundo suæ Chronographiæ libro  
affirmat *Prophetas in Malachia cessasse.* Aben Ezra ini-  
tio sui in Malachiam commentarii: *הוא סוף הנביאים*  
*Is finis est Prophetarum, — כי כמותו נפסקה הנבואה מישראל*  
*quoniam in eius morte desistit sive recessit prophetia ab Israël.*  
E Christianis audivimus Eusebium: audiamus  
etiam plures. Theodoretus proæmio in Malachiam:  
Μασὼς μὲν ὁ μέγας ὁ νομοθέτης πατρὶς ἡμῶν ἀνὰ γράμματα τὰ  
θεῖα καταλέλοιπε λόγια· ὁ δὲ διατίσι· Μαλαχίας μετὰ  
πάντας τοὺς προφητάς· συγγραφῆς τὰ θεῖα διατίσι  
συγγρά.



ουγγραφῶν. & dēdixē. *Moses quidem, magnus ille legislator,*  
*primus nobis divina eloquia scripta consignata reliquit: admi-*  
*randum verò Malachias post omnes, qui prophetiam conscrip-*  
*serunt, divina oracula literis mandavit.* Hinc Cornelius  
 Ianfenius in Ecclesiastici XLIIIX, 11: *Malachias de Io-*  
*hanne baptista aperte vaticinatus est. Observandum itaque,*  
*quod novissima omnium prophetiarum, qua in canone apud He-*  
*braeos habentur, verba sunt de Iohanne baptista; post quem*  
*promissum nulla. exstat prophetia scripta ab aliquo propheta,*  
*qui canonicus habeatur, quousque ille promissus veniret; à quo*  
*incipit scriptura Novi testamenti: ut hinc intelligere liceat*  
*mirabilem connexionem scriptura Novi testamenti cum Pro-*  
*phetis.* Augustinus libro XV I de civitate Dei, cap. ul-  
 timo: *Toto illo tempore, quo redierunt de Babylonia, post Ma-*  
*lachiam, Aggeum & Zachariam, qui tunc prophetauerunt, &*  
*Esdram, non habuerunt prophetas usque ad Salvatoris adven-*  
*tum, nisi alium. Zachariam patrem Iohannis, & Elisabet eius*  
*uxorem, Christi nativitate iam proximā; & eo iam nato, Si-*  
*meonem senem & Annam viduam &c. Sed hanc istorum pro-*  
*phetiam Iudaei reprobī non accipiunt: acceperunt autem, qui ex*  
*eīs innumerabiles Evangelio condiderunt.* — *Malachiam ve-*  
*rò, Aggeum, Zachariam, & Esdram etiam Iudaei reprobī in*  
*auctoritatem canonicam receptos novissimos habent. Quin ip-*  
*se primus Maccabæorum de statu rerum post casum*  
*Iudam Maccabæum: Facta est tribulatio magna in Israël,* cap. 9. v. 17.  
*qualis non fuit ex die, quā non est visus propheta in Israël.*  
*Ex quo autem non visus est aliquis propheta, aut pro-*  
*phético spiritu præditus, ex eo nullus canonicus liber*  
*scribi vel edi potuit.*

XXIIIX. Sed nos ad Græcos redeamus; quorum  
 è quarto seculo tot exstant insignia monumenta, quot  
 ex alio nullo. Eminent inter cæteros Athanasius, cuius

operibus inserta legitur Synopsis sacræ scripturæ,  
 quâ primum libri enumerantur; deinde singulorum  
 summa & ~~ἑκαστὴ~~ exponitur. Sub initium eos à Chri-  
 stianis canonicos haberi, qui Hebræis tales sint, agno-  
 scit & supponit. Πᾶσα γραφὴ ἡμῶν Χειρῶν Ἱερόνων ἐστίν.  
 ὅσα ἀείρεται δὲ, ἀλλὰ μᾶλλον ὀλισμείνα καὶ κατανοημένα ἔχει  
 τὰ βιβλία, καὶ ἐπὶ τῆς ἡμῶν παλαιᾶς διαθήκης ταῦτα. *Omnia*  
*nostra, qui Christiani sumus, Scriptura divinitus est inspirata,*  
*Libros autem habet non indefinitos, sed omnino definitos, & cer-*  
*to canone comprehensos. Et Veteris quidem testamenti sunt*  
*isti: ac incipit enumerare. Quum enumerasset, sub-*  
*jicit, Οὐκ ἔστι τὰ χειροζόμενα τῆς παλαιᾶς διαθήκης βιβλία ἢ*  
*κοσι δύο, ἰσάριθμα τοῖς γεύμασι τῶν ἱερέων, Sunt in uni-*  
*versum veteris testamenti libri canonici viginti duo, pares nu-*  
*meroliteris Hebræorum.* Hisce tamen Estheræ librum  
 non annumerat: nihilominus ex testimonio veterum  
 ab Hebræis canonicum haberi annotat. *Sunt, ait, pra-*  
*ter istos alii nonnulli Veteris testamenti libri, non quidem in*  
*canonem recepti, sed qui tantum catechumenis praeleguntur: &*  
*recenset libros Sapientiae, Siracidae, Estheræ, Iudithæ,*  
*Tobiae. Maccabæorum non meminit, neque quando*  
*enumerat, neque quum summas & argumenta singulo-*  
*rum recitat. De Estheræ verò, ut diximus, refert γενο-*  
*μένη παρ' ἱερέων.* Initium ejus hoc dicit esse: Anno se-  
 cundo, regnante Artaxerxe magno, primâ die mensis Nisan  
 somnium vidit Mardochæus filius Iairi, qui filius Semei, & hic  
 Nisan, è tribu Benjamin. Hæc autem verba sunt non He-  
 bræi libri, sed Græci qui adsutus est, & legitur hodie  
 subjunctus textui Hebræo. Vbi in vulgatâ Latinâ ad-  
 jecit & annotavit Hieronymus: *Quæ habentur in Hebræo,*  
*plenâ fide expressi. Hæc autem quæ sequuntur, scripta reperi in*  
*editione vulgatâ, quæ Græcorum linguâ & literis continentur:*

Cap. 10 &  
 seqq.

& in-

Et insertum post finem libri hoc capitulum ferebatur, quod luxu consuetudinem nostram obelo, id est, veru prout avimus. Et proximè ante verba ab Athanasio produeta: Hoc quoq, principium erat in editione vulgarâ, quod nec in Hebræo, nec apud ullum fertur interpretum. Non est igitur improbabilis conjectura Sixti Senensis, Bibliothecæ suæ libro primo in hunc scribentis modum. Accidit, ne propter huc appendicum lacinias, hinc inde quorundam scriptorum temeritate inferas, liber hic, quamvis Hebræus, & Hebræis receptus, sed admodum apud Christianos Canonicam auctoritatem receperit. unde nec ipsum Melito Sardonis episcopus, nec Gregorius Nazianzenus inter sacros libros enumerarunt: & Athanasius de catalogo canonicorum voluminum tanquam nothum nominatim abiecit, quem deniq, concilium Carthaginense tertium inter sacra volumina computavit. Fallitur hic Sixtus; diu enim ante tertium Carthaginense concilium canonicis libris annumeravit Origenes, quem paullo antè produximus; annumerarunt plures, quorum testimonia deinceps proferemus. Athanasius ita abiecit, ut nihilominus testetur *ἡ ἀρχὴ τοῦ πατρὸς ἰσχυροῦς*. Et quum canonem Hebræum fundamentum ponat canonis Christiani, quid revera senserit aut sentire cum oportuerit, hinc est manifestum; undecumque tandem factum, ut in fraudem inductus in enumerando omiserit. Apud Melitonem *παρὰ τὰς* librarij esse existimo: qualia nonnulla in priores libros à primis aut proximis exscriptoribus inuenta posterioribus multis imposuisse eruditi fatentur. Et hinc fortè, quod Nazianzenus antiquum ejusmodi Melitonis exemplar præ oculis habens omisit.

XXIX. Gregorius enim hic Nazianzenus itidem canoni Christiano tamquam fundamentum aut nor-

man

ἡμᾶν apponit numerum Hebræorum, carmine ἑλ. τῶν  
γρῶν βιβλίων τῆς θεοπνεύστῃ γραφῆς, ubi hæc habet:

Ἀρχαῖας μὲν ἔθηκαν δύο καὶ εἴκοσι βίβλους,

Τοῖς τῶν Ἑβραίων γραμμασιν ἀντιθέτους.

*Federis antiqui viginti sunt duo libri:*

*Et sunt Hebræis literule eisdem.*

Hos versiculos enumerationi subjecit: præmisit au-  
tem istos:

Ὁρεα δὲ μὴ ζεῖναι τόνοι κλέπιοι βίβλοισι,

(Πολλὰ γὰρ πλέθους παρέγραπτοι χακόντες)

Δέχυστο τῶτοι ἐμῷ τοῖ ἐγκλείτοι ὦ φίλ' ἀδελφόν.

*Ne tua codicibus fallatur mens alienis,*

*( Namq; adscriptiis multi falsiq; vagantur )*

*Legitimum hunc habeas numerum à me Lector amice.*

Mox numerum sive catalogum subiicit, Hebræo prorsus consentaneum, nisi quòd, nescio quo casu vel occasione, Estheram omisit. Et hæc quidem ex Nazianzeno. De Athanasio monemus, fragmento epistolæ ἱερτασικῆς, quam ut episcopus Alexandrinus de festo Paschæ, quemadmodum etiam fecit Cyrillus, ad alias scripsit ecclesias, catalogum ei, qui in Synopsi habetur, planè consonum texere. Exorsus ait se enumeraturum τὰ  
καυονίζόμενα καὶ ἀδιδόγητα πιστωθέντα τῇ θεῷ εἶναι βιβλία.  
Quum enumerasset, ista subiungit: ἐν τούτοις μόνοις τὸ τῆς  
ὡςθείας διδασκαλῆος ἐπαγγέλλεται. μηδεὶς τούτοις ἐπιβα-  
λέτω· μὴ δὲ τῶτοι ἀφαιρέσθω π.· περὶ δὲ τῶτοι ὁ κύριος  
σαδδουκάης μὲν ἰδυσώπει λέγων· πλανᾷτε μὴ εἰδότες τὰς  
γραφάς· τοῖς δὲ ἰσδαοῖς παρήντα ἐρευνᾷτε τὰς γραφάς. In  
his solis pietatis schola rectè annunciat. nemo hisce addat,  
nemo hinc auferat quidquam. De hisce Dominus, quum Saddu-  
caos confunderet, ait; Erratis nescientes Scripturas: Iudaos  
autem exhortatus; Scrusamini Scripturas.



XXX. Athanasio & Nazianzeno adjungamus  
 Cyrillum Ierosolymitanum, qui itidem, sicut illi faci-  
 unt, ad numerum viginti & duorum Hebræis sacrum  
 provocat; & librum Estheræ, quod illi non faciunt, di-  
 ferre annumerat. Locus est sub finem catecheseos  
 τῶν πεντήκοντα quartæ: ex quo catalogum ipsum,  
 quijam satis notusest, non describimus, sed hæc tan-  
 tum, quæ ei præmittit. φιλομαθὺς ἐπὶ τῷ ὡς τῆς ἐκκλη-  
 σίας, πῶς μὲν εἰσι αἱ τῆς παλαιᾶς διαθήκης βιβλοί, πῶς δὲ τῆ  
 καινῆς· καὶ μοι μηδὲν τῶν ἀποκρύφων ἀναγίνωσκε. *Disce studiosè  
 ab Ecclesiâ, quinam sint Veteris testamenti libri, qui verò No-  
 vi; & nihil ex apocryphis legas.* Intelligit autem apocry-  
 pha sequiora & reijcula, non Tobia, Iudithæ & cæte-  
 ros hisce iungi solitos libros, quos etiam interdum a-  
 pocryphos dicimus, quamvis rectiùs Ecclesiastici ap-  
 pellentur. De quibus Athanasius epistolâ paullo antè  
 laudatâ: βιβλία ἑκατοντήκοντα μὲν, τετυπωμένα δὲ ὡς τῶν  
 πατέρων ἀναγινώσκεισθαι τοῖς ἀπὶ τῶν προσηγορευμένων καὶ βυλομένων  
 κατηχέεισθαι τῷ τῆς ἐνοουσίας λόγῳ. *Libri non quidem in ca-  
 nonem relati, sed à patribus sive maioribus nostris propositi, ut  
 praelegantur iis, qui primum accedunt, & simplicem pietatis  
 rationem cupiunt edoceri.* Sed pergat Cyrillus: *Divinas,*  
 inquit, *lege Scripturas, nempe Veteris testamenti libros vi-*  
*ginti duos, quos septuaginta duo interpretes transfulerunt.* V-  
 bi observandum, etiam si Cyrillus hic, Athanasius alii-  
 que usi fuerint non quidem ipso Hebræo codice, sed  
 editione & versione Græcâ, cui plerumque adjuncti e-  
 rant operâ, ut videtur, Iudæorum Alexandrinorum li-  
 bri isti ecclesiastici, ut ita junctim haberentur præci-  
 pua scripta, quæ ante Christum natum de pietate exa-  
 rata græco sermone exstarent; nihilominus illos He-  
 bræo canonî & numero viginti duorum tenaciter in-

hærerere, & ab hisce in divinæ auctoritatis arcē colloca-  
tis reliquos accuratè secernere. Sed pergamus audire  
Cyrillum. *Zege, inquit, viginti duos libros a septuaginta  
duobus interpretationibus translatos; & nihil cum apocryphis  
habeto commune. Hos solos studiosè meditare, quos etiam in  
ecclesiâ μετὰ πάροχας cum certâ & securâ fiducia, quod vide-  
licet θεόπνευτοι sint, recitamus. πολὺ αὖ προσημασμένοι ἵπτοι οἱ  
ἐπιστολῶν καὶ οἱ ἀρχαῖοι ἐπίσκοποι, οἱ τῆς ἐκκλησίας πατέρες,  
οἱ πάντες ἐξεδόντες τὸ οὐ τεικιοὶ τῆς ἐκκλησίας ὡς, καὶ πα-  
ραχάρα τὰ τοὺς ἱεροῦς. Multo prudentiores te erant apostoli;  
veteresq; illi episcopi, ecclesiæ antistites qui hos tradiderunt. Tu  
ergo filius ecclesiæ quum sis, ne leges institutaque patrum ever-  
tas corrumpas.*

Num. 4.

XXXI. Cyrillo proximus est Epiphanius, Sala-  
minis sive Constantiæ in Cyprio episcopus, qui pariter,  
quemadmodum priores, Hebræis & numero viginti  
duorum acquiescit. Verba ejus sunt libro de ponderi-  
bus & mensuris: *Habent Hebræi viginti duas literas, è qui-  
bus quinq; duplicantur Caph, Mem, Nun, Phi, & Aleph. Quâ  
ratione quum XXXII libri numerentur, septem ac viginti repe-  
riuntur, quod ex illis quinq; geminentur: puta liber Ruth cum  
Judicum libro coniungitur, & unus ab Hebræis censetur; primus  
Paralipomenon liber cum posteriore coniungitur, & unum li-  
brum efficit. Item primus Regnorum (aliàs Samuelis) liber  
cum secundo; tertius cum quarto singulos libros constituunt.  
Peractâ enumeratione concludit: ἐπὶ λυώθησαν οὕτως εἰκο-  
σίδυο βίβλοι καὶ τὰ πέντε ἀρχαῖοι τῶν εἰκοσίδυο στοιχείων παρ' ἐ-  
βραίοις. Completi itaq; sunt viginti duo libri iuxta numerum  
viginti duorum apud Hebræos elementorum. Conformia le-  
gere est apud eundem Epiphanium Hæresibus v &  
LXXVI.*

XXXII. Epiphaniō σύγγρονος Iohannes Chry-  
sostomus, Τὸ καὶ

Τὸ καὶ ἀπὸ γλώσσῃς μέλει τοῦ ἑλληνιστῶν ἀνδρῶν.

*Cuius ab ore soni dulces prae inelle staebarunt.*

Ille homiliā quartā in Genesin : πᾶσαι αἱ θείαι βίβλοι τῆς παλαιᾶς διαθήκης τῇ ἑβραϊκῇ γλώσσῃ ἐξ ἀρχῆς ἦσαν συντεθειμένα, καὶ τὸ τοῦ πάντες αὐτοῖς ἡμῶν συνωμολογήσασιν. *Omnes divini libri veteris foederis primitus Hebraea lingua scripti fuerunt ; & hoc omnes nobiscum fatentur.* Qui fatentur omnes divinos & genuinos Veteris testamenti libros, primitus & ab ipsis suis auctoribus scriptos fuisse Hebraea lingua ; illi etiam fatentur eos, qui Graeca primum prodierunt, non esse authenticos & legitimos antiqui foederis libros.

**XXXIII.** Basilium Magnum, Gregorium Nazianzenum & Amphilo-  
chium Iconii episcopum, utpote  
coetaneos & populares ἐ Cappadocia otto jungit  
Hieronymus epistolā ad Magnum; αὐτὸς *nescire, quid in* Epiol. 24.  
*illis primum admirari debeas, eruditionem saeculi an scientiam*  
*Scripturarum.* Amphilo-  
chii exstat epistola lambico ver-  
su ad Seleucum scripta, quā eum hortatur & instruit  
ad recte capeſſenda studia pietatis, virtutis & literarum  
tum exoticarum, tum sacrarum. Ad has ubi venit, mo-  
net sub titulo sacrorum librorum nonnullos spurios  
circumferri, à quibus cavere oporteat. Sed malumys  
ipsa auctoris verba apponere.

Πλὴν ἀλλ' ἐκεῖνο προσμαθεῖν μέλει σοι

Προσῆκον. ἔχ' ἅπαντα βίβλοι ἀσφαλῆς,

Ἡ σεμνὸν ὄνομα τῆς γραφῆς κεκτημένη.

Εἰσὶν γὰρ, εἰσὶν ἐὰν ὅτε ψευδῶνται

Βίβλοι· πρὸς μὲν ἡμῶν, καὶ γείτονας

(ὡς αὐτὸς εἶποι) τῶν ἀληθείας λόγων.

Αἱ δ' αὖ νόθοι καὶ λίαν ὀπισθαλῆς,

Ὡς ἀπὸ ἑσθ' ἡμῶν καὶ νόθα νομίσματα,

Ἀ βασιλεὺς εὐὲ πλὴν ὀπιχαφίω φέρε,  
Κίβδηλα δ' ὅτι, ταῖς ὕλαις δολερμένα,  
Τὸ πᾶν χάρι σοι πᾶν θεοπνεύτων ἐρῶ  
Βίβλων ἐκάστην, ὡς δ' αἰ ἐνκενῶς μάτης.  
Τὰς τῆς παλαῆς ὄρω τα διαθήκης ἐρῶ.

Ioachimus Zehnerus latinè transtulit, ut sequitur:

*Quin maximè hoc quoque convenit te discere,*

*Non tamen cuius esse credendum libro,*

*Qui Biblici prænomen angustum ferat.*

*Quandoque falsè nominati sunt libri:*

*Quidam intermedij, vel propinqui terminis*

*(Vs sic loquar) sunt veritatis dogmati.*

Intelligit sine dubio Tobie, Iudithæ & similes, quos  
Ecclesiasticos appellamus.

*Quidam spurij, periculosij, admodum,*

*Tamquam notha, sive adulterina nominata,*

*Inscriptionem regis equidem habentia,*

*Sed materia ratione vitiosissima.*

*Vt ergo liquidò hos noris, tibi singulos*

*Divinitus inspiratos numerabo libros,*

*Primumq; prisce fidei scripta eloquar.*

Enumerat autem omnes, qui exstant Hebræâ linguâ, &  
ab Hebræis sive Iudæis recipiuntur; alios verò nullos.  
Quum subjunxisset recensitionem librorum Novi testa-  
menti, tandem concludit:

— — ἔπος ἀψευδές εἶπες

Καίτοι αἰ ἐν τῶν θεοπνεύτων χαφῶν.

— — hic est voluminis

Divinitus dati canon certissimus.

Non desunt, qui epistolam illam Nazianzeno tribuant;  
sed Amphilo hij esse vero est similis.

XXXIV. In hoc ipsum quartum seculum inci-  
dit



dit synodus habita Laodiceæ, urbe Phrygiæ Pacatiana, συσχεθηῖσα ἐκ διαφορῶν ἐπαρχῶν τῆς Ἀσίας, congregata ex diversis provinciis Asia. Tanti priscis illis seculis facta est, ut canones ejus recepti fuerint in Codicem canonum Ecclesiæ universæ: ubi annus, quo habita, cccxlv annotatur. Baronius de eâ agit Appendice ad quartum tomum Annalium, & contendit habitam fuisse ante œcumenicam primam Nicænâ, sed argumentis infirmis. Agnoscit autem esse concilium antiquâ nobilitate percelebre, Græcorum ac Latinorum scriptis memoria commendatum. Baronium sequitur & exscribit, ut solet, in Notis suis Severinus Binius. Hoc autem ipsum concilium canone suo ultimo, qui est in Codice canonum Ecclesiæ universæ centesimus sexagesimus tertius, constituit ὅτι οὐ δεῖ ἰδιωτικὸς ψαλμὸς λέγεσθαι ἐν τῇ ἐκκλησίᾳ, ἔδὲ ἀκαίοντα βιβλία ἀλλὰ μόνα τὰ χριστιανὰ τῆς παλαιᾶς καὶ καινῆς διαθήκης. quod non oportet in ecclesiâ legi psalmos à privatis compositos, aut libros non-canonicos, sed solos Veteris Noviꝛ testamenti canonicos.

XXXV. Nempe usu aliquamdiu receptum fuerat, ut populo Christiano in Ecclesiâ prælegerentur libri non tantum illi, qui propriè & strictè canonici erant, sed etiam alii nonnulli, ab antiquitate suâ & utilitate precium sortiti, facientes videlicet ad exercitium pietatis & ædificationem morum tum monitis & præceptis, tum exemplis. De quibus Rufinus Expositione symboli: Sciendum est, quod & alii libri sunt qui non Canonici, sed Ecclesiastici à maioribus appellati sunt; ut est Sapientia Salomonis, & alia Sapientia quæ dicitur filii Sirach, qui liber apud Latinos hoc ipso generali vocabulo Ecclesiasticus appellatur, quo vocabulo non auctor libelli, sed scriptura qualitas (nempe quod ἐκκλησιαστικὸς) cognominata est. Eiusdem or-

Num. 16.

dinis est libellus Tobie, & Iudith, & Maccabæorum libri. In  
 novo verò testamento libellus, qui dicitur Pastoralis sive Her-  
 matis, (Hermia potius) qui appellatur Dux via, vel Iudicium  
 Petri, quæ omnia legi quidem in ecclesiis voluerunt, non tamen  
 proferri ad auctoritatem ex his fidei confirmandam. Ceteras  
 verò scripturas apocryphas nominarunt, quas in ecclesiis legi  
 noluerunt. Hieronymus præfatione in libros Salomo-  
 nis: Sicut Iudith & Tobie & Maccabæorum libros legi quidem  
 Ecclesia, sed eos in Canonicas scripturas non recipit, sic & hæc  
 duo volumina (Panareton Iesu filii Sirach librum, & pseudepi-  
 graphum, qui Sapientia Salomonis inscribitur) legat ad adifica-  
 tionem plebis, non ad auctoritatem ecclesiasticorum dogmatum  
 confirmandam. Discimus hinc, quarto & quinto pos-  
 natum Servatorem seculis libros, quos Ecclesia ad se  
 non modò à Synagogâ sed ab Apostolicâ etiam ætate  
 delatos sive derivatos habuerit, in triplici fuisse diffe-  
 rentiâ: primo videlicet loco Canonicos & θεοπνεύς, &  
 è quibus primariò & directè dogmata fidei confirma-  
 rentur; secundo Ecclesiasticos, qui facerent ad ædifica-  
 tionem plebis, & ei proinde prælegerentur; tertio A-  
 pocryphos, propter immixtâ falsa & erronea pericu-  
 losos aut perniciosos, atque ideo improbari & rejici  
 dignos. Qui secundo vel intermedio sunt loco, apud  
 nonnullos interdum tertii ordinis nomenclaturam, ra-  
 rò primi per abusum tamen, vel certè latum & impro-  
 prium usum, participant. Ecclesiasticos autem hosce  
 diversimodè recensent. Neque enim ubique eadem  
 consuetudo; neque soli Tobie, Iudithæ & similes antè  
 natum Christum scripti libri in ecclesiis legebantur;  
 sed alii etiam recentiores, ut ex Rufino constat. De  
 Clementis Romani epistolâ scribit Eusebius: ταύτην  
 ἐν πλείυσι ἐκκλησίαις ἔτι & κοινῇ δημοσιευμένην πάλαι το  
 ὡς καὶ

ἐ καὶ ἡμῶς αὐτοῖς ἔσται. Notimus hanc & olim & nescia-  
 atate in plurimis ecclesiis communiter legi solere. Apud e-  
 undem de eadem Clementis epistola testatur Diony-  
 sius Corinthiorum episcopus, in suā ecclesiā & hanc  
 & alteram antiquo more *admonitionis gratiā* legi. Sic  
 etiam Athanasius epistola ἑρπασική nonnullos libros  
 prælegi scribit, ut superius ostensum est; interque eos  
 διδασκαλὴ καὶ ἡμετέρων τῶν ἀποστόλων (nescio an Canones A-  
 postolicos dictos intelligat) καὶ τὸν Ποιμένα. Addit: καὶ  
 ὁμοῦς, ἀγάπῃτοι καὶ κείνων καὶ τοιζομένων ἐ τῶν ἀναγιγνωσκέ-  
 νων ἑδωκέναι τῶν ἀποκρύφω μὴ μὴ. Neg, inter Canonicos, neg,  
 inter Ecclesiasticos ullo modo memorantur Apocryphi; quos  
 hæreticis auctoribus imputat, conficientibus eos  
 pro lubitu, & tempora præterita apponentibus, ut sub  
 antiquorum titulo venditent, & hoc prætextu simpli-  
 ces decipiant: ἢ ὡς παλαιὰ παρὰ τῶν πατέρων ἔχουσιν  
 ἀποταῖν ἐκ τῆς τῶν ἀκριβείας. Sic igitur etiam ex Atha-  
 nasio discrimen librorum Canonicorum, Ecclesiasti-  
 corum & Apocryphorum patescit.

Lib. 4. c. 29

Num. 10

XXXVI. Quum autem inter eos, qui prælegerentur,  
 sive Ecclesiasticos subinde complures irreperent (di-  
 versi enim apud diversas ecclesias in usu esse cœperant)  
 & nonnulli quoque parum probi; ea res occasionem  
 dedit canoni huic Laodiceno (ut ad eum redeat ora-  
 tio) qui libros Veteris testamenti recensens numero vi-  
 ginti & duorum inhaeret, nec à superioribus hac in par-  
 te discrepat. Ieremiam autem quum memorat, ita  
 habet: Ἰερεμίας καὶ θρήνοι, ὁρῶντες καὶ ἐπιστολαί. Origenes,  
 ut antea patuit, in hunc modum: *Ieremias cum threnis*  
 & epistola unum est. Quum dicat unum esse, nullum est  
 dubium, quin epistolam libro Ieremiæ insertam, quæ  
 capite xxix occurrit, intelligat. Athanasius autem frag-  
 mento

Num. 10

mento epistolæ pridem productæ Baruch adjungit:  
 Ἰερεμίας καὶ οὗ αὐτοῦ βαρὺχ, θρηνοὶ καὶ ἐπιστολή. Sic etiam  
 Cyrillus Ierosolymitanus. Nempe Baruch apud Iere-  
 miam celebris, suasque agit partes satis præclaras. Fuit  
 videlicet discipulus & scriba Ieremiæ, laborumque &  
 persequutionum socius. Quin ejus manu Ieremiascri-  
 bi, & ore populo solenni die prælegi & annunciari su-  
 as prophetias voluit, cap. xxxvi: ut proinde non tan-  
 tùm Ieremiæ, sed etiam Baruchi possint haberi, & suo  
 quodam modo utriq; tribui. Abduçtus autem est unà  
 cum Ieremiâ in Aegyptum, cap. xlii 1, 6. Frater ejus  
 videtur fuisse Seraia, munere in regiâ aliquo, quo-  
 cumque tandem, functus, per quem à Sedechiâ rege  
 Babylonem missum Ieremias suam de hac ipsâ urbe e-  
 vertendâ prophetiam eò transmisit, ibique legi fecit.  
 Compone cap. li, 59, cum cap. xxxii, 12. Hinc igitur  
 existimavero factû, ut nonnulli Origenem imitati Iere-  
 miæ jungerent non tantùm Threnos & Epistolam, sed  
 etiam Baruch: aliud tamen nihil intelligerent; aut cer-  
 tẽ intelligere non deberent (potest enim fieri, ut aliqui  
 parum rectẽ acceperint) quàm quod haberetur in ipso  
 Ieremiæ libro. Nec aliter intellexisse potuit Bellarmi-  
 nus, quum scripsit *nec Concilia antiqua, neq; Pontifices, ne-  
 que Patres, qui catalogum librorum sacrorum texunt, huius pro-  
 pheta disertis verbis meminisse*. Falsum enim id esset, si  
 concilium Lacodicenum, Athanasius & Cyrillus Iero-  
 solymitanus per Baruchum, quem memorant, non in-  
 tellexissent aliquid Ieremiæ libro inditum, sed librum  
 alterum planẽ distinctum, qui hodie exstat græcẽ, &  
 ab eo, qui ex antiquâ quadam versione latinâ superest,  
 plurimùm discrepat. De quo Hieronymus præfatio-  
 ne in suos, quibus Ieremiam exponit, commentarios:

De verbo  
 Dei l. i, c. 8.

*Libel-*



*Libellum Baruch, qui vulgò editioni LXX copulatur, nec habetur apud Hebræos, & Ιουδὸγραφοι epistolam Ieremia nequaquam censui differendam. E Pontificijs Iohannes Driedo disertè negat haberi in canone. Caput certè primum huius libelli ita est comparatum, ut à nemine possit capi. Dicitur à Barucho scriptus, & Iechonia populoq; habitanti in Babyloniâ ad flumen Sodi prælectus esse in anno quinto, in septimo die mensis, in tempore quo ceperunt Chaldaei Ierusalem, & succenderunt eam igni. Postquam autem capta fuit Ierusalem & exusta, Baruch unâ cum Ieremia in Aegyptum fuit abreptus, Babylonem non est ductus, Ier. XLIII, 6. Quomodo itaque Babylone librum scribit & legit? Deinde post exustum templum non erat altare, non offerebantur sacrificia; & hîc nihilominus Iudæi Babylonem abducti miserunt in Ierusalem ad Ionkim filium Helcia sacerdotem, & ad sacerdotes, & ad omnem populum, qui inventi sunt cum eo in Ierusalem, — & dixerunt; Ecce misimus ad vos pecunias, de quibus emite holocausta, & ius, & facite manna, & offerre pro peccato ad aram Domini Dei nostri. Inde ad hunc locum Iohannes Maldonatus: Hoc ante urbis vastationem accidisse manifestum est, quia adhuc templum & altare stabat; adhuc erant sacerdotes in Ierusalem; adhuc erant vasa, quæ fecerat Sedecias, quum priora à Nabuchodonosore ablata fuissent. Adde quòd si post urbis excidium hoc accidisset, non legisset Baruch librum in auribus Iechonia, sed Sedecia, quum & Sedecias post excidium urbis Babylone esset, illig. potius liber esset legendus, quàm Iechonia. Hæc Maldonatus. Quod igitur paullo antè & in ipso initio libelli habetur, cum Babylone à Barucho scriptum & lectum esse in tempore, quo ceperunt Chaldaei Ierusalem, & succenderunt igne; id ita interpretatur Maldonatus, ut velit idem esse, ac si haberetur, Sex annis an-*

De eccles.  
 script. l. i.  
 cap. i.

Verf. 7.

Verf. 10.

Verf. 1.

*sequam urbs & templum everterentur. Quæ est violenta & literæ textus repugnans contorsio. Porro de eo, quod hisipfis immixtum legitur, Quum Ioskim sacerdos acciperet vasa templi Domini, quæ ablata fuerant de templo, revocare in terram Iuda, vasa argentea, quæ fecit Sedecias filius Iosia rex Iuda; de hoc, inquam, loco Maldonatus: Locut est admodum difficilis, quod nullo modo cum historiâ convenire posse videatur. Nihil verò est adeo pugnans & absurdum, ad quod conciliandum vel emolliendum non possit aliquid fingi, vel aliqua verba fundi. Quod tamen totum, si ad rigidam veri trutinam exigatur, examini succumbit. Sed nos istis discutiendis hic immorari non possumus. Satis est ostendisse, quid sibi voluerit Origenes, cum Ieremia Threnos & Epistolam conjungens; quid etiam post Origenem alii, Baruchum addentes: & quod Baruchi libellus, ei que sub finem innexa epistola, quæ apud Hebræos non habentur, ψυδὸς γὰρ sicut, ut loquitur Hieronymus, & minimè canonica. Epistola ista sub initium suum hæc habet: *Ingressi in Babylonem eritis ibi annis plurimis, & temporibus longis usq; ad generationes septem;* quæ subsistere nullâ ratione posse, quocumque tandem modo numerentur aut supputentur, manifestum est. Sed nos istis, ut dixi, immorari nolumus.*

Cap. 6.

XXXVII. Vidimus hætenus scriptores ecclesiasticos Græcos, qui ab initio ecclesiæ usq; in quintum seculum libros canonicos Veteris testamenti, de quibus nunc tantum agimus, enumerarunt, eorum catalogum texuerunt, aut de iis testimonium perhibuerunt. Patuit autem Canoni Hebræorum omnes inhærere, & non alios genuinos, quàm eo comprehensos, agnoscere. Non est operæ precium constitutiones xii

διὰ τε,

*Nam, quæ Apostolicæ dicuntur, & sub nomine Clementis Romani exstant, adducere. Libro quidem secundo, cap. LVII de more & modo in ecclesiâ legendi nonnihil habetur: sed libri nulli, nisi canonici, memorantur. Nec juvat canonibus, qui Apostolorum nomen præferunt, in hære. Existimo autem sicut sub ipsa Ecclesiæ Christianæ initia Apostolorum doctrina ad salutem necessaria brevi symbolo, Apostolico appellato, fuit comprehensa, & passim inculcata; ita quæ disciplinam Apostolorum temporibus usitatam concernerent, canonibus nonnullis fuisse inclusa, quibus lapsu temporum alia atque alia accesserint, pristino quidem titulo retento, sed non puritate. Ultimus eorum recenset *βιβλία*, quæ debeant esse *πᾶσι καὶ ἀνεκτοῖς καὶ λαϊκοῖς σὺν ἑσθίᾳ καὶ ἀγαθῇ*. Veteri autem testamento immiscet tres libros Maccabæorum; & enumeratis omnibus subjungit, *Ἰνσὺπερ & ἐξ ἑαυτῶν ἀδιδασκαλίας ἑσθίας*. Novi testamenti libris jungit epistolas duas Clementis: quas olim in ecclesiis prælectas fuisse suprà est ostensum. Nam si de lectione, quæ ad ædificationem populi in ecclesiâ fiat, agatur, certum est admissa fuisse alia quoque scripta præter verè canonica; & non minùs in occidentali, quàm in orientali ecclesiâ; neque minùs in Pontificiâ, quàm in sincerioribus aliis. Non lubet id ipsum modò confirmare aliò testimonio, quàm Benedicti Pererii, è commentariis in Daniele de prompto. *Non sum neficius*, inquit, *multa recitari publicè in ecclesiasticis precationibus, alijsq; ceremonijs, quin etiam in ipso Missæ sacrificio peragendo, quæ ut veræ esse existimare convenis, ita aliquæ ea ex sacris canonicis scripturis non esse deprompta.**

Lib. 16 sub  
 initium.

XXXIX. Quin librum à veteribus, vel sub Scri-

pturæ titulo, citari, id eum non facit illic censeri canonicum. Irenæus apud Eusebium historiæ libro v, cap. iix: Καλῶς οὖν εἶπεν ἡ γραφή ἡ λέγουσα, Πρῶτον πάντων πίστευσον ὅτι εἷς ὁ θεός, ὁ τὰ πάντα κτίσας καὶ καταρτίσας, καὶ τὰ ἔξῃς. Leguntur ista in Irenæi libro, iv, cap. xxxviii; & reddidit Vetus Irenæi interpres hisce verbis: Bene pronuntiavit Scriptura qua dicit, Primò omnium crede quoniam unus est Deus, qui omnia constituit & consummavit, & fecit ex eo quod non eras, ut essent omnia, omnium capax, & qui à nemine capitur. Hæc ipsa profert Athanasius epistolâ pro decretis Nicænæ synodi apologeticâ; & præmittit: Ἐν τῇ Ποιμένι γράμματι· ἐπειδὴ καὶ τὸ τοιοῦτον μὴ ὂν ἐκ τῆς κανόνος, ἀποφύεσθαι. In Pastore scriptum est: nam ex hoc etiam, quamvis liber non sit in canone, allegationes faciunt. Origenes in epistolam ad Romanos, ubi Apostolus Hermam quendam salutari jubet, Puto, inquit, quòd Hermas iste sit scriptor libelli illius, qui Pastor appellatur, quæ scriptura mihi valde utilis videtur, & ut puto divinitus inspirata. Quæ ad eundem Apostoli locum descripsit Sedulius. Dicitur autem hic liber, ut interdū etiam alii, divinus aut divinitus inspiratus eâ ratione, quâ omnis donatio bona, & omne integrum donum est supernè, descendens à Patre luminum. Hieronymus libro de scriptoribus ecclesiasticis: Hermam, cuius Apostolus Paulus ad Romanos scribens meminit, asserunt auctorem libri, qui appellatur Pastor, quiq; apud quasdam Græciæ ecclesias etiam publicè legitur. Revera utilis liber; multiq; de eo scriptorum veterum usurpaverunt testimonia: sed apud Latinos penè ignotus est. Hæc de Pastore Hermæ. In synodo Nicænâ, sicut de eâ commentatus Gelasius Cyzicenus memoriæ mandavit, disputarunt Episcopi catholici contra philosophum Arianum, & inter cætera sic loquuntur: Τὰ ἐκ τῆς γραφῆς λέγουμεν. μέλλον ὁ ἀποφύ-

Tom i  
Commel.  
pag. 414.

Cap. 16, 14.

Iac. i. 17.

Cap. 10.

Lib. i. c. 18.



ἡγορητὴς Μωϋσὴς ἔχεται τὸν βίον, ἀς γέγραπται ἐν βιβλῳ ἀπὸ  
ἀνθρώπων Μωϋσέως, ἀποκαλεσάμενον Ἰστορίαν Ναυῆ. *Quem  
Scripturam suam proficiamus. Exitarus ē vultus propheta Moses,  
sicut scriptum est in libro Adsumtionis Moysi, quum vocasset ad  
se Iosuum filium Nave, dixit &c.* Ex quibus omnibus ma-  
nifestum evadit, librum propterea non haberi posse ca-  
nonicum, quia à veteribus, vel cum elogio Scripturæ,  
citerur; aut etiam ipse sive ex ipso aliquid in nonnullis  
ecclesiis publicè legatur. Vtrumque testimonio Be-  
nedicti Pererii ē xv in Daniele commentario iterum  
confirmabimus. Ne miretur lector, ait, *me usum esse sen-  
tentis libri quarti Esdrae, qui non modo non est canonicus, ve-  
rum etiam ut apocryphus à Patribus reiectus est.* Equidem se-  
quutus in hoc sum divum Ambrosium, qui in libro de bono mor-  
tis, cum ipsum locum Esdrae, quem nunc memoravi, sub nomine  
Esdrae, & cum magnâ laude sententia, ad confirmandam fidei  
nostra doctrinam, quæ est de resurrectione mortuorum, adhi-  
buit. Quin idem in Epistolâ vigesimâ primâ, quam scripsit ad  
Honoratianum, suadet, librum quartum Esdrae legendum esse,  
quod in ipso anima celestis esse natura demonstretur, & philoso-  
phorum nugæ de ipsius substantiâ confutentur. Sed quid ego eius  
libri Ambrosium, Cyprianum, aliosve Patres probatores & lau-  
datores memorem, quum eius libri sententias aliquot etiam Ca-  
tholica ecclesia in sacrosanctâ Missæ mysterio, & in publicis suis  
precationibus usurpet? Siquidem per singulos annos in feriâ  
tertiâ Pentecostes Missam orditur ab eâ sententiâ, quæ in II ca-  
pite libri quarti Esdrae legitur: Accipite iucunditatem gloria ve-  
stræ, gratias agentes Deo, qui vos ad celestia regna vocavit. Et  
ex eodem capite in solennitatibus martyrum decantat illud:  
Modò coronantur, & accipiunt palmam. Et hæc in occasio-  
ne hîc interferebat libuit.

XXXIX. Sicut autem antea diximus, Græcos

scriptores, qui primis ecclesiæ seculis usque in quin-  
 tum de Veteris testamenti libris canonicis testimo-  
 nium perhibuerunt, hætenus produximus, Melito-  
 nem videlicet, Origenem, Eusebium, Athanasium, Cy-  
 rillum Ierosolymitanum, Gregorium Nazianzenum,  
 Epiphanium, Chrysostomum, Amphilochem Iconi-  
 ensem, & denique magnæ ut antiquitatis, ita quoque  
 auctoritatis, synodum Laodicenam. Omnes intra nu-  
 merum XXI consistunt, atque adeo Hebræorum ca-  
 noni acquiescunt, & libros qui post ætatem ultimo-  
 rum Prophetarum editi fuerunt, aut etiam Hebræâ  
 linguâ scripti non sunt, unanimiter excludunt & reji-  
 ciunt. E subsequētib; seculis non exstant totidem,  
 qui catalogum texuerint: eos tamen, quorum copia  
 est, subjiciemus. Leontius, Scholasticus vel orator si-  
 ve advocatus Byzantinus, seculo sexto vixit, & tandem  
 in laurâ sive cœnobio sancti Sabæ prope Ierosolymam  
 monachum egit. Scribens de sectis, actione secundâ,  
*Prius, inquit, quàm eas attingamus, libros ab ecclesiâ rece-  
 ptos recenscamus. Eorum igitur alii scriptura veteris sunt, alii  
 novæ. Veterem vocamus eam, quæ ante Christi adventum edi-  
 ta fuit; novam, quæ post adventum. Veteris libri sunt XXII,  
 partim historici, partim prophetici, partim parænetici, partim  
 ad psallendum facti. Quum & hos, & qui ad Novum te-  
 stamentum pertinent, recensuisset, subjicit, Ταῦτα ἐπὶ  
 τὰ χριστιανικά βιβλία ἐκκλησίᾳ καὶ παλαιὰ καὶ νέα: ὡς τὰ  
 παλαιὰ πάντα διέχοντα οἱ ἑβραῖοι. His sunt libri in canonem re-  
 cepti in ecclesiâ tum veterē, tum novā: ἐ quibus omnes illos pri-  
 scos Hebræi recipiunt.*

XL. Iohannis Damasceni ætas incidit in secu-  
 lum octavum. Inter ejus scripta eminent libri quatuor  
 de fide orthodoxâ, in quibus ipse primus universam  
 Theolo.

*Theologiam recto ordine comprehendit, ut asserit Bellarminus. Ante eum id ipsum asseruerat Iacobus Billius Prænæus, qui libros illos novâ versione dignatus est. Sic enim loquitur præfatione toti operi præfixâ: Illud quidem negari non potest; cum primum exstis-  
 se, qui ea, quæ prius sæpe ac liberè disputari solebant, in unum corpus cõegerit, remig. Theologicam viâ & ratione, longeq; commodiori ordine tradiderit. Hoc enim ipse apud Græcos primus præstis-  
 sit, quod multò pòst apud Latinos Petrus Lombardus. De numero librorum canonicorum agit libro iv, cap. xix; & vestigia ma-  
 jorum suorum premit. & canoni prisco Hebræo inhæret. Ιστορίαι ἑξῆς καὶ δύο βιβλίοι αὐτοῦ τῆς παλαιᾶς διαθήκης καὶ τὰ ποικίλα τῆς ἐβραϊκῆς & παλαιᾶς. Apponemus versionem  
 Billii: Sciendum est duos & viginti libros esse Veteris testa-  
 menti, totidem nempe quot Hebraica lingua elementa. Hebrais enim duo & viginti elementa sunt: ex quibus quinq; duplicantur, atq; ita septem & viginti fiunt. Duplex enim est littera Caph, & Mem, & Nun, & Phe, & Sade. Quo fit, ut libri quo-  
 que eodem modo duo quidem & viginti numerentur, cæterum septem & viginti reperiantur, quinq; videlicet ex ipsis duplica-  
 tis. Siquidem liber Ruth unâ cum Iudicum libro copulatur, atq; apud Hebræos pro uno libro recensetur. Cætera nihil opus est adscribi. Tandem subjungit: Παράπερ & autem (qua-  
 si dicas, omni virtutis genere refertus) hoc est Sapiencia Salomonis, & Sapiencia Iesu (quam à Sirachi patre Hebraicâ linguâ editam ipsius nepos ac Sirachi filius postea in Græcam conversio) tametsi alioqui præclari & elegantes libri sint, non tamen aliis adnumerantur, neq; in arcâ sibi erant. Ἐν ἀρχαίᾳ μὲν ἦν καὶ αὐτῶν, ἀλλ' οὐκ ἀειψύτοιαι, οὐδ' ἔχοντο ἐν τῇ κιβωτῷ. Qui hæc comparaverit cum iis, quæ docere eadem de re Epiphanius libro περὶ μέτρων καὶ σταθμῶν, faciliè animadvertet illum præ oculis hunc habuisse. Ductu itaque Dama-  
 sceni*

sceni tolli potest mendum, quod est apud Epiphani-  
um. Καὶ αὐταὶ (Sapientia Salomonis & Sapientia Sira-  
cidæ) ἀρῆσιναι μὲν εἰσι, καὶ ἀφαιρεῖσθαι, ἀλλ' εἰς ἀεὶ ἔσονται ῥητῶν  
τοῦ ἀναφύεσθαι. διὸ δὲ ἐν τῷ ἀρῶν ἀνετίθησαν, ὅτι πρὶν τῇ  
τῆς διαθήκης κιβωτῷ. Excidit negatio, & scribi oportet:  
διὸ ἔδδ' ἐν τῷ ἀρῶν ἀνετίθησαν, ἵνα πρὶν τῇ τῆς διαθήκης κιβω-  
τῷ. Ideo nec in aron, hoc est, in arcâ fœderis, ponebantur. In  
quo etiam ipso hallucinatus est Epiphanius. Neque  
enim in arcâ fœderis quidquam positum erat præter  
tabulas fœderis, sive duas illas tabulas lapideas, quas collo-  
caverat ibi Moyses in Horebo, Exodi XL, 20; 1. Reg. 11X, 9;  
11 Chron. V, 10: neque ex isto templo priore supere-  
rat in posteriore arca fœderis. Scribit tamen & Au-  
gustinus, *canonem Scripturarum servatum esse in templo He-  
braei populi succedentium diligentiam sacerdotum. Quod de  
tempore post digestum ab Esdra & ultimis prophetis  
canonem vero est similem. Armarium Judaicum vide-  
tur appellare Tertullianus libro de habitu muliebri,  
cap. 111. Sed hoc aliud ab arcâ fœderis.*

Lib. 15, de  
C.D., c. 21.

XLI. Legit Photius, ut sub initium suæ Bibli-  
othecæ, codice statim secundo, indicium facit, *Instra-  
ctionem in Sacram scripturam*, à quodam Adriano scrip-  
tum. Ἀνεγνώσθην Ἀδριανὸν εἰσαγωγὴν τῆς γραφῆς, ἀρῆσιναι  
τοῦ εἰσαγωγῆς ἢ βιβλίου. *Utilis est liber Scriptura studia  
primum aggressis.* Eum post initium hujus sæculi edidit  
David Hœschelius Augustæ Vindelicorum. Quis fue-  
rit Adrianus iste, non constat: nec alicubi ordine ca-  
nonicos libros recenset. Sed quum in rem suam pluri-  
ma, imò propè innumera Scripturæ dicta & testimonia  
adferat, nullum tamen è libris illis controversis sive  
ecclesiasticis producit: unde constat ab eo non habi-  
tos tamquam partem Canonice scripturæ. Quum au-  
tem à

An. 1602.



tem à Photio lecta fuerit hæc Isagoge, septimo vel octavo seculo non poterit esse inferior.

XLII. Nicephori Patriarchæ Constantinopolitani ætas in nonum seculum incidit. Ejus Chronographiam olim latinè vertit Anastasius Bibliothecarius, superiore autem seculo Ioachimus Camerarius, editq; unâ cum luculentis appendicibus sive commentariis; post eum Antonius Contius in capita distinxit & additis Notis illustravit, insertam Bibliothecæ Patrum Parisiensi: Græcam Iosephus Scaliger Chronico Eusebii subjunxit; cujus in fine apparet catalogus librorum primò canonicorum, deinde ἀντιλεγμένων, tandem apocryphorum. Καὶ ὅσαι, inquit, εἰσὶ θεῖαι γραφαὶ ἐκκλησιαστικαὶ καὶ κεχρησμέναι. Quum enumerasset, subdit, Ὁμοῦ τῆς παλαιᾶς διαθήκης βιβλία κβ'. Videtur præ oculis habuisse Athanasium: Estheram enim inter ἀντιλεγόμενα ponit; & Baruchum à Jeremia separat. Idem accidit Nicephoro Callisto Xanthopulo, historico ecclesiastico sequioris & declinantis ævi, satis noto, sed parum commendato. Nam hic quoque Estheram Iudithæ & Tobię jungit. Exstant videlicet ejus de numero sacrorum librorum versus jambici, quorum hi sunt primi:

Θείας γραφῆς μάθαινε νῦν τὰ βιβλία,

Τῆς μὲν παλαιᾶς εἶσιν εἴκοσι δύο.

*Nunc discite Scriptura libri qui sint sacra,*

*Antiqua viginti & duos sibi vindicat.*

Nempe quemadmodum prisca, ita quoque hi recentiores numero xxii in hærent, & canonem Ecclesiæ Christianæ non alium, quàm qui veteris Iudaicæ fuit, agnoscunt. Majores itaque suos, quorum aliàs reverentes admodum sunt, sequuntur, atq; adeo eundem, quem

N

illi,

illi, canonem in hunc usque diem servant & ample-  
ctuntur, sicut vivâ voce etiam confirmant, qui ab illis  
ad nos interdum veniunt.

XLIII. Expensis Græcæ ecclesiæ testimoniis,  
quotquot haberi potuerunt, subdamus suffragia La-  
tinæ ecclesiæ. Et quidem à Græcâ quomodo dissen-  
tiat Latina, quum Ecclesia, quæ per orbem ter-  
rarum diffusa est, una sit catholica & Apostolica eccle-  
sia? Omnium autem maximè una fuit, priusquam per-  
niciosa schismata eam invaderent, & orientem ab occi-  
dente avellerent. Primus testis esto Tertullianus, qui  
libro carminum contra Marcionem quarto viginti  
quatuor libros numerat. Quomodo autem viginti  
duo à nonnullis extendantur, ut sint xxiv, superius est  
ostensum. Alludit videlicet Tertullianus ad xxiv se-  
niores, & ad quatuor animalia, quæ *singula habebant se-  
nas alas in circuitu*, sancto Iohanni visa Apocal. iv, 8.  
Hinc ille:

*At quater alas sex, veteris præconia verbi*

*Testificantis ea, quæ postea facta docemur:*

*His alii volutant cælestia verba per orbem;*

*Hic etiam Christi sanguis contactus habetur,*

*Obscurè vatum præfago dictus ab ore.*

*Alarum numerus antiqua volumina signat,*

*Esse satis certa viginti quatuor ista,*

*Quæ Domini cecinere vias, & tempora pacis.*

XLIV. E quarto seculo habemus Hilarium, quæ  
Prologo explanationum in psalmos in hunc scribit  
modum: *In viginti duos libros lex testamenti veteris depu-  
tatur; ut cum literarum Hebræi sermonis numero convenirent.*  
*Qui sunt secundum traditiones veterum deputantur, ut Moysi singu-  
libri quinque, Iesu Nave sextus, Iudicum & Ruth, septimus; pri-  
mus &*

Cap. 7.

Num. 18.

*ius & secundum Regnorum, in octavum; tertius & quartus in nonum; Paralipomenon duo, in decimum sint; sermones dierum Esdrae, in undecimum; liber psalmorum, in duodecimum; Salomonis proverbia, Ecclesiastes, Canticum canticorum, in tertium decimum, & quartum decimum, & quintumdecimum; duodecim autem prophetae, in sextum decimum; Esaias deinde & Hieremias cum lamentatione & epistola, sed & Daniel, & Ezechiel, & Job, & Hester, viginti & duum librorum numerum consumment.*

XLV. Confinia utriusque seculi quarti & quinti occupant Hieronymus & Rufinus, aliquando male concordés, sed in re, de qua modò agimus, planè quò-  
Impu. Hieronymi præfatio in libros Regum vocari solet *Prologus galeatus*; & in frontispicio Bibliorum Latinorum poni. Sic enim Hieronymus ipse: *Hic prologus, Scripturarum quasi galeatum principium, omnibus libris, quas de Hebræo verissimè in Latinum, convenire potest, ut scire valeamus, quidquid extra hos est inter apocrypha esse ponendum.* Ad quæ verba scholiastes: *Hic prologus defendit Sacram scripturam contra illos, qui inducunt apocrypha pro hagiographis.* Notum autem est cum Hebræo canone & numero viginti duorum prorsus convenire, & quidquid extra cum est inter apocrypha, ut modò audivimus, ponere. Et quia, ut diximus, editionibus Bibliorum latinis præmitti solet, nihil opus est hic illum describere. Adjungitur epistola ad Paulinum, cujus initium, *Frater Ambrosius*; paria faciens cum prologo galeato. Hic itaque prologus & hæc epistola quoniam ab aliquot jam seculis cum Latinis Bibliis tum calamo, tum typo descriptis conjunguntur, & à Latinis commentatoribus approbantur, de Latine ecclesiæ in Hieronymi sententiam consensu lugulentum testimonium perhibent.

XLVI. Obijcies fortè, Hieronymum ipsam taliis præfationibus, itidem jungi solitis, aliter sentire. Nempe in Tobiam ad Chromatium & Heliodorum præfatus hæc habet: *Hebræi librum Tobie de catalogo divinarum scripturarum secantes is, quæ Hagiographa memorant, manciparunt.* Et præfatione in librum Iudith: *Apud Hebræos inter Hagiographa legitur; cuius auctoritas ad roboranda illa, quæ in contentionem veniunt, minùs idonea indicatur.* — Sed quia hunc librum synodus Nicæna in numero Sanctarum scripturarum legitur computasse, — huic unam lucubratiunculam dedi, magis sensum è sensu, quàm ex verbo verbum transferens. Hanc itaque dignatus fuit versione multùm operosâ vel admodum accuratâ. Nicæna verò synodus in numero sanctarum scripturarum computavit, non quòd catalogum illarum texuerit, ei quæ inseruerit, (nihil enim tale factum satis constat) sed quòd ex eâ aliquid sub elogio Scripturæ produxerit. Quâ de re diximus numero xxxix. Ad cætera respondebimus verbis non nostris, sed ejus, qui præfatus est in Biblia unâ cum Glossis Interlineari & Ordinariâ, Commentario Lirani, & Additionibus Pauli Burgensis, Replicis quæ Matthiæ Doringi, Basileæ post initium superioris seculi editâ. Sic autem ille: *Neminem moveat quod in Iudith & Tobie prologis dicitur, quòd apud Hebræos inter Hagiographa leguntur, quia manifestus error est; & Apocrypha non Hagiographa est legendum. Qui error in omnibus quos viderim codicibus invenitur: & inolevit (ut puto) ex pietate & devotione exscribentium, qui devotissimas historias horrebant annumerare inter Apocrypha. Nam quòd hic error multis retrò annis codices occupaverit, ostendit Magister historiæ scholasticæ Petrus Comestor in historiâ Iudith, ubi dicit: Hic liber apud Chaldaeos inter historias computatur; & apud Hebræos*

An. 1706.  
& seqq.



*bras inter apocrypha: quod dicit Hieronymus in prologo, qui sic incipit, Viginti & duas literas. Si ergo alicubi in prologo super Iudith legitur inter Hagiographa, vitium scriptoris est. — Nam quum Hieronymus in prologo galeato post enumerationem canonicorum librorum dicat; Hic prologus scripturarum quasi galeatum principium omnibus libris, quos de hebreo verimus in latinum, convenire potest, ut scire valeamus quicquid extra hoc est, inter apocrypha esse ponendum. Igitur Sapientia quæ vulgo Salomonis inscribitur, & Iesu filii Sirach liber, & Iudith, & Tobias, & Pastor non sunt in canones quomodo credendum est illam postea in illis prologis scripsisse INTER HAGIOGRAPHA, & sibiipsi contradicere? Si quis præterealibratiori examine Hieronymi verba in dictis prologis perpenderit, animadvertet illum scripsisse APOCRYPHA, non HAGIOGRAPHA. Dicit enim in prologo Tobia: Exigitis ut librum Chaldaeo sermone conscriptum ad latinum stilum traham, librum utiq; Tobie, quem Hebraei de catalogo divinarum scripturarum secantes huius quæ Apocrypha memorant, manciparunt. In Iudith autem ait: Apud Hebræos liber Iudith inter Apocrypha legitur; cuius auctoritas ad roboranda illa quæ in contentionem veniunt minus idonea indicatur. Cum itaq; dicas Hebræos secare Tobiam de catalogo divinarum scripturarum, & Iudith auctoritatem minus idoneam indicari; si inter Hagiographa numeraret, & non inter Apocrypha, contraria videretur in eodem loco scripsisse. Sed, ut dixi, scriptores hoc nomen APOCRYPHA horrentes devotione ac pietate quadam reiecto APOCRYPHA, HAGIOGRAPHA scripserunt. Quis præfationis huius sit auctor, mihi non constat. Certè Lirani non est, ut quidam existimant: meministi enim Bibliorum impressorum, quæ tempore Lirani nulla erant.*

XLVII. Vnum adhuc addimus. Scripserat Cæsar Baronius Annalium tomo tertio, in anno cccxxv,

numero cxxvii, quæ hic apponimus. *Ceterum Nicænos canones aliquod passos esse naufragium, tabule quæ hinc inde dispersæ reperiuntur, manifestè significant. Quis neget, imò quis auctoritate S. Hieronymi non affirmet, atque tunc confirmet, in eadem magnâ synodo de divinis scripturis authenticus editum esse canonem? Ipse enim sic præfatur in Iudith: Apud Hebræos liber Iudith inter Hagiographa legitur &c. Nemo igitur inficiare poterit, eiusmodi canonem, quo libri canonici numerati erant (nescio quo casu) penitus excidisse. Hæc tum Baronius. At postea rerectius expensâ in appendice tomo decimo adjectâ (habetur in Colonienâ editione anni 1719-10 c. 111: video enim editiones variare) sententiam mutat & emendat; & prioribus, quæ recitata sunt, subiicit: *Hæc quantumlibet iure dici possent, videantur, tamen considerando, quòd qui post Nicænum concilium scripti reperiuntur canones sacrorum librorum catalogum continentes, ut à concilio Laodiceno, sive à Patribus, ut Athanasio, Gregorio Nazianzeno, Amphiloquio, vel aliis, in illis liber Iudith inter Hagiographa non numeretur; haud affirmandum omnino existimarem, canonem de libris sacris statutum esse à Nicæno concilio, à quo neminem ausum fuisse recedere iure debeat existimari: sed non ex canone de sacris libris confectò id asseruisse S. Hieronymum, verùm potius ex Actis eius, in quibus obiter citatus idem liber inventus fuerit. Hactenus rectè; quæ sequuntur subsistere nequeunt. Nisi dixerimus, librum, quem apud Occidentales in Canone sacrorum librorum invenimus cum aliis Hagiographis annumeratum, existimaverit ex Nicæni Concilii fonte manasse. Quis enim in occidentali ecclesiâ canon Hieronymo antiquior, in quo Hagiographis annumeratum inveniret librum Iudith? Sanctus igitur Hieronymus sibi constat; & ex eo liquet testimonium & sententia Ecclesiæ occidentalis, nempe quem-*  
admo-*

Admodum ipse loquitur præfatione in Eisdram & Nehemiam, *quæ non habentur apud Hebræos, nec de XXXIX scribitur sunt, à numero librorum canonicorum prout abscipienda esse.*

XLIX. Hieronymo jungimus Rufinum, alias quidem æmulum & adversarium, sed hac de re, ut paulo antè monuimus, planè concordem. Sic igitur ipse Expositione in Symbolum Apostolicum: *Spiritus sanctus est, qui in Veteri testamento Legem & Prophetas, in Novo verò Evangelia & Apostolos inspiravit. Unde & Apostolus dicit: Omnis scriptura divinitus inspirata, utilis est ad docendum. Et ideo quæ sunt novi ac veteris instrumenti volumina, quæ secundum maiorem traditionem per ipsum Spiritum sanctum inspirata creduntur, & Ecclesiis Christi tradita, competens videtur in hoc loco evidenti numero, sicut ex Patrum monumentis accepimus, designare.* Itaq; veteris instrumenti primæ orationum Moysi quinque libri sunt traditi. Sed enumeratione prioribus & Hieronymianæ conformi supersedemus. Vbi eam absolvit, subjicit, *In his concluserunt librorum numerum Veteris testamenti.* Adjungit de aliis libris non canonicis, sed Ecclesiasticis, solitis quidem in ecclesiis legi, non tamen proferri ad auctoritatem ex huius fidei confirmandam; quæ nos antea attulimus.

Num. 17.

XLIX. Porro è quinto seculo producimus, qui *Masilie & aliis etiam locis in Galliis* Augustini de prædestinatione sententiam in dubium vocabant. Illi enim testimonium, quod è libro Sapientiæ Augustinus produxerat, *Raptus est ne malitia mutaret intellectum eius; tamquam non canonicum definiunt omittendum, ut scribit & testatur in epistolâ ad Augustinum Hilarius Arelatensis.* Quoniam autem librorum nec à Prophetis scriptorū, nec in canonem veteris ecclesiæ receptorum par est ratio,

Sap. 4. in;

ratio,

tio, quo iure unus rejicitur, rejiciuntur etiam reliqui:  
& qui unum exauكتورant, reliquos eodem loco habere  
merito censentur.

Num. 35. L. Objicies fortè hîc, Augustinum ipsum, exi-  
mum illum in Ecclesiâ latinâ doctorem, & magnum  
seculi quinti lumen in diversum abire, & libros To-  
biæ, Iudith, duos Maccabæorum, Sapientiæ & Siraci-  
dæ canonicis Veteris testamenti annumerare, nempe  
libro secundo de doctrinâ Christianâ, cap. 119. Hic  
jam recolendum erit, quod superius est ostensum, vete-  
res hiscè seculis doctores priscorum ad se à majoribus  
translatorum librorum tres facere ordines: unum Ca-  
nonicorum & *θεοκριντων*; alterum Ecclesiasticorum, ob  
præclata exempla & præcepta populo Christiano pro-  
poni & prælegi dignorum; tertium Apocryphorum, à  
quibus lectores, præsentim rudiores, arceant: secun-  
dum autem ordinem aliquando primi, aliquando ter-  
tii nomenclaturam participare. Ista videlicet in ter-  
tiam classem conjecta Apocrypha *Ἀποκρυφῆς μᾶλλον ἢ ἀ-  
ναγινωσκῆς ἀξιῶν*, ut loquitur Athanasius sub finem Sy-  
nopses: *magis digna sunt ut abscondantur, quam ut legan-  
tur*. De iisdem Hieronymus epistolâ ad Laram de in-  
stitutione filiarum: *Caveat apocrypha, & si quando ea non ad dog-  
matum veritatem, sed ad signorum reverentiam legere volue-  
ris, sciat non eorum esse, quorum titulis prænotantur, multaq;  
his admixta vitiosa, & grandis esse prudentiæ aurum in luto  
quarere*. Et commentario ad Iesaiâ Lxiv, 4 (ubi ex  
hoc ipso loco, & non ex Ascensione Iesaiâ, vel Apoca-  
lypsi Eliâ sumtum esse docet, quod habet Apostolus  
1 Cor. 11, 9) apocryphis istis accomodat verba psal-  
mi decimi. *Apocryphorum, inquit, deliramenta conticeant:  
de quibus verè dici potest, quòd sedeat diabolus in insidiis cum  
diviti-*

Epist. 7.

Lib. 17  
com. in  
Iesaiam.

Psalmo 10,  
v. 3, & 9.



divitiis in apocryphis, ne interficiat innocentem. Et iterum: Insidiatur in apocrypho quasi leo in speluncâ suâ: insidiatur ut rapiat pauperem. Ipse etiam Augustinus libro xv de civitate Dei, cap. xxiii: Omittamus earum scripturarum fabulas, quæ apocryphæ nuncupantur, eò quòd earum occulta origo non claris patribus, à quibus usq; ad nos auctoritas veracium scripturarum certissimâ & notissimâ successione pervenit. In his autem apocryphis etsi invenitur aliqua veritas, tamen propter multa falsa, nulla est canonica auctoritas. Et paullò post: Multa sub nominibus Prophetarum, & recentiora sub nominibus Apostolorum ab hæreticis proferuntur, quæ omnia sub nomine apocryphorum ab auctoritate canonicâ diligentî examinatione remota sunt. Augustinus igitur ab hujusmodi apocryphis discretum ivit libros ad adificationem plebis in ecclesiâ legi solitos, & proinde laxiore catalogo instituto canonicis (quatenus qui ab ejusmodi apocryphis fecernuntur, canonici vocabulo latius accepto, dici possunt) annumeravit.

LI. Quin ejus rei hoc ipso in De doctrinâ Christianâ loco non obscurum fecit indicium, quum scripsit: Solers lector in canonicis scripturis ecclesiarum catholicarum quamplurium auctoritatem sequatur, inter quas sanè ille sunt, quæ Apostolicas sedes habere & epistolas accipere meruerunt. Tenebis igitur hunc modum in Scripturis canonicis, ut eas quæ ab omnibus accipiuntur ecclesiis catholicis, praponas eis, quas quædam non accipiunt. In eis verò quæ non accipiuntur ab omnibus, praponas eas, quas plures gravioresq; accipiunt, eis, quas pauciores minorisq; auctoritatis ecclesia tenent. Si autem alias invenerit à pluribus, alias à gravioribus haberi, quamquam hoc facile invenire non possit, æqualis tamen auctoritatis eas habendas puto. Differentiam inter libros, quos jam enumeraturus erat, agnoscit & ponit ipse Augustinus.

nus. At inter libros *summi* & verè canonicos etiam si, quod dignitatem aut necessitatem doctrinæ, quæ proponitur, attinet, discrimen esse possit, nullum tamen potest esse respectu auctoritatis, aut infallibilitatis, aut certitudinis. Enumeratus igitur erat non strictè, sed laxè, quum verbis productis proximè subiicit: *Totus autem canon scripturarum, in quo istam considerationem versandam dicimus, his libris continetur: quinq. Moyses, Genesi, Exodo &c. Idipsum intelligi potest ex xvi de civitate Dei, cap. xx. Salomonis, inquit, libri tres recepti sunt in auctoritatem canonicam, Proverbia, Ecclesiastes & Canticum canticorum. Alii verò duo, quorum unus Sapientia, alter Ecclesiasticus dicitur, propter eloqui nonnullam similitudinem, ut Salomonis dicantur, obtinuit consuetudo. Non autem esse ipsius, non dubitantes doctiores; eos tamen in auctoritatem, scriptorum videlicet ecclesiasticorum, & populo publicè prælegi solitorum; maxime occidentalis antiquitus recepit ecclesia. — Sed adversus contradictores non tantà firmitate proferuntur, quæ scripta non sunt in canone Iudeorum. Ita alibi scribit Donatistas Circumcelliones, qui sibimetipsis mirâ vâsanâ necem consciscerent; summâ exemplarum inopiâ coarctati in Maccabæorum libris, persecutatis opinibus ecclesiasticis auctoritatibus, vix aliquando, quod pro sua sententiâ adducerent, invenisse.*

Epi. 61.

L. II. Discrimen autem inter hos ipsos Maccabæorum similesque ecclesiasticos libros, & alios verè canonicos satis disertè proponit tum secundo libro contra epistolam Gaudentii, cap. xxiii; tum xix de civitate Dei, cap. xxxvi. Neque enim umquam concordî priorum quatuor seculorum testimonio, & orientalis occidentalisque ecclesiæ consensui sese opposuerit aut subduxerit Augustinus. Vtrumque ejus locum adscribemus.

bemus. Prior in hunc habet modum: *Hanc quidem scri-*  
*pituram, quæ appellatur Maccabæorum, non habent Iudæi sicut*  
*Legem & Prophetas & Psalmos, quibus Dominus testimonium*  
*perhibet tamquam testibus suis. — sed recte præ est ab Ecclesiâ*  
*non inutiliter, si sobrie (quod fieri possit, si Hieronymus & verè*  
*canonicam crediderit Augustinus, ut ita loquatur?)*  
*legatur vel audiat, maxime propter illos Maccabæos, qui pro*  
*Dei lege sicut veri martyres, à persecutoribus tam indigna at-*  
*que horrenda perpessi sunt, ut etiam hinc populus Christianus*  
*admireretur, quoniam non sunt condignæ passionibus huius tempo-*  
*ris ad futuram gloriam, quæ revelabitur in nobis. Posterior*  
*locus hic est: Supputatio temporum à resuscitato templo non in*  
*Scriptura sancta, quæ Canonica appellantur, sed in aliis invenit-*  
*ur, in quibus sunt & Maccabæorum libri, quos non Iudæi, sed*  
*Ecclesiâ pro canonicis habet, propter quorundam martyrum*  
*passiones vehementes atq; mirabiles, qui antequam Christus ve-*  
*nisset in carnem, usq; ad mortem præ lege Dei certaverunt. Ec-*  
*cce Maccabæorum libri non sunt inter scripturas san-*  
*ctas, quæ canonicæ appellantur: & Ecclesiâ habet eos*  
*pro canonicis. Num in vestigio sibi metipsum sanctus do-*  
*ctor contradicit? aut num ecclesiâ libros pro canoni-*  
*cis habet, qui inter scripturas canonicas non sunt? Sed*  
*explicat sese, quum addit, ab Ecclesiâ pro canonicis*  
*haberi, propter quorundam martyrum passionibus. Nempe*  
*non habentur pro canonicis, quod auctores eorum*  
*propheta vel scriptores Hieronymus fuerint, sed quod exi-*  
*mia pietatis, zeli & constantiæ exempla, quæ in iis le-*  
*guntur, populo in ecclesiâ proponi ex usu sit. Eos, in-*  
*quit, non Iudæi, sed Ecclesiâ pro canonicis habet. Nempe,*  
*quamvis hi libri à Iudæis Hellenistis, quorum sanè idi-*  
*otismo loquuntur, olim usurpati, cujus etiam rei ali-*  
*quod ab Epiphanio fieri videtur indicium; ex quo ta-*

Hæres. B.



men Hebræi fastidire coeperunt Græcas artes & linguam, hos quoque libros in precio & usu habere desierunt. At Ecclesia ad ædificationem plebis legere non desit. Habet igitur hætenus, eoque in sensu, pro canonicis, quamvis hodiernæ Iudaicæ genti sordeant.

LIII. Intellectâ sententiâ Augustini facillè etiam intelligitur canon concilii Carthaginienſis, cui interfuit Augustinus; qui est in codice canonum Ecclesiæ Africanæ vigesimus quartus, capiendus in eadem sententiam de libris, quos in ecclesiis ad ædificationem plebis fas sit prælegere; sicut ipsa quoque canonis verba dilucidè testantur. *Placuit ut præter scripturam canonicam nihil in ecclesiâ legatur sub nomine divinarum scripturarum.* Post enumerationem subiicit: *Hoc etiam fratri & consecratosi nostro Bonifacio, vel (&) alius earum partium episcopus pro confirmando isto canone innotescat, quia à patribus ista accepimus in ecclesiâ legenda.*

LIV. Cæterùm eodem seculo quinto occurrunt duo Romani episcopi, papæ sive pontifices ( sic enim eâ ætate episcopi communiter vocabantur ) Innocentius & Gelasius, ille sub initium, iste sub finem seculi, qui laxiorem catalogum, instar Augustini, uterque proponunt. Eodem itaque modo capiendi & intelligendi erunt, quo capitur & intelligitur Augustinus. Innocentius videlicet ab Exuperio episcopo Tolosano consultus, quum libros canonicos immixtis ecclesiasticis recensuisset, tandem concludit, *Si quæ sunt alia, non solum repudianda, verùm etiam noveris esse damnanda.* Ecclesiasticos igitur hoc potissimum sine canonicis immiscuit, ut ab inutilibus & perniciosis apocryphis segregaret. Quantum autem datur cognoscere, primus omnium id fecit, & laxiore contextu catalogo ecclesiasticos



Nicos cum canonicis confudit. Scripta enim est epi-  
 stola COSS. Stilicone secundum & Anthemio, hoc est,  
 anno æræ nostræ ccccy, quinquennio antequam ab  
 Alarico & Gothis Roma caperetur. Ejus exordium  
 hoc est: *Consulenti tibi, frater carissime, quid de propositâ spe-*  
*cie* (quæstione) *unaquaq, sentirem, pro capto intelligentie*  
*mea, qua sunt visæ respondi.* Sibi sanè non arrogat, quod  
 infallibilis sit aut errare nequeat. Quin Erasmus de eo  
 ejusque ad episcopos Africanos epistolâ, quæ inter Au-  
 gustini epistolas legitur, haut veritus fuit scribere; *In* Epist. 91.  
*hac epistolâ & dictionem, & ingenium, & eruditionem tali di-*  
*gnam præfule desiderare cogimur.* Et ad aliam, quæ paucis  
 interjectis sequitur: *Innocentius suo more scriptus potius quàm* Epist. 92.  
*eruditus, & ad damnandum quàm docendum instructior.* Hic  
 profectò idem eadem, in quâ catalogus, de quo a-  
 gimus, occurrit, epistolâ ausus fuit viventibus in con-  
 jugio applicare verba Apostoli; *Coinquinatis & infideli-* Tit. 1. 10  
*bus nihil mundum; item, Qui in carne sunt, Deo placere non* Rom. 8. 5.  
*possunt.* Bonifacium, cujus synodus Carthaginiensis  
 membit, successorem, intermedio tamen Zosimo,  
 habuit: suæque epistolæ in veteri codice canonum ec-  
 clesiæ Romanæ post epistolas Siricij decessoris, quæ  
 primum tenent locum, proximæ sunt, quum nullum  
 vel in hoc ipso codice, à quo aliàs, si genuinæ essent,  
 abesse non potuissent, antiquiorum merciumq; Mer-  
 catoris appareat vestigium.

LV. Gelasius Romæ episcopus fuit vergente ad  
 finem seculo quinçto. Ejus in veteri codice canonum  
 ecclesiæ Romanæ una saltem exstat epistola, distincta  
 in capitula xxix. In tomis conciliorum plures legun-  
 tur; & memoratur etiam synodus Romæ habita, in  
 quâ libri sacri enumerantur, præmissâ epigraphe hu-

julmodi: *Ordo librorum Veteris testamenti, quem sancta & catholica Romana suscipit & veneratur Ecclesia, digestus à Gelasio Papa cum septuaginta episcopis. Non dicitur Ordo librorum canonicorum Veteris testamenti: sed simpliciter, Ordo librorum Veteris testamenti, nempe sub Vetere scriptorum, & postea in usum Ecclesiæ, ut publicè populo prælegantur, receptorum: ut in considerationem & censum veniant non tantum qui strictè & in rigore Canonici appellantur, sed etiam Ecclesiastici. Sic sanè capi possunt, & sine dubio debent hæc verba, ne Gelasius cum suis episcopis à naturâ rei ipsius (nam, ut pridem monuimus, qui liber tempore durantis Veteris testamenti canonicus non fuit, is subsequente ævo Canonicus istius Veteris fieri nullâ ratione poterit) & à consensu totius orientalis & præscæ ac primævæ occidentalis ecclesiæ discrepare videatur. Accedit, quòd Gelasius non nisi unum Maccabæorum librum ponit: unde apparet, quòd Ecclesiasticos aut secundi ordinis libros attinet, non fuisse admodum curiosum; quin ab antecessore suo Innocentio, & ab Augustino, qui duos numerant, dissentire,*

LVI. Nequè mirum est Alcimum Avicum, qui post initium seculi sexti Viennæ in Galliâ episcopum metropolitanum egit, Isidoro Hispalensi libro de viris illustribus *scientiâ secularium literarum doctissimus*, Adonî successori *eloquentiâ & sanctitate præcipuus*; non mirum est, inquam, hunc, quum de laude virginittatis ad sororem suam Fuscinam sanctimoniale carmen scriberet, eamque à sedulâ sacrorum librorum lectione insignique cognitione commendaret, Ecclesiasticos Canonicis, utpote non minùs quàm hosce sorori notos & lectos, miscuisse. Utroque junctim, sicut hodie fieri  
amat,

amat, tum quoque latini codices sine dubio exhibue-  
runt. Et vel propter solam hanc conjunctionem suo  
modo libri Scripturæ & Biblici dici poterunt. Sic au-  
tem Avitus:

*— quidquid sacra divina volumina legis,  
aut sensu aut verbo monstrant, —  
— ut digiros, soror, isthac omnia dudum  
Docta tenes.*

Et qua veridici, nec in hoc tamen ordine, nempe Ca-  
nonicorum vel Ecclesiasticorum auctorum, Patres

*Exposuere suis mysteria digna libellis  
Hac in cuncta tenens animo sitiente bibisti.  
Nec si quid sacrum nostri cecinere poeta,  
Te later.*

*Cetera quid replicem? tu sensibus utere doctis,  
Et qua nota tibi, vel qua percussa legendo,  
Ad virtutis opus studio converte virili.  
Nam nisi doctrina iungatur vita fideli,  
Maiores faciet coniuncta scientia panas.*

Hæc ad sororem & de sorte Avitus.

L VII. In eandem ætatem incidit longæva vita  
M. Aurelii Cassiodori, qui nobili genere natus virtute  
& eruditione ad summos honores sub Theodorico ex  
Amalorum familiâ Gotho, Italiæ post devictum Odo-  
acrem rege, adscenderat: tandem verò repulsi sollici-  
tudinibus dignitatum & curis secularium noxia sapore conditis  
(sic ipse loquitur) post amarissimas actiones religiosam vi-  
tam professus fuit. Iuxta Trithemium factus est mona-  
chus & abbas canobii apud urbem Ravennatensem. Ipse Insti-  
tutione sive introductione in lectionem divinarum  
scripturarum monasterium suum *Vivariense* appellat. Cap. 19.  
& situm esse dicit ad piscosæ amnis Pellenæ fluentiæ vicina,  
prope

Prologo ist-  
psalter.  
Libro de  
script.

prope mare, & montis Castellis secreta sua via. Num locus hic in agro Ravennate fuerit, non satis constat. Etiam si verò in monasterio illo senex grandævus (nonagenario enim majorem fuisse ipse facit indicium) vixerit, studiisque graviter operam dederit, abbatis tamen munus videtur declinasse, aliisque demandasse. Sic enim suos Institutionis memoratæ cap. penultimo alloquitur: Omnes, quos monasterii septa concludunt, tam patrum regulas, quam præceptoris propriis iussa servate, & libenter, quæ vobis imperantur, efficit. — Vos autem sanctissimos viros abbates Calchedonium & Gerontium deprecor, ut sic cuncta disponatis, quasenus gregem vobis creditum, præstante Domino, ad beatitudinis dona perducere debeatis. Peregrinum igitur ante omnia suscipite; eleemosynam date; nudum vestite; esurienti panem frangite: quoniam iste verè dicendus est & consularius (alludit fortè ad suum exconsularium) qui miseros consolatur. Ipsos autem rusticos, qui ad vestrum monasterium pertinent, bonis moribus erudite, quos adiectionum pensionum pondere non gravetis. — Data est itaq. vobis quædam urbs propria, cives religiosi, in quâ si concorditer & spiritaliter Domino præstante transigitis, cælestis iam patria præfiguratione gaudetis. Nolite amare desidiam, quam Dominus cognoscitis odiosam. Præstò vobis sunt sanctarum scripturarum instrumenta dogmatica cum expositoribus suis, qui veri sunt floriferi campi, cælestis paradisi poma suavia, unde & fideles anima salubriter imbuantur, & lingua vestra non caduco, sed fructifero nimis instruatur eloquio. Quapropter desideranter introite mysteria Domini, ut sequentibus iter indicare possitis, quia magna verecundia pondus est habere quod legas, & ignorare quod doceas. Instruxerat videlicet Cassiodorus illud suum monasterium non modò cunctis ad vitam sustentandam necessariis, sed etiam ut studia, quæ magnopere amabat, promove-



moveret, insigni bibliothecâ, quæ omnis generis libros, inprimis verò Sacræ scripturæ, ejusq; expositores, potissimum Latinos, contineret. Ad lectionem itaque Scripturæ Institutione istâ monachis suis præit, sub cuius finem eos compellans, *Eia nunc, ait, carissimi fratres, festinate in Scripturis sanctis proficere; quando me cognoscitis pro doctrinâ vestra copiam, adiutorio dominice gratiæ, sancta vobis & talia congregasse.* Legendos itaque proponit Scripturæ libros non tantum Canonicos propriè ita dictos, sed etiam Ecclesiasticos; atque adeo utrumque catalogum recenset, tum strictiorem Hieronymi, tum laxiorem Augustini. Quoniam autem, qui Ecclesiasticos expositionibus illustrasset, ex veteribus invenire neminem potuit, ne tamen absque hoc adminiculo à monachis legerentur, earum conficiendarum negotium dedit *religiosissimo viro, Bellatori presbytero.* Rectè autem monet, *propter virtutes excellentissimas morum conscriptos esse, ut patientiam, ut spem, ut caritatem, ut etiam infemini fortitudinem, ut pro Deo contemptam præsentis seculi vitam, vel cetera, qua illic virtutum genera Dominoprestantes floruerunt, nostris animis competenter infunderent.* Hactenus igitur Hieronymo vel Hebrais aut Græcis Cassiodorus non adversatur.

LII. Ad eundem ferè modum capiendus & exponendus Isidorus Hispalensis, cuius episcopatus incidit in primum seculi septimi trientem, & tempora florentis in Hispaniâ regni VVestgothorum. Videndus est libro de officiis ecclesiasticis cap. xxi; & libro proœmiorum in Vetus & Novum testamentum; & libro sexto Originum sive Etymologiarum. Describit hîc Hieronymum, neque negligit Augustinum, cuius etiam verba amat usurpare. *Hebrai, inquit, Vetus testamen-*

Cap. 12. &  
13.

Cap. 6.

Orig. l. 6.  
cap. 1.

tum iuxta numerum literarum suarum viginti duobus libris accipiunt, dividentes eos in tres ordines, Legis scilicet, & Prophetarum, & Hagiographorum. Tres illos ordines juxta ductum Prologi galeati recenset, & deinde addit: *Quartus est apud nos ordo veteris testamenti eorum librorum, qui in canone Hebraico non sunt.* In quo si non sunt, fieri nullo pacto potest, ut sint Veteris testamenti libri canonici genuini, strictèque & propriè ita dicti. Sed pergat: *Primus Sapientia est; secundus, Ecclesiasticus; tertius, Tobias; quartus, Judith; quintus & sextus, Maccabeorum.* Quos licet Hebraei inter apocrypha separent, Ecclesia tamen Christi inter divinos libros & honorat & pradicat. De libro Sapientiae & Ecclesiastico dicit cum Augustino, *propter quamdam eloquii similitudinem Salomonis titulo praeponari.* Item: *Libros quidem Tobiae, & Judith, sive Maccabeorum Hebraei non recipiunt: Ecclesia tamen eosdem inter canonicas scripturas enumerat.* Ostendimus paullò antè, quomodo dicat Augustinus, *supputationem temporum à restituto templo non in Scripturis sanctis, quae Canonicae appellantur, sed in aliis inveniri, quos non Indae sed Ecclesia pro canonicis habeat; & quomodo haec verba sint capienda, ne vir magnus sanctusque in vestigio semetipsum conficere, & contradictione atque absurditate irretire videatur.* Quomodo exponitur Augustinus, ita quoque exponendus erit Isidorus, Augustinum sequutus; & qui Isidorum exscribit Rabanus Maurus, sub Caroli magni filiis & successoribus corrente seculo nono primùm Fuldensis abbas, deinde Moguntinus episcopus, libro de institutione clericorum tertio, cap. v.

LIX. Quoniam iterum in Augustinum hîc incidimus, denuò nonnulla, è quibus mentem ejus aliam, quàm diximus, non fuisse appareat, proferemus.

Dixi-

Libro pro-  
cemiorum.

Num. 12.

Diximus antea, quod imparitatem auctoritatis illorum, quos enumerat, agnosceat, argumento esse, quod non omnes eodem loco habeant, vel proprio strictoque sensu canonicos & divinos esse censeat. Eandem differentiam integro post Augustinum seculo agnosceat alius Africanus episcopus, nempe Iulianus libro primo de partibus divinae legis, cap. vii: etiam si fortè mentem suam non satis commodè exprimit. Scribit autem ad modum dialogi ista. *Discipulus. Quomodo divinorum librorum, nempe qui aut vera divini sunt, aut tales habentur, consideratur auctoritas? Magister. Quia quidam perfecta auctoritatis sunt, quidam media, quidam nullius. D. Qui sunt perfecta auctoritatis? M. Quos Canonicos in singulis speciebus absolute enumeravimus. D. Qui media? M. Quos adiungis à pluribus diximus. D. Qui nullius auctoritatis sunt? M. Reliqui omnes. Qui non sunt perfectæ auctoritatis, nec Canonici sunt, si strictè & propriè vox capiatur: qui autem mediæ, Ecclesiasticis; qui nullius, Apocryphis, de quibus numero et dictum fuit, annumerandi. Sed hæc admonitionis ergo adducta nunc ita transmittamus.*

LX. Diximus superius, Augustino, quum è libro Sapientiæ protulisset locum, *Raptus est, ne malitia intraret intellectum eius*, à Gallis objectum fuisse, illum librum non esse canonicum. Quibus ipse quidem ad Prosperum & Hilarium, qui epistolis suis indicium fecerant, sermonem dirigens duos libros opponit; unum inscriptum De prædestinatione sanctorum, alterum De bono perseverantiæ. Prioris capitulo decimoquarto de objectionem, quam diximus, agit. Potuisset uno verbo absolvere, si dixisset, Sapientiæ librum omnino esse canonicum, & falli Gallos, qui secus opinentur.

Sed hoc non dicit. Ostendit potiùs, revera divinæ gratiæ esse beneficium, si justus crudâ vel immaturâ ætate rapiatur, ne periculo mutationis in deterius exponatur, aut etiam succumbat: & proinde hoc quoque dictum, à quocumque profectum fuerit, divinâ veritate niti. Vocat nimirum *sententiam veram planè, & antiquissimam Christianam*. Quis, inquit, & exceptâ huius libri attestatione res ipsa non clara sit, quam volumus hinc doceri. Quis enim audes negare Christianus, iustum, si morte præoccupatus fueris, in refrigerio futurum? Quilibet hoc dixeris, quis homo sanæ fidei resistendum putabit? — Hac est tota causa cur dictum est, à quocumq; sit dictum; Raptus est, ne malitia mutaret intellectum eius. — *Quæ quum ita sint, non debuit repudiari sententia libri Sapientiæ; qui meruit in Ecclesiâ Christi (alterum hoc est responsum; Si antiquus tractator vel Scripturæ interpretes id dixisset, admitterent Galli: hic autem scriptor etiam si canonicus non sit, tractatoribus tamen meritò præferitur) de gradu Lectorum ecclesiæ Christi, tam longâ annositate recitari, & ab omnibus Christianis, ab episcopis, usq; ad extremos laicos fideles, pœnitentes, catechumenos, cum veneratione divinæ auctoritatis audiri. Certè enim si de divinarum scripturarum tractatoribus, qui fuerunt ante nos, proferrem defensionem huius sententiæ, quam nunc solito diligentius atq; copiosius contra novum Pelagianorum defendere urgemur errorem: — si huius ergo sententiæ defensionem ex divinarum eloquiorum nos præcedentibus catholicis tractatoribus promerem, profectò hi fratres, pro quibus nunc agimus, acquiescerent: hoc enim significastis literis vestris. — Sed qui sententiis tractatorum instrui volunt, oportet, ut istum librum Sapientiæ ubi legitur, Raptus est ne malitia mutaret intellectum eius; omnibus tractatoribus anteposant: quoniam sibi cum anteposuerunt etiam temporibus proximi Apostolorum*  
egregii



egregii tractatores, qui eum testem adhibentes, nihil se adhibere nisi divinum testimonium crediderunt. Divinum videlicet non tam respectu auctoris, qui dixit, quam rei, quæ dicitur. Quo sensu itidem à sancto Cypriano libro De mortalitate adductum fuerat. Porro idem Augustinus Cap. 16? quum ex Ecclesiastico locum protulisset, & sibi ipsemet objecisset, contradici posse, quod liber non sit in canone Hebræorum; nihil opponit aut respondet, sed aliud, cui contradici non poterat, profert. Verba sunt libro de curâ pro mortuis, cap. xv: *Liber Ecclesiasticus, quem Iesus filius Sirach scripsisse traditur, & propter eloquii nonnullam similitudinem Salomonis pronuntiatur, continet in laude patrum, quod Samuel etiam mortuus prophetaverit. Sed si* Eccl. 16, 23. *huic libro ex Hebræorum, quia in eo non est, canone contradicitur, quid de Moyse dicturi sumus, qui cersè & in Deuteronomio mortuus, & in Evangelio cum Helia, qui mortuus non est,* Matt. 17, 3. *legitur apparuisse viventibus.* Non dicit Augustinus, neque quisquam veterum alius, in prisco canone Hebræorum olim fuisse, à nupero solum & recentiore hodie exulare: sed simpliciter admittit, non esse in canone Hebræorum. In quem si pridem non fuit adscitus, exactis aliquot, ex quo Vetus testamentum exspiravit, seculis, reponi à nemine potest.

LXI. Ex his abundè liquet, Augustinum de canone Scripturarum ab aliis antiquioribus non dissentire, & quomodo capiendus sit tum ipse, tum qui eum postea sequuti sunt & descripserunt, etiamsi aliquando Ecclesiasticos Canonicis immiscuerint, aut etiam planè Canonicos appellaverint. Nempe vocabula *canonis* & *canonici* aliquanto latiùs acceperunt, & enumerarunt non modò libros strictè canonicos, è quibus dogmata fidei hauriantur, sed etiam alios, à fi-

delibus & piis, qui sub Vetere testamento fuerant, perfectos, antiquos & utiles, populoque in ecclesiâ prælegi dignos, quòd ad mores monitis & exemplis formandos multum faciant. Hinc autem tantum abest ut abeant, quos strictiorem catalogum proponere diximus, ut ultrò præeant, & hanc conciliandi rationem nobis suggerant. Pridem audivimus Hieronymum docere, *sicut Iudith, & Tobia, & Maccabeorum, sic etiam Siracida & Sapientia libros legi ad adificationem plebis, non ad auctoritatem ecclesiasticorum dogmatum confirmandam*: item Rufinum; *maiores quidem legisse in ecclesiis voluisse, non tamen proferri ad auctoritatem fidei confirmandam*. Neque verò Græci, qui à primavâ numerandi ratione nusquam discedunt, & arctiori catalogo invariâtè adhærent, legi in ecclesiis nolunt, sed potius ipsi inde monita & exempla passim promunt. Athanasius quidem scribit *tantum catechumenis legi*. Et id fortè in ecclesiâ Alexandrinâ obtinuit. Chrysostomus autem aliquando argumenta sermonum, quos ad populum habuit, inde petiit. Haut tamen inviti concedimus, maiorem & frequentiore usum fuisse in Latinâ ecclesiâ, quàm Græcâ: quod etiam innuit Augustinus xvi de civitate Dei, cap. xx. Et hinc sine dubio factum, ut in enumerando Canonicis junxerint & immiscuerint aliqui Latini, nulli verò Græci.

LXII. Hactenus itaque canonicos esse, ut populo in ecclesiâ legere eos liceat, tam Græci, quàm Hieronymus & Rufinus præscique cæteri facilè concesserint; nec si appellatione *Canonici* hoc solum innuatur, de vocabulo pugnaverint: Innocentius autem, Augustinus, Carthaginenses, Gelasius haut diffitebuntur, patenus, nec aliter sese intelligere, præscoque & com-  
muni

munl canoni præjudicare nec velle nec posse. Canonici, inquam, hætenus sunt, quòd ad instructionem populi & ædificationem morum in ecclesiâ legi possint, *aderuditionem nostram præcepta cælestia in ecclesiâ dispensantes*, ut loquitur Isidorus: non sunt canonici, quòd Moysi & Prophetis pares, aut ex se ad confirmationem dogmatum idonei habeantur. Ita omnino statuere oportet, nisi paucos Latinos cum Græcis omnibus & ipsis antiquioribus, quin & recentioribus plerisque Latinis pugnare malimus. Nec aliâ ratione Patres Trullani canones tum Laodiceos, qui strictiorem, tum Carthaginenses, qui laxiorem catalogum proponunt, admittere & probare potuerunt, nisi hac ipsâ. Quin non fuerit ineptum huc distinctionem Protocanonicorum & Deuterocanonicorum, quam Sixtus Senensis, etsi alio sensu, usurpat, accommodare. Lubet rem totam syllogismo comprehensam proponere. Quod necessarium est admitti, ne videantur Innocentius, Augustinus & Gelasius pugnare cum universâ ecclesiâ veteris testamenti, totâque orientali & vetustiore latinâ; & quod ipsi illi agnoscunt; id omnino est admittendum. Sed duplex acceptio hujus vocis *Canonici*, latior videlicet & strictior, ad istum finem est necessaria; & ipsi, de quibus agitur, discrimen agnoscunt. Ergo duplex illa acceptio est admittenda. Rursus: Qui recentiores scriptores nuncupatione Canoniconum librorum latius acceptâ Ecclesiasticos ad ædificationem plebis legi solitos includunt, & discrimine admissio hos istis non æquant; illi etiam in enumerandis sacris libris ab universâ quatuor priorum & antiquiorum seculorum ecclesiâ non dissentiant, & proinde eundem, quem illa, canonem, si vox strictè capiatur, agnoscunt. Sed recentiores

Libro 1 de  
offic. eccl.  
cap. 12.

Cap. 12.

Biblioth.  
hæc sub.

tiores Innocentius, Gelasius, & Augustinus, (qui cate-  
torum quasi interpret rem hinc inde in libris suis pro-  
lixius exponit, quum reliqui plerumque nudâ enume-  
ratione sint contenti) & qui cum sequuntur, nuncupa-  
tione Canonorum latius acceptâ Ecclesiasticos etiam  
includunt, & nihilo minus discrimini inter utrosque  
locum relinquunt. Ergo. Vtraque Minor ex iis, quæ  
dicta & adducta sunt, manifesta est.

LXIII. Cæterum Pontificii concilio Tridenti-  
no posteriores, miros hîc ludos faciunt. Specimen  
nunc saltem præbeat Martinus Becanus, acuto vir in-  
genio, & satis etiam versuto. Hic autem dum certæ ve-  
ritati se opponit, ineptire cogitur. Scribit enim Manu-  
alis controversiarum libro primo, cap. 1, quæst. 1: *Canon*  
*Scripturarum, quem Pontificii amplectimur, habetur in*  
*concilio Tridentino, sessione IV. Et Patres illius concilii accepe-*  
*runt illum per traditionem ab Eugenio papa in concilio Floren-*  
*tino. De eo inferius suo loco videbimus. Rursum Euge-*  
*nius illum accepit à Gelasio Papa, in concilio Romano.* Distat  
Eugenius cum suo concilio Florentino à Gelasio con-  
cilioque isto Romano annis pluribus, quàm nongen-  
tis quadraginta. Iterum Gelasius ab Augustino: & Augusti-  
nus à concilio Carthaginensi. Huic interfuit Augustinus,  
ut videri possit ab eo accepisse concilium. Deniq. Patres  
huius concilii ab Innocentio primo. Vixit autem Innocentius  
anno Christi CCCCII. Igitur ab illo tempore primitiva ecclesie  
ad nos usq. per continuam traditionem perseverat idem ille Scri-  
ptura & canon, quem nos nunc tenemus & amplectimur. Iuxta  
Becanum videlicet incipit primitiva ecclesia à seculo  
post natum Servatorem quinto, & quatuor priorum  
nulla habetur ratio. Et quod à Gelasio accepit Euge-  
nius, per continuam traditionem derivatur, etiamsi inter-  
sint



fiat anni propemodum mille. Denique si à Gelasio ac-  
 cepit Eugenius, ab Augustino Gelasius, & ab Innocen-  
 tio Augustinus; à quonam accepit Innocentius? num  
 sine testimonio, imò contra testimonium, traditionem  
 & consensum quatuor præcedentium seculorum ipse  
 pronunciat, an verò secundum illud? In hæc absur-  
 ditates sive angustias virum aliàs eruditum & ingenio-  
 sum coniecit suscepta falsæ sententiæ defensio. Neque  
 apòdes minùs est illud, quod affert libro de analogiâ  
 Veteris & Novi testamenti, cap. 1, quæst. 1. *Quæstio est,*  
*inquit, quinam libri Veteris testamenti sint canonici, sive,*  
*quinam relati sint in catalogum seu canonem librorum Scripturæ*  
*Veteris testamenti.* Respondet autem: *Canon seu catalogus*  
*librorum Veteris testamenti duplex est: unus Iudaicus, qui tem-*  
*pore Esdra, seu ab ipso Esdra, vel à concilio sacerdotum, cui ipse*  
*interfuit, confectus est: — alter Christianus, qui auctoritate*  
*Innocentii primi confectus est. — Es quidem de prioribus, qui*  
*continentur in canone Iudeorum, non est disputatio. Omnes tam*  
*Iudæi quàm Christiani agnoscunt illos pro canonicis. De posteri-*  
*oribus aliqua dissensio est.* Nos pridem ostendimus, distin- Num. 6  
 ctionem illam nullo niti fundamento, imò fundamen-  
 tis rerumque indoli adversari, & canonem librorum  
 Veteris testamenti, si propriè & strictè capiat ur, à Iuda-  
 icò necesse, nec posse esse diversum. Neque caret ab-  
 surditate, canonem librorum Veteris testamenti ali-  
 quot demum seculis, ex quo antiquatum ipsum fuit,  
 confici. Num verò post extinctam Veteris testamenti  
 ecclesiam epistolâ suâ efficere potest Innocentius, ut il-  
 la olim in canone habuerit libros, quos, quum esset &  
 vigeret, in canone numquam habuit? neque enim, si  
 hoc efficere nequit, ut canonici libri Veteris testamen-  
 ti sint, efficere umquam poterit: nam ut canonici sint

Q

Vete-

Veteris testamenti, in canone tum, quum V.T. viguit, fuisse, & ab illâ ecclesiâ agnitos esse oportet. Nos quidem non magis credimus id eum efficere posse, quàm ut librum sub Ptolomæo Evergete scriptum, Salomo scripserit. Innocentius enim Salomoni *quing. libros*, & proinde etiam Ecclesiasticum, qui Siracidem auctorem habet, attribuit. Quamquam eum hic excusare potest *consuetudo*, quæ illis temporibus *obstrinuerat, ut propter eloqui nonnullam similitudinem Salomonis dicerentur*, sicut docet Augustinus xvi de civitate Dei, cap. xx; 11 de doctrinâ Christianâ cap. 119; de curâ pro mortuis cap. xv: & imitatus est ac exscripsit Isidorus Originum libro vi, cap. 11; Proœmio de libris Veteris & Novi testamenti libro 1 de officiis ecclesiasticis, cap. xxi. Innocentius etiam Maccabæorum duos libros memorat; Gelasius non nisi unum. Res ipsa igitur clamat Latinos hosce in recensendis Scripturæ libris, in distinguendis, in numero & auctoribus eorum designandis, liberius se gerere, & *axetela* non uti.

LXIV. Dicent autem sine dubio hodierni Pontificii: Romanus pontifex fuit Innocentius; è cathedrâ non sine maturâ consultatione & adhibito plurium coëpiscoporum consilio definivit; errare non potuit; definitionem ejus omnes, qui ab ecclesiâ catholicâ extorres audire nolint, amplecti & sequi oportet. At ipse Innocentius ab Exuperio Tolosano, tamquam senior à juniore, vel peritior ab imperitior consultus, *Consulenti*, inquit, *tibi pro capitu intelligentia mea, que sunt visa, respondi*. Deinde quæstio est de facto temporis præteriti, ad quod in aliud, quàm fuit quum esset, mutandum nulla se porrigit potestas. Nempe quæritur, Quinam sint canonici libri Veteris testamenti; sive quosnam

nam libros Ecclesia Veteris testamenti in canone suo habuerit. Ecclesia illa dudū defierat esse, & tempus durationis ejus jam inde à quatuor seculis præterierat: & quia præterierat, nec revocari umquam potest, ut aliter in eo se res habeat, quàm ipso illo præterito tempore habuit, ne quidem per omnipotentiam divinam præstari potest, nedum per pontificiam. Scribit autem Innocentius: *Pro capiti intelligentia mea respondi, quid sequendum vel docilis ratio persuaderet, vel auctoritas lectionis ostenderet, vel custodita series temporum demonstraret.* At si libros Ecclesiasticos, quos Canonici immiscet, hisce æquat, & parivult esse auctoritatis, responderet aliud, imò contrarium, quàm ratio persuadet, auctoritas lectionis ostendit, & custodita series temporum demonstrat. Rectum autem est, quod mox subjungit: *Mihi quoque ipsi de collatione docilitas accedit, dum perscrutatis rationibus ad proposita respondere compellor; eoque fit, ut semper aliquid addiscat, qui postulatur ut doceat.* Aut igitur ad eum, quem diximus, modum enumerat; aut manifestum errorem incurrit. Quin si aliter intelligi vult, palam est, ejus sive auctoritatem sive definitionem ab ipsis post sequutis Latinorum doctorum præstantissimis nullo loco habitam fuisse. Constat enim post illam ætatem in vestibulo Biblicorum codicum Prologos Hieronymi poni cœpisse, eosque inter præcipuum Galeatum, per quem videlicet, ut ipse loquitur Hieronymus, *scire valeamus, quidquid est extra hos in Galeato recensitos, inter apocrypha esse ponendum.* Igitur Sapia, quæ vulgò Salomonis inscribitur, & Iesu filii Sirach liber, & Judith, & Tobias, & Pastor non sunt in canone. Si tanta fuisset responsum sive constitutionum Pontificiarum auctoritas & certitudo, quantam hodie volunt esse, Bibliis præmitti o-



Vide supra  
num. 17.

Ad v. 12 &  
scqq.

Ad. 1614.

portuisset rescriptum Innocentii aut etiam Gelasii, non  
autem prologum galeatum Hieronymi. Quin Cassio-  
dorus representaturus monachis suis discrimen inter  
recensionem Hieronymi & quorundam aliorum, Au-  
gustinum tamquam inter hos eximium producit; In-  
nocentii vel Gelasii ne meminit quidem. Alfonso ta-  
men Toftatus in primum caput Matthæi: *Magis cre-  
dendum est Hieronymo, quàm Augusto, maximè ubi agitur de  
Vetere testamento & de historiis: nam in hoc ipse excessit omnes  
doctores ecclesiæ.* A multis itaque seculis unanimi quo-  
dam Latinæ ecclesiæ consensu Latinis Bibliis tum cala-  
morum tum typo descriptis, in hunc usque diem, ipsis etiã  
Romæ editis, præfigitur Prologus galeatus Hieronymi,  
sacrorum librorum volumine Biblico comprehenso-  
rum certus index & discriminator. F. Leander de S.  
Martino præfatus in splendidam Latinorum Biblio-  
rum cum Glossis & Lirano Antverpiæ curatam editi-  
onem, *Non sine gravissimis, inquit, causis consensus tempo-  
rum; imò & ipsius iam Ecclesiæ iudicium (quod in editione Va-  
riticana innuitur) voluit, ut hi Prologi Hieronymiani cum sacro  
rexu coniungerentur.* Hinc Toftatus Defensorii parte  
secundâ, cap. xxiii: *Tres gradus librorum Veteris testamen-  
ti distinguuntur à beato Hieronymo in prologò galeato. — Ista  
distinctio facta est ab Ecclesiâ universali, quæ concorditer tenet  
illam distinctionem factam à beato Hieronymo. nam ista tene-  
batur à Iudæis fidelibus ante Christi adventum, & fuit postea  
continuatâ in Ecclesiâ.* Ineptiæ igitur sunt & gerra germina-  
na, quæ scribit idem F. Leander suo ad illum proto-  
gum galeatum commentario. *Sanctus doctor, inquit,  
quum prologos istos in sacras scripturas à se conversas scribe-  
ret, nondum iudicium & decretum ecclesiæ legerat, quod ali-  
quanto post ab Innocentio Papa primo in epistola ad Exuperium  
Thol-*



*Tholosanum prodierat; quem Pontificem ad canonem consignandum movit tum Africana ecclesiæ synodalis epistola, (at synodus Africana sive Carthaginiensis epistolam, si quam scripsit, ad Bonifacium Innocentii intermedio Zosimo successorem scripsit) tum etiam ipsius Exuperii ad eum missa litera. In eo autem decreto Pontifex Sapientiam, Ecclesiasticam, Tobiam, Iudith, & Machabæorum libros sacro canonis annumerandos esse docuit. Nec dubium est, quin divus Hieronymus decreti huius auctoritatem admississet, si ipsum ei videre contigisset.*

Vide *supra*  
AUG. 78.

LXV. Ut autem manifestò constet, subsequutis ætatibus in ecclesiâ latinâ à doctoribus ejus nullo locò habitum fuisse decretum, quod faciunt, sive Innocentii sive Gelasii, sed observatum esse antiquum canonem, quem à Iudæis Christiani acceperant, & Hieronymus accuratè delineaverat; hac itaque fini posteriorum seculorum scriptores, quorum quidem testimonia haberi poterunt, iustrabimus. Gregorius Magnus, Innocentii post duo, & Gelasii post exactum unum seculum successor, Moralium libro XIX, cap. XIIII, libros Maccabæorum licet non canonicos, tamen ad adificationem ecclesiæ editos perhibet.

LXVI. Inter opera Augustini occurrunt tres libri De mirabilibus Sacræ scripturæ. Augustini quidem ingenio & eruditione inferiores sunt: negari tamen non potest antiquos esse. Prioribus duobus recensentur mirabilia ex Vetere, & tertio ex Novo testamento. Secundus ita concludit, ut dicat, *In Maccabæorum libris, etsi aliquid mirabilium numero inferendum conveniens fuisse ordini inveniatur, de hoc tamen nullâ curâ fatigabimur: quia tantum agere proposuimus, ut de divini canonis exiguam, quamvis ingenio nostri modulum excedentem, hi-*

Tomo 2.

*Historicam expositionem ex parte aliquā tangeremus.*

LXVII. Exstat etiam brevis, sed antiquus in Apocalypsin commentarius *Iudithæ*, sub nomine Victorini Pictaviensis episcopi, in quo ista: *Sunt libri Veteris testamenti viginti quatuor, quos in Epitomis Theodori invenies.*

LXIX. Carolus Magnus, aut qui ejus nomine quatuor de imaginibus libros Græcis opposuit, sub initium tertiū, ubi proponitur *Confessio fidei catholica*. à sanctis Patribus accepta: *Novum & vetus testamentum recipimus in eorum librorum numero, quem sancta, catholica ecclesia tradidit auctoritas.*

Mm. 58. LXIX. Strabus, monachus Fuldensis, natione Teutonicus, Rabani Mauri, cujus antè facta fuit mentio, auditer & scriba, sive discipulus & notarius, vir certe ipse doctissimus, & tam in divinis scripturis quàm in secularibus literis ad plenum instructus, theologus, philosophus & pœta celeberrimus, — primus Glossam, quam Magistralē sive Ordinariam vocant, super tota Biblia comportavit ex dictis sanctorum Patrum; quam alii post modum adiunctis quibusdam ampliarunt. Claruis sub Ludovico Pio & Lothario Imperatoribus circa annum Domini 1000. Ita Trithemius libris de viris illustribus Germaniæ, & de scriptoribus ecclesiasticis, Strabus igitur iste Glossā ad Hieronymi prologum galeatum, si-  
cut, ait, galeæ caput militis protegit, ut fiducialius pergat ad bellum; ita & iste titulus lectori peritiam præstat, ut valeas discernere, qui libri apud Hebræos in canone recipiantur, qui-  
ve inter apocrypha deputentur. Idem ad prologum Hieronymi in Tobiam, & verba, quemadmodum vulgò leguntur, *Librum Tobie Hebræi de catalogo divinarum scripturarum secantes, iis, quæ hagiographa memorant, manciparunt; Potius, inquit, & verius dixisset, APOCRYPHA. Vel largè accepit*  
Hagio-

*Hagiographa, quasi Sanctorum scripta: & non de numero illorum novem, qua proprie dicuntur Hagiographa, qua sunt de catalogo, hoc est, de numero XXI librorum: consistis enim in Pensatencho, & octo Prophetis, & novem Hagiographis.*

**LXX.** Ambrosius Autbertus juxta Sigebertum Libro de scriptor.  
Gemblacensem, Ansbertus juxta Trithemium, monachus & presbyter ordinis sancti Benedicti, vir in divinis scripturis studiosus & eruditus, ingenio mitis & dulcis eloquio claruit sub Arnolfo vel Arnulfo Imperatore circa annum Domini 1200. Hic libro tertio in Apocalypsin, ad locum de xxiv thronis positus juxta primarium thronum, & xxiv senioribus super eos sedentibus, post adhibitas alias expositiones, *Vel certe, inquit, quia prioris testamenti Ecclesia viginti quatuor libris usitur, quos & auctoritate canonica suscepit, in quibus etiam Novum testamentum revelatum agnoscitur, idcirco in viginti quatuor senioribus Ecclesia figuratur. Ideo enim est Novi testamenti predicatio fructuosa, quia ex Veteri roboratur: tamquam scilicet ab eisdem trahat numerum Ecclesia, quibus in sanctitate perficitur.*

*Apoc. 1. 4.*

**LXXI.** Pervenimus usque ad seculum decimum. In eo occurrit Radulfus Flaviacensis, monachus ordinis S. Benedicti (pergimus uti verbis Trithemii) vir in divinis Scripturis eruditissimus, & in omnibus literis humanis suis tempore doctissimus, ingenio subtilis, sensu profundus, eloquio dulcis, ornatus & disertus, in exponendis voluminibus sacris acutus & multisimè egregius, cujus exstant commentariorum in Leviticum libri viginti. Initio decimi quarti ista habet: *Tobias, Indith & Maccabaeorum, quamvis ad instructionem ecclesiae legantur, perfectam tamen non habent auctoritatem.*

**LXXII.** In Chronico Hirsaugiensi ad annum seculi undecimi septuagesimum septimum scribit Trithemi-

themius. Claruit his temporibus in Angliâ Giselbertus abbas  
 monasterii VVest. B. Anselmi discipulus, vir tam in divinis scri-  
 pturis quàm in secularibus egregiè doctus, qui inter cetera sui  
 ingenii monumenta scripsit contra Iudaos pulcrâ altercationis,  
 nem non ineleganti sermone. Paria habet libro de scrip-  
 toribus. Hic itaque Giselbertus sine dubio auctor est  
 Altercationis Synagogæ & Ecclesiæ, quæ Coloniae an-  
 te elapsum seculum edita introducit colloquentes  
 Christianum sub nomine Pauli & Magistri, Iudæum sub  
 personâ Gamalielis & Discipuli. Quòd antiquius sic  
 scriptum, suadere possint hæc auctoris verba: *Theologus*  
*apud Græcos Linus fuit, apud Latinos Varro. & nostri temporis*  
*Iohannes Scotus de decem categoriâ in Deum.* Iohannem  
 Scotum Erigenam ad tempora Caroli Magni refert  
 Trithemius: ad Caroli Calvi rectius Matthæus VVest-  
 monasteriensis & Gulielmus Malmesburienfis. Neque  
 constat de aliquo huius opere, quod isto modo inscri-  
 ptum. Plures itaque fuerint eo nomine Scoti, quàm  
 duo illi celebres, Erigena & Doctor subtilis. Meritò  
 etiâ recentior censi debet auctor propter verba, quæ  
 occurrunt cap. i ix. *Duplici, inquit, specie sacramentum ac-*  
*cipimus propter remedium corporis & animæ: & quum idem in*  
*utraq, sumatur specie, sufficit unam tantum speciem exhiberi*  
*multitudini. Et ne fortè periculum fiat calicis, solam panis spe-*  
*cies dari non est incongruum, ita tamen, ut nec contemptu reli-*  
*gionis, nec vitio levitatis fiat.* De suis sanè temporibus pro-  
 nunciat, *Quis Prælati nostris temporibus avidior est insti-*  
*tia quàm potentia, quum Deus ob hoc homo factus sit, ut vince-*  
*ret diabolum magis iustitiâ quàm potentiâ?* Quisquis autem  
 sit, aut quacumque vixerit ætate, testatur *Veteris testa-*  
*menti viginti duo esse volumina; & distingui in Legem, Pro-*  
*phetas & Hagiographa.*



LXXIII. Duodecimo seculo complures sese offerunt. Rupertus *monachus S. Laurentii Traiectensis* (adhibemus iterum verba Trichemii) *propter incredibilem eruditionem suam à Friderico Colonensi archiepiscopo inde assumens, & in abbatem Tuisiensis monasterii sublimatus, multa præclara opuscula composuit. Ille itaque libro tertio in Genesin, cap. xxxi, quum è libro Sapientie dictum attulisset, Verum, inquit, hæc scriptura neg. de canone est, neg. de canonicâ scripturâ sumta est sententia hæc.* Idem affirmat de libris Iudithæ & Tobie, libro xxi de divinis officiis, cap. ultimo.

LXXIV. Honorius, Augustodunensis ecclesiæ presbyter & scholasticus, multa edidit opuscula, quæ apud ipsum sub finem libri de luminaribus ecclesiæ siue scriptoribus ecclesiasticis videri poterunt. Inter ea est *Expositio totius psalterii*, in cuius procemio hæc habet: *Scriptura Veteris testamenti Spiritu sancto auctore, à prophetis scribitur, & in tria, id est, in Historiam, (rectius dixisset, in Pentateuchum Moysi) in Prophetiam, & in Hagiographiam dividitur. Historia est, quæ præterita narrat; Prophetia, quæ futura nunciat; Hagiographia, quæ æternæ vitæ gaudia tubilat. Hic liber Psalmorum in Hagiographiâ locum possidet, qui laudibus æternæ patriæ plenus refulget.*

LXXV. Petrus Mauritius, dictus Venerabilis, abbas Cluniacensis nonus, multa etiam ipse scripsit, quæ conficiunt magnam partem Bibliothecæ Cluniacensis ab Andrea Quercetano collectæ & editæ. Contra Petrobrosianos longam scripsit epistolam, quæ Tractatus titulum potest vindicare. Quinque eorum capitula refellit, inter quæ primum, quod negarent infantes baptizandos. Hoc ipsum refutaturus præmittit, *famâ vulgatum jam esse, eos maiestati Veteris ac Novi testa-*

menti, quæ iam ab antiquo totum orbem subdiderit, detrabere, si tamen, inquit, verum est. Sed quia fallaci rumorum in nostro non facile assensum præbere debeo, maxime quum quidam vos eum divinum Canonem abieciſſe affirmant, alii q. etiam ex ipſo vos ſuſcepiffe contendunt, culpæ vos de incerti non, ſed neceſſario totum Canonem, qui ab Eccleſiâ ſuſcipitur, vos ſuſcipere debere certis auctoritatibus probo. Si enim, quid omnes affirmant, Evangelium etiam tantum ſuſcipitis, neceſſario & reliqua omnia ſuſcipietis. Nec enim poteſtis Evangelio credere, & de his, quæ idem Evangelium ſuſcipitis, dubitare. Suppoſitâ igitur auctoritate canonicâ quatuor Evangelistarum, ex iis deducitur admiſſi oportere libros tum Noÿi, de quibus priore loco agit, tum Veteris teſtamenti. Omnes & ſingulos, nec alios quam qui ſunt in canone Hebræo, & in Prologo galeato enumerantur, recenſet, eorumque auctoritatem, deducti-one ex Evangeliiſ factâ, ſtabilit. Primum inter Hagiographa collocat librum Iobi, poſtremum Eſtheræ; quemadmodum etiam Hieronymus in prologo galeato. Ad hunc ultimum ubi pervenit, quid ſcribat & quomodo concludat hîc legi operæ fuerit precium. *Vltimus, inquit, in Hagiographis, hoc eſt ſancta ſcriptura libris, ſequitur liber Eſter, cui auctoritatem aliorum Hagiographorum auctoritas conſert. Si enim illi ab Hebræicâ vernaculæ originem trahentes hunc ſocium, & paræ auctoritatis, in eodem Hebræico canone habuerunt; ſequitur, quia nullo eorum librorum excepto, omnes pari modo ſuſcipi debuerunt. Sed non ſolum Chriſtianis, ſed & ipſis Iudaicis literis atteſtantiſ, omnes iuxta ſupraſcriptum ordinem libri, à libro Iob uſq. ad hunc, de quo agitur, librum Eſter, eo ſcilicet non excluſo, ſed addito, paræ auctoritatis ſunt. Igitur abſq. diſtinctione aliquâ omnes æqualiter ſuſcipi debuerunt. Quod quia ita eſt, quum Chriſtus, Apoſtoli*

*Stoli & Prophetæ auctoritatem præcedentibus, & huic libro pa-  
ribus libris, suis testimoniis dederint, indubiâ ratione cogente  
huic quoq; libro dignitatem similem contulerunt. Restant post  
hos authenticos sanctæ scripturæ libros sex non reicendi libri,  
Sapientia, Iesû filii Sirach, Tobia, Iudith, & alterq; Machabeorum  
liber. Qui etsi ad illam sublimem præcedentium dignitatem  
pervenire non potuerunt, propter laudabilem tamen & per he-  
tessariam doctrinam ab Ecclesiâ suscipi meruerunt. Super qui-  
bus vobis commendandis me laborare opus non est. Nam si Ec-  
clesiâ alienius præcipuum vobis est, eius auctoritate aliquid, sal-  
tem parum quid, à vobis suscipiendum est.*

*LXXVI. Hugo presbyter & monachus (loquimur  
iterum cum Trithemio) S. Victoris Parisiensis, ordinis cano-  
nicorum regularium Augustini, & Abbâs, ut ferunt, ibidem,  
(Priorem dicit Paulus Langius) natione Saxo. Sic etiam  
Gobelinus Cosmodromii ætate sextâ, cap. LIX: Henrici  
quinti temporibus ultimis claruit Hugo de S. Victore Parisiis,  
natione Saxo. Ad quæ verba in suâ Appendice & maxa-  
elms Henricus Meibomius, celeberrimus academix  
hujus historicus, noster olim hospes & deinde collega  
conjunctissimus, Hugo, ait, ex domo & familiâ comitum  
Blankenburgensium ad silvam Harcyniam oriundus fuit. Inve-  
nis vixit in monasterio Hamerslebiensi (altero hinc lapide)  
diœcesis Halberstadensis, quod testatur liber de arcâ animæ,  
quem monachus eius loci inscripsit. Studiorum gratiâ Parisios  
missus in monasterio S. Victoris vixit, inde nomen assequutus.  
Epitaphium eius habet Paulus Langius in Chronico Citiçensi.  
Ipsam etiam in gratiam vicinorum nostrorum, ut ad o-  
peram studiis dandam, quantam Hugo dedit, exciten-  
tur, adscribemus.*

*Conditur hoc tumulo doct̃or celeberrimus Hugo,*

*Quem brevis eximium continet urna virum.*

*Dogmate præcipuus, nulliq; secundus in orbe,  
Claruit ingenio, moribus, ore, stylo.*

Chr. Hist.

*Velut alser Augustinus doctor suo tempore celeberrimus est habitus, ait Trithemius: ac obiisse scribit anno c10 c xli; Sigfridus autem Misnensis anno c10 c xxxi-ix. Nunc quid de Canone Veteris testamenti ad posteritatem consignatum reliquerit, videamus. Libro de Scripturis & scriptoribus sacris cap. sexto, ubi eâ de re quàm maximè ex instituto agit, hæc habet: Omnis divina scriptura in duobus testamentis continetur, Veteri videlicet & Novo. — Vetus testamentum continet Legem, Prophetas & Hagiographos. Mox subjicit enumerationem librorum eandem, quam videre est in Prologo galeato. Tandem concludit, Omnes ergo sunt numero viginti duo. Sunt præterea alii quidam libri, ut Sapiencia Salomonis, liber Iesu filii Sirach, & liber Iudith, & Tobias, & libri Maccabæorum, qui leguntur quidem, sed non scribuntur in canone. Cum hisce deinde componit & comparat sanctorum Patrum scripta, id est, Hieronymi, Augustini, Ambrosii, Gregorii, Origenis, Bedæ & aliorum doctorum. Hæc, inquit, scripta Patrum in textu divinarum scripturarum non computantur, quemadmodum in Veteri testamento, ut diximus, quidam libri sunt, qui non scribuntur in canone, & tamen leguntur, ut Sapiencia Salomonis, & ceteri. Hæc autem ipsa repetuntur & leguntur Excerpti priorum libro secundo, cap. ix; Eruditionis didascalicæ libro iv, cap. ii; Speculo de mysteriis Ecclesiæ, cap. iix; Prologo in librum priorem de sacramentis fidei, cap. vii.*

LXXVII. Richardus de S. Victore, natione Scottus, Hugonis tempore claruit, & in eodem, cujus ille vel Abbas vel Prior fuit, monasterio prope Lutetiam vixit: quin eadem de numero librorum canonicorum, quæ



quæ Hugo habet, Exceptionum libro secundo, capiti  
 nono interuit. Nempe è libris Excerptum Hugon-  
 is decerpti sunt hi quatuor libri Richardi: imò dum  
 perlustro & inter se contendo, animadverto libros  
 quatuor Richardi (quos ei sanè Trithemius tribuit)  
 non esse diversos à quatuor prioribus libris Hugonis.  
 Excerptiones itaque dicendæ hæ quoque fuerint, quæ  
 hætenus Exceptiones inscribuntur. Caput autem,  
 quod utrobique vigesimum quartum est libri primi,  
 decerptum est ex Altercatione synagogæ & ecclesiæ, de  
 quâ superius dictum fuit. Observari itaque debet, Num. 71.  
 Bellarminum libro de scriptoribus, ubi de hoc Richar-  
 do, hisque Exceptionum libris agit, rem acu non te-  
 tigisse.

LXXIIX. Porro duodecimo seculo vixerunt  
 Gratianus, monachus Bononiensis, qui ex epistolis,  
 synodis & scriptis non minùs incertis & subdititiis,  
 quàm certis & genuinis Collectionem canonum, quàm  
 ipse *Concordiam discordantium canonum*, alii Decretum vo-  
 cant, confecit; & Petrus Lombardus, episcopus Pari-  
 siensis, qui propter *signum* Theologiæ è Patrum sen-  
 tentiis quatuor libris concinnatum Magister sententi-  
 arum appellatur; & Petrus presbyter ecclesiæ Trecentis, co-  
 gnomento *Comestor* sive *Manducator*, quòd *Scripturarum aucto-  
 ritates in suis sermonibus & opusculis crebrius allegaret, quasi  
 in ventrem memorie* (sic Trithemius loquitur) mandu-  
 cando reposuisset. Sicut annotat Antoninus Summæ  
 historicæ titulo XIII, cap. VI, à quibusdam *pradicatur in  
 populo, quòd hi tres solennes viri fuerunt germani ex adulterio  
 nati; & quòd mater in extremis posita propter filiorum  
 præstantiam de admissio crimine noluerit pœnitere vel  
 dolere.* Sed addit, *Hoc non reperitur authenticum.* Imò

Libro de  
script. c. 31.

Num. 46.

*non fuerunt contemporanei, et si vicini tempore: Gratianus enim fuit ante alios duos. Ceterum Petrus Comestor studens utilitari (verba sunt Henrici Gandavensis) in Theologia studentium omnes historias Veteris & Novi testamenti breviter in unam historiam, quam vocavit Scholasticam. Hinc audit Magister historię scholasticę. Quod autem animadvertit in Hieronymi prologo Iudithę præmissa pro apocryphis perperam & vitio scriptoris hagiographa legi, pridem est ostensum. Quod tamen ipsum in Tobiam præfanti non venit in mentem. Scribit itaque: Hanc historiam Iudæi inter apocrypha ponunt. Hieronymus tamen in prologo dicit INTER HAGIOGRAPHA. Quod si esset, tunc esset in tertio ordine Canonis Veteris instrumenti. Sed quia de nullo ordine est, dicimus quod Hieronymus acceperit diffusius Hagiographa, ut includerent etiam apocrypha. Quem germanum librorum Veteris testamenti canonem sive catalogum statuerit, ex his abunde liquet.*

**LXXIX.** Venimus ad seculum decimum & tertium, in quo enati Monachi mendicantes, & Doctores, quos consuevimus Scholasticos nuncupare. Quum autem Magister sententiarum catalogum librorum Sacrę scripturę nullibi texat aut proponat, atque adeo interpretibus suis Scholasticis de illo agendi occasionem nullam præbeat, ipsi quoque totam rem silentio plerumque transmittunt. Non defuerunt tamen inter eos, qui Scripturam commentariis exponerent: & in universam quidem scripserunt è familiâ Dominicanorum sive Prædicatorum Hugo, è Franciscanorum sive Minorum Liranus. Hugo primus ex illo ordine cathedram Theologiæ meruit ascendere magistralem, uti quidem memorat Henricus Gandavensis. Primus certè ex illo Cardinalis creatus est ab Innocentio quarto, qui pileum

Libro de  
script. c. 90

rubrum

rubrum Cardinalibus dedit, quo significari voluit, eos, qui in illum ordinem legerentur, paratos esse debere pro libertate ecclesiastica, id est, ut excutatur omne legitimum imperium, & enervetur sententia Apostolica, Omnis anima potestatibus supereminentibus subdita est, propriam, si opus sit, vitam morti exponere; ut scribit Onufrius Panvini-  
us libro secundo de Pontificum & Cardinalium creatione, videndus etiam Annotationibus ad Platinam, cui satis fuit dixisse, honestandi ordinis causa datum esse gale-  
rum rubrum. Barcinonensis Hispanus est Onufrio; uti etiam Trithemio. *Primus Concordantiæ Biblia invenit* juxta Antoninum Summæ historicæ titulo xix, cap. v, parag. 11. Quid de numero & canone librorum Scripturæ statuat, exponit præmio in Iosua. *Distinguunt,* ait, *Hebræi Vetus testamentum in tres ordines. Primum vo-*  
*cant Legem; secundum Prophetas; tertium Hagiographa.* Recenset deinde libros singulorum ordinum eâ planè ratione, quâ Prologus galeatus. Subjicit versiculos, quales ea tempora ferebant; quos etiam nos hîc annectimus, *Quing. libros Moïsis; Iosua, Iudicum, Samuelis;*

*Et Malachim; tres principes, his sexq. Prophetas*  
*Hebræi reliquis censet præcellere libris.*

*Quing. vocat Legem; reliquos vult esse Prophetas.*

*Post hagiographa sunt, Daniel, David, Esther, & Esdra,*  
*Iob, Paralipomenon, & tres libri Salomonis.*

*Lex vetus his libris perfectè tota tenetur.*

*Restant Apocrypha: Iesus, Sapientia, Pastor,*

*Et Machabeorum libri, Iudith, atq. Tobias.*

*Hi quia sunt dubii, sub canone non numerantur.*

*Sed quia vera canone, Ecclesia suscipit illos.*

Nempe suscipit sive recipit illos Ecclesia, non ad probationem fidei, sed ad morum instructionem. Ita mentem suam de-

am declarat in Expositione Prologi galeati, qui juxta ipsum defendit Sacram scripturam contra illos, qui inducunt apocrypha pro veris. Prooemio in Tobiam verba Petri Comestoris, paullo antè à nobis producta, sua facit.

XXC. Nicolaus Liranus ad sequens seculum pertinet. Ex Iudæo factus est Christianus. Anglicum appellat Trithemius, sed perperam. Brabantum dicere debuisset: epitaphium enim ejus in hunc habet modum: Cui veteris perhumana dabat Brabantia Lira

*Cognomen: Lira nam fuit urbe satius.*

De eo Leander de S. Martino præfatione antehac memoratâ; *Liranus à communi Ecclesia nostra hodiernæ Pontificiæ, Tridentino concilio recentioris sensu discedis in libris canonicis recensendis.* Præfatus enim in librum Tobie ab his verbis orditur: *Hac oportuit facere, & illa non omittere, Matth. XXIII.* Postquam auxiliante Deo scripsi super libros Sacre scripturæ canonicos, incipiendo à principio Genesios, & procedendo usq; ad finem Apocalypseos; de eiusdem confusus auxilio super alios intendo scribere, qui non sunt de canone: scilicet sunt isti, Liber sapientiæ, Ecclesiasticus, Iudith, Tobias, & libri Maccabæorum, secundum Hieronymum in prologo galeato. — Propter quod adsumsi verbum propositum, in quo duo possunt notari: primum est necessitas operis præcedentis, dum dicitur, *Hac oportuit facere*; secundum est utilitas operis subsequenti, dum dicitur, *Et illa non omittere*. Circa primum sciendum, quod libri Sacre scripturæ, qui canonici nuncupantur, tanta sunt auctoritatis, quod quidquid ibi continetur, verum tenetur firmiter & indiscusse; & per consequens etiam illud, quod ex hoc concluditur manifestè. Nam sicut in scripturis philosophicis veritas cognoscitur per reductionem ad prima principia per se nota; sic in scripturis à catholicis doctoribus traditis veritas cognoscitur quantum ad ea, quæ sum fide tenenda;

per re-



per reductionem ad scripturas Sacra scriptura canonicas, quæ sunt habitæ revelatione divinâ, cui nullo modo falsum potest subesse. — Circa secundum considerandum, quod libri, qui non sunt de canone, recepti sunt ab Ecclesiâ, ut ad morum informationem in eâ legantur: tamen eorum auctoritas ad probandum ea, quæ in contentionem veniunt, minùs idonea reputatur, ut dicit Hieronymus: propter quod sunt minoris efficacia, quàm libri canonici. — Et sic veritas scripta in libris canonicis prior est tempore, quantum ad plura; & dignitate quantum ad omnia, quàm sit illa, quæ scribitur in non-canonici: utilis tamen est ad directionem in viâ morum, per quam pervenitur ad regnum celorum. Ad hæc ipsa, quæ hic tradidit, exorsus in Sapientiæ librum scribere, provocat.

XXCI. Brito ex ordine Minorum expositiones prologis Biblicis Hieronymi, ut potuit & genius temporum ferebat, addidit; conjunctas antehac Glossæ ordinariæ & Postillæ Lirani, sed remotas à postremis editoribus. Liranus ipse secundo in suam Postillam prologo, quo intentionem & modum procedendi exponit, *Omissis*, inquit, *prologis à principio Geneseos incipiam*, tum quia residuum vite meæ non credo ad expositionem totius Sacra scriptura sufficere, & ideo nolui in exponendis dictis B. Hieronymi vel alterius cuiuscumq; doctōris immorari; — tum quia unus alius frater, videlicet Brito, de ordine nostro, prologos Biblicæ valde sufficienter exposuit; quod opus habetur communiter. Hic Brito itidem premit vestigia Hieronymi, ut videre est ad prologum in Iosua; & ad Galeatum, qui, ut ipse loquitur, defendit Sacram scripturam contra illos, qui inducunt apocrypha pro hagiographis. Ad prologum in Tobiam, & vocem HAGIOGRAPHÆ: *Alia litera habet APOCRYPHA, quod melius est, quia Hieronymus in Prologo galeato numerat in libris canonicis, inter quas iste non est.*

*infer; Quidquid extra hos est, inter apocrypha est computatum. Ad prologum in Iudith producit & laudat verba Magistri historiæ Scholasticæ, qui vitio scriptoris imputat, quod legatur HAGIOGRAPHIA, quum legi debeat APOCRYPHA. Ad prologum in libros Maccabæorum: Notandum, quod libri Maccabæorum non sunt de canone: leguntur tamen in ecclesiis per constitutionem Romana ecclesiæ.*

XXCII. Cæteri Scholastici, qui pari modo in Scripturam non sunt commentati, rem ex professo vix attingunt. Agnoscunt tamen aliquando discrimen. Ita docet Thomas dici posse de Samuele, quod apparuerit Sauli per revelationem divinam, secundum hoc, quod dicitur Ecclesiastici XLVI, quod dormivit, & notum fecit regi finem viæ suæ. Dici etiam posse, quod illa apparitio fuerit procurata per demones; si videlicet Ecclesiastici auctoritas non recipiatur propter hoc, quod inter canonicas scripturas apud Hebræos non habetur. Hæc Thomas Primâ, quæst. xxxix, art. iix, ad secundum.

XXCIII. Iohannes Semeca Teutonicus, Præpositus Halberstadiensis, glossâ in c. Canones, dist. xvi: Sapientia Salomonis, liber Iesu filii Sirach, qui dicitur Ecclesiasticus, & liber Iudith, & Tobia, & liber Machabæorum apocryphi dicuntur, & tamen leguntur; sed forè non generaliter. Glossam hanc tribuo Semecæ, quem dixi. Scribit enim Antoninus Summæ historiæ titulo xix, initio capituli sexti: Primus glossator Decreti seu commentator fuit Hugo seu Hugutio: secundus qui glossavit fuit Iohannes Teutonicus; & ista est glossa communis cum textu. Quam postea recensuit Bartholomæus Brixienfis. Obiit autem Semeca, nisi nos fallit inscriptio tumuli, anno cto cc xlv. Vide de eo Crantzius Saxonix libro ix, c. xxvii: juxta quem commortuus est Clementi quarto pontifici; & proinde plu-

de pluribus quàm viginti annis seriùs, ac est inscri-  
ptum tumulo.

XXCIV. Guillelmus Occam Anglus, subtilis  
Scoti discipulus, dictus honorario titulo *Venerabilis in-  
ceptor*, de quo Gabriel Biel in *Quartum*, dist. xiv, quæst.  
ii, art. ii: *Profundissimus ueritatis indagator, cuius doctri-  
nam tamquam clariorem frequentius imitor.* Is Dialogi par-  
te tertiâ, tractatu primo, libro tertio, cap. xvi scripsit,  
quæ sequuntur. *Secundum Augustinum solis scriptoribus  
Bibiæ deferendus est hic timor & honor, ut non credantur er-  
rare in aliquo: qualis timor & honor nulli deferendus est post  
ipsos. Secundum Hieronymum etiam in prologo in librum Pro-  
verbiorum, & Gregorium in Moralibus, libri Iudith, Tobia &  
Maccabeorum, Ecclesiasticus & Sapientiæ non sunt recipiendi ad  
confirmandum aliquid in fide. Dicit enim Hieronymus, sicut  
Gregorius: Iudith & Tobia & Maccabeorum libros legit qui-  
dem Ecclesia, sed inter canonicas scripturas non recipit.*

XXCV. Hervæus Natalis Brito, ordinis Prædica-  
torum Magister generalis, commentario in epistolas  
Paulinas operibus Anselmi inserto, ad Roman. ii i, i.  
*Nos credimus veras esse scripturas, quas Iudæi tradiderunt no-  
bis; & à nullâ aliâ gente libros divinæ auctoritatis recepimus.*

XXCVL. Post initium seculi decimiquinti sy-  
nodus Constantiæ habita finem accepit anno ejus se-  
culi decimo octavo, mense Aprili. Illa, quum Ecclesia  
Latina per annos fere xl diro Romanorum pontificum  
schismate laborasset, sanxit *generali concilio quemlibet*, scilicet  
*cuiuscumq; status vel dignitatis, etiam si Papalis, existat, teneri  
obædire in his, quæ pertineant ad fidem & extirpationem schis-  
matis, & reformationem Ecclesiæ Dei in capite & in membris;*  
tribus Pontificibus exauctoratis Martinum quintum  
surrogavit; decrevit etiam frequentia in posterum ge-

neralia concilia esse celebranda, ita quod primum à fine huius concilij in quinquennium immediatè sequens, secundum à fine illius in septennium, & deinceps de decennio in decennium perpetuò celebrentur. Iuxta quod decretum novus Pontifex approbante Imperatore & Concilio locum futuri concilii civitatem Papiensem deputavit. Ibi constituto tempore incoatum est concilium, sed inde certis excusis ad civitatem Senensem translatus. In quo Papæ inchoato & Senis celebrato Basileensis civitas pro celebratione proximè futuri generalis concilij post septennium celebranda fuit electa & debite assignata. Ita narratur in Tomis conciliorum, & adjicitur instrumentum sollemniter super hac re confectum. Iulianus Cardinalis epistolâ ad Eugenium quartum, operibus Aeneæ Silvii insertâ: *A fine concilij Constantiensis quinquennio elapso celebratum est Papiense vel Senense, à cuius fine elapso septennio capturn est celebrari Basileense.* Quid Papiæ vel Senis tractatum, nulla acta restantur. Agendum autem erat de reformatione, à quâ sibi Pontifex & Curia, exemplo præsertim Constantensi nupero territi, malè metuebant. Qui scandalizabantur deformitate cleri, dicebant, *Fuimus delusi in concilio Senensi.* Ita enim in epistolis ad Eugenium loquitur Iulianus Cardinalis, primum à Martino, deinde post huius obitum ab Eugenio ipso designatus, qui in concilio Pontificis locum suppleret & præsideret. Nihilominus vix incoatum emissâ Bullâ dissolvere conatur Eugenius. Patres contrâ niti, & negare tantam potestatem Pontifici in concilium competere; quin potius Concilio jus esse in refractarium Pontificem. Deponent igitur Eugenium, & Amedeum Sabaudia ducem, Felicis quarti titulo auctum, substituunt. Interea animam agebat Constantinopolitanum imperium, Turcarum



carum viribus impar, & subsidiarias occidentis opes anxie respectabat. Tenebatur Eugenius desiderio evadendi molestias à Basileensibus illatas, & subjiendi suo dominatui ecclesiam Græcam. Invitat igitur, ut unionis faciendæ ergo in Italiam ad concilium Ferrariæ indicendum veniant. Obsequuntur illi, veniuntque Imperator Iohannes Palæologus, Iosephus patriarcha, & non pauci episcopi.

XXCVII. Antoninus *ᾠγγοῦ* & Summæ historicæ titulo xxii, initio cap. xi rem in hunc modum describit: Patriarcha, & Imperator cum fratre suo, & magno comitatu numero ferè quingentorum Constantinopoli se moventes, Venetias applicuerunt. Ibi percipientes Concilium generale Basilea congregatum dissentire ab Eugenio, aliquandiu subsederunt animo suspensi de loco accessus sui: nec enim congregati Basilea post dissolutionem & irrationem factam Concilii per Eugenium desistebant à prosecutione incepti: sed sollicitè invizabant Græcos Basileam ad Concilium id accedere. Prævaluit tamen auctoritas Eugenii cum suasionibus plurimorum, ut ad præsentiam suam se conferrent. E Græcis Georgius Phranza itidem *ᾠγγοῦ* & huc facientia narrat Chronici sui libro ii, cap. xiii & seqq. Laonicus autem Chalcocondylas interprete Conrado Clausero Tigurino in hunc modum: Iohannes Græcorum rex legatos ire iubet ad Romanum pontificem Eugenium, petentes ut concilium celebraretur, quod inter utroq; religionis contentionem decenter componerent: — Legati in Germaniam venerunt. Eâ tempestate Germani Basilea erant congregati, dissidentes sententiis contra Eugenium Pontificem: quem reprobantes, creaverunt Pontificem nomine Felicem, virum inter ipsos in primis spectata probitatis. Hunc concilii consensu Pontificem declararunt. Ambo igitur Pontifices tiremes instruunt, & Ioannem Byzantii regem accersiebant.

*Uterq; enim sub se concilium agitari, & religionis controversiam, qua cum Gracis intercesserat, finiri volebat. Quum ab utroq; venisset triremes, rex quidem benignis verbis & placide concilii Basileensis legationem dimittebat; dicens, se cum Romanis & Venetis, & cum reliqua Italia iam ante colloquantum, qui omnes se Romam proficisci iubeant. Assumens itaq; Byzantii sacerdotes, & Græcorum sapientissimos & doctissimos, navigabat in Italiam. Quoniam in rem accuratius inquirimus, audiamus etiam Sabellicum. Fuerat, ait, id negotium per legatos motum, Martino adhuc sedente. Tentavit Basileense concilium Palaologum magnis sollicitationibus pellectum ad se trahere, ut res Basileæ incoacta maioris esset ponderis: paratæq; fuerant naves in Narbonensi Gallia apud Massiliam, quæ cum ex Graciâ deportarent: sed Eugenii auctoritatem maluit ille sequi. Ex sanè è viciniore Italia præsentius auxilium sperari poterat, quàm aliunde. Exstat etiam epistola Georgii Trapezuntii, Romæ tunc degentis, quæ Imperatorem hortatur, ut posthabitâ Germaniâ & Galliâ in Italiam veniat. Sed pergat Sabellicus, compendio rem enarrans. Veneti, qui eius concordia erant cupidissimi, naves egregie structas dedere, quibus Palaologus est in Italiam advectus. Foscarius princeps eum venientem honorificentissimè excepit. Ex Venetiis Imperator Ferrariam processit, quò Pontifex ex Bononiâ se consulerat. Ferrariæ fuerunt habitæ sessiones XVI; Florentiæ, quò propter ingruentem pestem transibatur, novem: in quibus omnibus nihil fere actum, nisi quòd de adjectione vculæ FILIOQVE ad symbolum, & de processione Sancti spiritus operosè aut contentiosè disputatum. Interea Græcos suprema urgebant pericula. Dum enim procul domo aberat Imperator, Amurates missis copiis Constantinopolin oppugnare constituit; id quod omnes consilarii eius pro recto confirmabant &*  
appro-

approbant, uno Halimbassa excepto. Mittunt proceres in Italiam, qui Imperatori indicium faciant. Interea anticipantes cogitationes & fluctus curarum ingentes Constantinopoli, dum sciremus, ait Phranza, quid consilium Halimbassa promississet. Sanè Georgius Scholarius populares suos ad in eundam unionem enixè & prolixè cohortatus (exstant scripta & orationes inter Acta synodi) his utitur verbis: *Neg, Latinorum neg, Barbarorum quisquam ignorat, τῶν τῶν ἀρτίων ἐν ὁμοίᾳ τῶν τῶν Βονητίας ἐν αὐτῇ ἐκπύδα*, primariam unionis causam esse spem auxilii, quodq; nulla alia salutis via nobis supersit. — Comprehendite animis vestris quod precipuum est, quanta sit presentis magnitudo periculi, in quo versamur. Auditis enim Barbarum maximis copiis terrâ mariq; comparatis bellum contra nostram urbem instruere, fortasse etiam antequam certus ad nos nuncius allatus sit, illam obsidet, aut quamprimum obsidebit. Eam porrò scitis omnes, si non adsit adventitium subsidium, ἄνευ τῆς ἐξ ὧν ἐρρύμαχας, ne primum quidem impetum hostis lasuram.

XXCIIIX. Hæc de synodo Florentinâ, quam qui Græcorum admittèrent, Octavam vocabant, plenius & accuratius aliquanto innotescere certis de causis volumus. Post diuturnas itaq; sed irritas de aucto symbolo & processione Sancti Spiritus altercationes, tandem, quasi ex abrupto, de pluribus, quàm de quibus disputatum hætenus fuerat, convénit. In literis unionis ab Eugenio promulgatis declaratur consensus de processione Spiritus à Patre, Filioq; & adiectione ultimæ hujus voculæ ad symbolum factâ; item de Purgatorio, & animabus post purgationem Deum videntibus; denique de primatu Romani pontificis. Hæc tria sunt capita, quibus unio, quamquam minimè durabilis, innixa. Hæc literas quum recitasset Antoninus,  
qui

qui nonnullis habitis disputationibus præsentem se fuisse testatur, subjicit: *Errant Græci in tribus communiter. Primo, quòd Spiritus sanctus procederet à Patre, sed non à Filio. Secundo, quòd non erit purgatorium post hanc vitam. Tertiò, quòd Ecclesia Orientalis & Constantinopolitana non esset sub Ecclesiâ Romanâ, nec Patriarcha Constantinopolis anus esset inferior Romano pontifice. Horum quodlibet est hæreticum. In aliis ritibus suis, qui non important hæresim ( licet rationabiliores sint ritus Ecclesiæ Occidentalis seu Romanæ ) fuerunt permissi manere, sicut quòd celebrent in fermentato; quòd baptizent in aliâ formâ quàm nos, videlicet, Baptizetur servus Dei N. in nomine Patris, & Filij, & Spiritus sancti, Amen. Item quòd ordinati in sacris utantur matrimonio contracto ante susceptionem ipsorum ordinum sacrorum. Item quòd nusrient barbam. Item quia deest sacramentum Eucharistia sub utraq, specie omnibus, etiam parvulis, & multa alia.*

XXCIX. Dum hæc gerebantur (atteximus narrationem Aëtis insertam) Armeniorum patriarcha legati, viri sanè viriute plurimâ præditi, ad synodum ipsam venerunt, & summum pontificem venerati fuerunt, nec non Imperatorem salutaverunt, dicentes se suamq, ecclesiam cum catholicâ coniungi, ac ipsum synodi decretum piè servare velle; qui quidem benignissimè suscepti vehementissimèq, laudati, ac magno honore affecti, unâ cum Græcis Florentiâ discesserunt. Exstat interim Aëtis immixta sub Eugenii nomine Instructio Armeniorum, septem sacramenta secundum ritus Romanos & alia præscribens. Data est anno cto cccc xxxix, x Kal. Decemb. At Græci, qui superiore anno, mense Febuario in Italiam venerant, hoc anno, mense Julio discesserunt. Videtur igitur Eugenius istâ confectâ Instruptione animo suo magis morem gessisse, quàm Armeniis quidquam, quod observaturi ipsi essent, præscripsit.



scripſiſſe. Auctor *Compendioſe ſeſſionum ſynodalium deſcrip-  
tionis*, quæ in ultimâ Binianâ editione legitur, annotat  
Græcos & Armenios Florentiâ diſceſſiſſe anno Domini  
c10 cccc xxxix, circa diem menſis Julii vigefimum ſecundum  
vel tertium. Per illam autem Eugenianam Inſtruccio-  
nem in anguſtias conjeſtus, *Necceſſario*, inquit, colligitur  
Græcos & Armenios hucufq; Florentiæ permariſſe; vel, quod  
probabilius eſt, eandem ſynodum paſt abſum Græcorum & Ar-  
menorum aliquot ſeſſionibus, quarum acta nulla exſtent, conti-  
nuatam; vel ſaltem aliam quandam, ab hac œcumenicâ ſynodo  
diſverſam, eodem anno c10 cccc xxxix, decimo Kal. Decemb.  
quo die ſcripta habetur prædicta Eugenii ſynodica epiſtola, cele-  
bratam fuiſſe.

**X C.** Majori adhuc difficultati obnoxium eſt,  
quum Inſtructio iſta, uti in Tomis conciliorum legitur,  
non niſi octo capita contineat, quòd tamen in Summâ,  
quam Bartholomæus Carranza confecit, & Franciſcus  
Longus Coriolanus ſequitur, decem numerantur, &  
quidem ita, ut poſtrema duo, quæ in Tomis exſtant, om-  
mittantur, & tria alia planè diſverſa (nam nonum hic  
quoque deſideratur) ſubſtituantur. Neque enim in  
Breviariis vel Summis occurrere ſolet, quod ab amplis  
& vaſtis voluminibus (qualia ſunt editiones Surianæ;  
Veneta auſpiciis Sixti quinti, ut titulus habet, emiſſa;  
Vaticana; utraque Biniana: in quibus omnibus nihil  
tale apparet) abeſt. Septimum autem caput in Summâ  
Carranzæ (unde etiam Becanus accerſit, & non è To-  
mis) hoc eſt: *Vnum atq; eundem Deum, Veteris ac Novi te-  
ſtamenti, hoc eſt Legis & Prophetarum atq; Evangelii profite-  
mur auctorem, quoniam eodem ſpiritu inſpirante, utriuſq; teſta-  
menti ſancti loquuti ſunt, quorum libros ſuſcipit & veneratur  
Eccleſia; qui ſæculū ſequentibus continentur.* Sequitur au-

Manuali  
controv.

tem catalogus laxior, qualem etiam ab Augustino proponi pridem diximus: Neque quidquam obstat, quin pari modo & sensu capiatur. Quamquam hæc ipsa, quæ attulimus, in magno dubio relinquunt, num talem Eugenius umquam proposuerit: Si proposuit, videri possit corrigere, voluisse priscam & communem Græcorum sententiam. Quamquam ne id quidem necessarium foret affirmari. Ipsa verò Florentina synodus, ut ex dictis patuit, ne quidem Latinorum respectu generalis haberi potuit. Magna enim eorum pars Basileæ congregata Eugenium damnabat. Neque ferè concilio ex occidentalibus alii, quàm meri Itali, subscribunt. Constitutum quidem fuerat spacium temporis quadrimestris, intra quod à Basileâ & ex aliis occidentis partibus invitati adessent: sed, & quum elapsa tempore, nec

*Basileâ quisquam, nec aliquis alius Italus, nedum Gallus aut Germanus, veniret, dixit Eugenius: Vbi ego & Imperator Græcus (Latini, qui tunc Albertus secundus erat, defuncti Sigismundi gener, nulla habetur ratio) ac Patriarcha sumus, ibi Christianorum omnium synodus esse creditur. Sed credat Iudeus Apella, non ego. Erant tunc duo ænomenica concilia, scribit Iacobus Meyerus in Annalibus*

*Flandricis, Basileense & Florentinam, quæ adeo nihil habebant concordie, ut utrumque alterum schismaticum, diabolicum, synagogamque Satana nominaret. Interim Teutonici, ut memorat Antoninus, sequestrantes se ab utroque & Eugenio & Felice, constituerunt se neutrales. Neutrum igitur, & proinde nullum agnoverunt Pontificem: nec tamen propterea credendum fuerit Ecclesiam Teutonicam interiisse. Sed quidquid sit de pontificatu, vel de concilio, vel de sententiâ Eugenii, si vel maximè voluit & desinivit, libros, quos recenset, omnes stricte & propriè*

canoni-

Acta ante  
scissionem, l.

Libro 16.

Tit 22, c. 11,  
§ 12.

cānonicos parique auctoritatis esse, Latinorum tamen  
præstantissimi, cum qui circa ea tempora vixerunt, tum  
qui post fuerunt, non majoris hanc ejus fecerunt defi-  
nitionem, quàm Græci Decretum unionis. Nam Græ-  
ci, ut Chalcocondylas scribit, domum reversi, non ampli-  
us his, quæ convenerant in Italiâ, stare voluerunt: verum ap-  
prehendentes sententiâ diversam, noluerunt amplius in reli-  
gionis negotio adherere Romanis.

Libro 6.

XCI. Sed de Latinis, quod diximus, nunc osten-  
damus. Antoninus, quem divis Romanis adscripsit  
Hadrianus sextus, quum haberetur Florentiæ concili-  
um, disputationibus aliquando interfuit, ut de se ipse  
met testatur; postea istius urbis creatus est archiepisco-  
pus. Nostram rem tangit Summæ theologicæ parte III,  
tit. XIX, cap. VI, parag. I. Verba, quibus opus est, sub-  
jicimus. *Hebræi secundum Hieronymum in prologo galeati li-  
brorum Veteris testamenti quatuor faciunt partes. Et primam  
appellat Legem: — secundam Prophetas: — tertiam Hagiogra-  
pha: — quartam, quam tamen non ponunt ipsi Hebræi in cano-  
ne Scripturarum sanctarum, sed appellant Apocrypha faciunt de  
aliis quinq. libris, scilicet sunt Sapientia, Ecclesiasticus, Indish,  
Tobias, & liber Machabeorum distinctus in duos libros. Unde  
& de his quinq. libris dicit Hieronymus in prologo super Indish,  
quod auctoritas eorum ad roboranda illa, quæ in contentione  
veniunt, minus idonea iudicatur. — Et idem etiam dicit Tho-  
mas Secundæ secundæ (in hunc Thomæ locum fateor me  
nondum incidisse) & Nicolaus de Lirâ super Tobiam, scilicet  
quod isti non sunt tanta auctoritatis, quod ex dictis eorum possit  
efficaciter argumentari in his, quæ sunt fidei, sicut ex aliis libris  
Scripturæ sacræ. Unde fortè habent auctoritatem talem, qualem  
habent dicta sanctorum doctorum approbata ab Ecclesiâ. Hæc  
Antoninus.*

Quæst. 18.

**XCII.** Huic coartatus Alphonſus Toſtatus, vir ſui ævi maximus. Quid ſtatuat, audivimus ſuprà num. **cxiv.** Sed ut certiùs de ſententiâ tanti viri conſtet, hîc eam uberius proponemus. Commentario quidem in Prologum galeatum de libro Sapientiæ in hunc modum loquitur: *Nos tamen Eccleſia auctoritate inter libros authenticos illum ſuſcepimus, atq; in eccleſiâ ſuis temporibus legimus.* De Eccleſiaſtico: *Iſtum librum quamquam Iudæi nunquam habuerint in canone Scripturarum, Eccleſia tamen ſuſcipit atq; legit.* De libro Iudith: *Hæc ſunt vera ſecundum Hebræos.* Apud nos ſecus eſt. nam liber Iudith inter authenticos libros receptus eſt, quum approbaverit illum Eccleſia in ſynodo Nicenâ, & receperit in numero ſacrarum ſcripturarum, ut ait Hieronymus in prologo ſuper Iudith: alioquin enim Eccleſia non legeret illum in divinis miniſteriis. De libro Tobie: *Quum dicitur hîc, quod non eſt Tobias in canone, intelligendum eſt ſecundum Hebræos, & tamen Eccleſia ſuſcepit eum in canone ſuo, quum legat eum in divinis miniſteriis.* Et paullo poſt: *Etiâ libri Maccabæorum recipiuntur ab Eccleſiâ tamquam authenticæ.* Sic ibi quidem ille: ubi tamen manifeſtò patet, & ab ipſo ſapiculè inculcatur, authenticum ei eſſe, quod in Eccleſiâ legatur & legi rectè poſſit.

Quæſt. 19.

**XCII.** Longè autem illuſtriùs tum ſuam tum Latinæ eccleſiæ ſententiâ explicat vir eximius Præfatione in Matthæum, cujus quæſtione primâ ita legimus: *Computatio noſtra communis eſt, quod computentur omnes libri, quorquor Eccleſia legit & ſuſcipit, cuiuſcunq; ordinis vel canonis ſint, etiamſi apud Iudæos in apocryphorum numero deputentur.* Quæſtione ſecundâ: *Alii ſunt libri, qui licet ab Eccleſiâ teneantur, in canone tamen non ponuntur, quia non adhibet illis Eccleſiâ hanc fidem, nempe quod auctores eorum ſcripſerint dictante Spiritu ſancto, atq; adeo errare nequiverint:*



verint: nec iubet illos regulariter legi aut recipi, & non recipientes non iudicat inobedientes aut infideles. Hoc autem est propter duo. Primo, quia Ecclesia non est certa de auctoribus eorum: imò nescit, an Spiritu sancto inspirati scriptores eorum dicant verum eos. Secundo, quia Ecclesia non est certa circa tales libros, an illa id, quod habuerunt à propriis auctoribus, hæretici aliquid misuerint vel subtraxerint. Tales autem libros Ecclesia recipit, permittens eos singulis fidelibus legere: ipsa quoque, in officiis suis illos legis propter multa de vasa, quæ in illis habentur: neminem tamen obligat ad necessario credendum id, quod ibi habetur: sicut est de libro Sapientie Salomonis, & de Ecclesiastico, & de libro Macchabeorum, & de Iudith, & de Tobia. Isti enim licet à Christianis recipiantur, & probatio ex eis sumpta sit aliquantulum efficax, quia Ecclesia istos libros tenet: contra hæreticos tamen, aut Hebræos, ad probandum ea, quæ in dubium veniunt, non sunt efficaces. Quæstione tertiâ: Libri dicuntur apocryphi dupliciter. Vno modo, quia non constat de eorum scriptoribus, an Spiritu sancto dictante scripserint, & etiam non constat de omnibus, quæ in eis habentur, an vera sint. Non est tamen in eis aliquid, quod manifestè falsum sit, vel quod valde suspectum sit de falsitate. Alio modo dicuntur libri apocryphi, de quarum auctoribus non constat, an à Deo sine inspiratione, & in super multa, quæ habentur in ipsis libris, vel sunt manifestè falsa, vel de errore valde suspecta. Accipiendo primo modo libros apocryphos, Scriptura non ponit illos in canone librorum suorum, ita ut debeat illis fides ex necessitate adhiberi: permittit tamen volentibus legere, quod legant, quia non videtur inde sequi aliquod inconueniens: ipsa quoque, Ecclesia illos legit. Accipiendo secundo modo apocryphos libros, non solum Ecclesia non ponit illos in canone, imò nec aliquo modo ponit eos cum libris suis, nec legit, nec legentibus faver: licet non omnino prohibeat. Annunciat tamen illos libros esse suspectos valde de falso, ut caveant quan-

dolegerint, & videant quibus fidem adhibeant. Primum modum sunt apocryphi libri quidam, qui ponuntur extra canonem veteris testamenti, computantur tamen inter libros Sacra scriptura, scilicet liber Sapiensia, & Ecclesiasticus, & Iudith, & Tobias, & libri Machabeorum: de auctoribus enim horum non constat Ecclesia, an Spiritus sancto dicta nec scripserint: non tamen reperit in eis aliquod falsum, aut valde suspectum de falsitate, sed potius in eis est doctrina copiosa, sancta & devota: ideo Ecclesia legit illos, & computat inter libros suos. Sic dicit Hieronymus in prologo super Iudith, quod liber Iudith, qui est de apocryphis, ab Ecclesia recipitur, quia Synodus Nicæna legitur eum inter libros sacra Scriptura computasse.

XCIV. Post Antoninum & Tostatum eodem seculo vixit Dionysius Carthusianus, qui titulum Doctoris ecclastici meruit, in universa Biblia commentatus, & mole editorum voluminum, quæ tamen descriptionis aliorum sententiis stipare solet, admirandus. Ille igitur Enarratione in Genesin, art. quarto, vestigiis Hieronymi inhaeret, quum scribit: Sicut in prologo super libros Regum sanctus ait Hieronymus, viginti duo sunt libri Veteris testamenti. Hebraei enim dividunt scripturam Veteris testamenti in tria, hoc est, in Legem, in Prophetas, & in Hagiographa. Cætera nihil opus est adscribi.

XCV. Devenimus tandem ad seculum xvi. Sub initium ejus occurrit ille, qui in Biblia cum Postillâ Lirani junctisque Glossis ordinariâ & interlineari Basilæ anno c1515vi edita præfatus est; cujus etiam superius facta fuit mentio. Præfationem, quam diximus, ita orditur: Quoniam sunt multi, qui ex eo, quod non multam operam dant Sacra scriptura, existimant omnes libros, qui in Biblia continentur, pari veneratione esse reverendos atq; adorandos, nescientes distinguere inter libros canonicos & non cano-

nicos,

nicos, quos Hebraei inter apostyphe computant; unde saepe coram docto radicali videntur, & perturbantur scandalizanturq; quam audire aliquā non paricum casu omnibus veneratione prosequi aliquid, quod in Bibliā legatur: ideo hic distinctim & distincte numeravimus, primò libros canonicos; & postea non canonicos; inter quos tantum distat, quantum inter centum & dubium. Nam canonici sunt confecti Spiritu sancto dictante: non canonici autem sive apocryphi, nescitur quo tempore quibusve auctoribus sint edisi. Quia tamen, valde boni & utiles sunt, nihil in eis, quod canonicis obviet, invenitur; ideo Ecclesia eos legit & permittit, ut ad derivationem & ad morum informationem à fidelibus legantur. Eorum tamen auctoritas ad probandum ea, quæ veniunt in dubium, aut in contentione, & ad confirmandam ecclesiasticorum dogmatum auctoritatem, non reputatur idonea; prout dicit beatus Hieronymus in prologo sui per Iudith, & super libros Salomonis. At libri canonici tanta sunt auctoritatis, quod quicquid ibi continetur, verum tenet firmiter & indiscusse. Describit deinde nonnulla ex Lirano, antea nobis audita; sequuntur etiam alia de voce HAGIOGRAPHIA Hieronymo in vicem vocis APOCRYPHA scriptoris vitio inferta, pridem producta.

Num, 16

XCVI. Sequitur Franciscus (ita vocari voluit, ex quo Franciscanæ familiæ nomen dedit, antea Gonzalus dictus) Ximenius Cisnerius, è monacho archiepiscopus Toletanus, regnorum Castellæ archicancellarius, & Cardinalis; cuius vitam & res gestas octo libris descripsit Alvarus Gomecius. Hujus studio & impensis, quæ ad summam quinquaginta milium, & amplius, aurorum adscenderunt, debentur insignia & celebria Complutensia Biblia. Duravit, ait Gomecius, ab anno 1511 annos continuos plus minus quindecim de sacris Bibliis edendis cura, ut penè cum Ximenij vitæ finem quoque, edurio

Libro 2.

susce-

susceperit. Prodiit itaque post ejus obitum, qui in annum seculi *xvi* *1*; *vi* Eid. Novembris incidit, ex auctoritate & consensu Leonis decimi pontificis, *motu proprio & ex certa scientiâ opus comprobantâ, & ut tale in lucem per doctorum & aliorum manus liberè de cætero venire possit, concedentis.* Inscripserat verò Leoni ipse Ximenius: præfatus autem lectorem instruit, quòd *Pentateuchus triplicem linguam habeat, Hebraicam videlicet, Chaldaicam & Græcam, cum singularum interpretationibus Latinis; Hagiographi & Prophetæales duplicem, Hebræam & Græcam cum duabus correspondentibus Latinis. At verò, inquit, libri extra canonem, quos Ecclesia potius ad ædificationem populi, quàm ad auctoritatem ecclesiasticorum dogmatum confirmandam recipit, Græcam tantum habent scripturam, sed cum duplici latinâ interpretatione, alterâ B. Hieronymi, alterâ interlineari de verbo ad verbum.*

*XCVII.* Cardinali Cardinalem jungamus. Thomas ( ante monachatum Iacobus ) de Vio Cajetanus commentarium suum in Ecclesiasten his verbis claudit: *Sic finitur Ecclesiastes cum omnibus Salomonis & Sapientia libris. — Reliquos autem, qui vocantur libri sapientiales, quoniam Hieronymus extra canonicos ad auctoritatem fidei supputat, omittendos duximus, ad Prophetarum oracula properantes.* Ita scripsit Romæ anno *cis* *15* *xxxiv*, die *xxii* *1* Iunii. Post exactum autem mensem, die *x* Augusti, rebus humanis excessit, quum jam ad Prophetas se contulisset, ultra tertium Iesaiæ caput non progressus; destinatus votis omnium, si oratori, qui cum laudavit, credimus, Pontificatui, paullò mox per obitum Clementis septimi vacaturo.

*XCIIIX.* Iodocus Clichtoveus ad Damasceni librum *iv*, cap. *xix* ista habet. *Non modò hi duo libri Sapientia*



piencia & Ecclesiasticus non numerati sunt in cabone sacra-  
rum librorum, sed etiam Tobias, Iudith, & Maccabaeorum à nu-  
mero canonicorum voluminum veteris instrumenti sunt exclusi,  
quemadmodum in prologo librorum Salomonis testatur Hiero-  
nymus.

XCIX. Iohannes Driedo Theologus Lovanien-  
sis libros quatuor de Ecclesiasticis scripturis & dogma-  
tibus Iohanni tertio Lulitaniæ regi dedicavit anno  
C15 15 XXXIII. Primo tractat de canone sive catalogo  
librorum Sacræ scripturæ: cuius capite secundo pro-  
ponit quasdam, ut ipse vocat, *difficultates*, solvitque ca-  
pite quarto. Inter eas tertia, quòd Ildorus videatur  
pugnare cum Hieronymo: deinde cur in prologo galeato  
Hieronymus libros Iudith & Tobie inter apocrypha numeret,  
quos tamen in prologo super Iudith & Tobiam definiat apud He-  
braeos inter hagiographa numerari, & nihilominus de canone  
sacrarum literarum esse separatos. Solvit autem juxta sen-  
tentiam Magistri historiæ scholasticæ, pridem exposi-  
tam. Quòd si non placeat, inquit, mendosum esse codicem, di-  
cemus duplicia esse apud Hebraeos Hagiographa, sicut & diximus  
duplicia esse apocrypha. Hagiographa, id est, sanctorum scripta,  
quædam sunt, quorum auctoritas idonea est ad corroborandum  
ea, quæ sunt fidei. Huius generis sunt Hagiographa in canone  
Bibiæ. Alia verò sunt Hagiographa, id est, sancta, vel sancto-  
rum scripta, quorum auctoritas ad assertiones fidei corroboran-  
das non sic est idonea, quamvis habeantur vera & sancta, sicut  
post canonem novi testamenti editum habentur Hieronymi, Au-  
gustini scripta, quæ vocantur Hagiographa. Et huius generis  
apud Hebraeos sunt historia Iudith, & Tobie, etiam Ecclesiasti-  
cus, & Machabaeorum primus: quos sanè libros quamvis habe-  
ant & legant, non tamen inter canonicos libros connumerant,  
sed inter Apocrypha, non quòd falsa sint, sed quòd tales sint, quo-

*rum occulta origo non claruit toti eorum Synagoga. Tertium autem & quartum Esdra, secundum Machabaeorum, triumque veterum hymnorum, Susanna, ac Belus draconis, historias, (fabulas appellat Hieronymus) aut non habens, aut prorsus ratiunculae & confectas tradunt. — Ecclesia tamen Christiana propter auctoritatem veterum quorundam sanctorum, qui leguntur esse fuisse testimonius ex huiusmodi historiis, easdem pia fide legit, & non prorsus reiecit, non contemnit, tamen si non pari auctoritate recipiat illos cum scripturis canonicis.*

C. Haec itaque discrimen inter libros canonicos propriè dictos & ecclesiasticos, juxta ductum Prologi galeati, in ecclesiâ occidentis & à doctoribus Latinis accuratè observatum. Ex quo autem reformatio ecclesiae dudum desiderata per peculiarem numinis providentiam, occasione Indulgentiarum jussu vel permissu Leonis decimi nimis sive imprudenter sive impudenter deprædicatarum, in Germaniâ coepit; & quòd eam Pontifex non admitteret, sed diris prosequeretur, schisma exortum est: ex eo à plerisque judicatum fuit, vulneri medicinam rectius fieri non posse, quàm per generalem occidentalis ecclesiae synodum, Qualem tamen Pontifices, nisi in Laterano aut ita celebretur, ut totam in suâ potestate habeant, ægerrimè admittunt. Leoni decimo successit Hadrianus sextus, Ultrajecto oriundus, Caroli quinti quondam præceptor, cujus loco Hispaniæ tunc præerat; è quâ Romam profectus inde ad comitia, quæ Norimbergæ celebrabantur, nuncium misit Franciscum Cheregatum, episcopum Fabrianensem, per eum ingenuè confessus: *Scimus in hac sanctâ sede, aliquot iam annis, multa abominanda fuisse, abusus in spiritualibus, excessus in mandatis, & omnia denique in perversum mutata. Nec mirum, si agerudo à capite*

capite in membra, à summis pontificibus in alios inferiores praelatos descenderis. Omnes nos, id est, praelati & ecclesiastici, declinavimus, unusquisque in vias suas, nec fuit iam dum, qui faceret bonum, non fuit usque ad unum. Principes & præceres imperii respondent, videri sibi (ut ait verbis Sleidani) non aliam esse commodiorem viam hac omnia sanandi, quam per pium liberumque conciliam, quod ipse & Casar, præcipui orbis Christiani magistratus, facile possent in aliquâ Germania civitate cogere, Moguntia videlicet, vel Argentorati, vel Meti, vel Colonia: fore etiam ex utilitate republica, si primo quoque tempore, & ad summum, intra annum eius fiat initium: sed hac lege tamen & conditione, ut omnes pariter qui intererunt, cuiuscumque sint ordinis, datâ fide per iusturandam promittant, quidquid ad gloriam Dei & ad salutarem reipublica constitutionem pertinere videbitur, ut id absque dissimulatione & libere pronuncient. Sed Hadrianus post paucos menses obiit. Successor Clementis septimus, cujus paullo antè facta fuit mentio, necessitatem habendi concilii, etiam si ab Imperatore Carolo quinto acriter urgeretur, quamdiu tamen vixit, declinavit. At qui Clementem sequutus est Paulus tertius, quum declinare diutius non posset, id omni studio egit, ut in Italiâ haberetur. Mantuam primò designavit; deinde Vicentiam, urbem ditionis Venetæ: sed quum neutram alieno arbitrio domini earum temerè permetterent, ad hanc etiam, quamvis adessent Pontificii Legati, nemo accederet, res successu caruit, Pontifice non admodum refragante. Tandem post varias prorogationes & suspensiones delectum est Tridentum, modicum in confinibus Germaniæ & Italiæ oppidum, capiendæ hominum multitudini haut adeo commodum. Bulla, quâ culpam synodi hætenus dilata Principi Mantuæ urbem suam non nisi sub certis conditio-

nibus permittenti, Turcarum irruptionibus, & dissi-  
diis bellisque Caroli Imperatoris & Francisci regis Gal-  
lie imputat, & concilium ad proximas Kalendas No-  
vembbris indicit, data est xi Kal. lunii, anno cix ix xlv i.  
Cæterum Germanis Protestantibus, quorum res potis-  
simùm agebatur, alibi quàm in Germaniâ haberi con-  
cilium, quod planè liberum cupiebant esse, minimè  
probabatur: nec ferre poterant Pontificem, à quo fu-  
issent ipsi multis præjudiciis, tamquam hæretici, pri-  
dem condemnati, & quem plurimorum criminum re-  
um acturi essent, præcipuè verò accusaturi, quòd prin-  
cipatum in universam ecclesiam ex jure divino & insti-  
tuto Christi, multaque huic hypothese annexa, falsò &  
fraudulenter sibi arroget, concilium moderari, & in  
propriâ causâ judicem sedere. Protestabantur itaque  
se tale concilium, à Pontifice indictum & gubernan-  
dum, pro liberò & legitimo nec agnoscere, nec um-  
quam agnituros. Certè, ut eventus docuit, nihil in eo  
proponi potuit, nisi quod proponi vellent Legati, qui  
nomine Pontificis præsiderent; nihil decideri vel defini-  
ri, nisi quod prius Romæ pontifici probatum. Porro  
ne diutius, quàm è re esset Pontificis, synodus coiret,  
potestas facta Legatis eam aliò transferendi, atque adeo  
abrumpendi. *Quo arcano, ut notat Petrus Suavis, omnem  
deliberationem Curie Romana studiis adversam facile erat in-  
terurbare. Concedimus vobis, ait Paulus tertius Bul-  
lâ iix Kal. Mart. anno cix ix xlv datâ, plenam & li-  
beram potestatem & facultatem, quando cumq; vobis videbitur,  
concilium de civitate Tridentinâ ad quamcumq; aliam commodi-  
orem & opportuniorem seu tutiorem, de quâ vobis etiam vide-  
bitur, transferendi & mutandi, ac illud in ipsâ civitate Triden-  
tinâ supprimendi & dissolvendi.* Hinc itaque post habitas  
septem

Hiſt. lib. 2.

Ann. 1547.  
Martio.



Septem sessiones levi de causâ Bononiam translatum,  
& quamdiu vixit Paulus tertius, abruptum fuit. Titulo quidem usa est congregatio illa hujusmodi: *Sacro-sancta œcumenica & generalis Tridentina synodus, in Spiritu sancto legitimè congregata*: addendum fuisset, si Constantiense & Basileense concilia voluissent imitari, *universalem ecclesiam, sive ecclesiam catholicam militansem representans*: sed ne quod concilio tribueretur, Pontifici decedere, atque adeo concilio ipse subjici videretur, omissum fuit. Bullæ facultatum Legatis datarum insertum erat, *de Concilii ad sensu omnia esse facienda*: sed illi per literas Pontifici significarunt, clausulam illam in agendo ipsos *plurimum constringere, & minutissimum quemq. præfulem eis exæquare*. — Itaq; re rationibusq; Roma diligenter consideratis, atq; emendatæ de Legatorum sententiâ diplomate absoluta eis concessa potestas. Id autem sollicitè injunctum, ne nunquam quacumq; de causâ ad disputationem de auctoritate Papæ veniatur. Notavit Petrus Suavis in historiâ hujus concilii, libro secundo: quæ ex ephemeridibus & annotationibus eorum, qui interfuerant, confecta continet plurima observatu digna. Editâ primùm fuit Italicè, & præfixum nomen *Pietro Soave Polano*; quod est per anagrammatismum *Paolo Soarpi Veneto*. Sed ad priora redeamus.

CI. Bulla quidem, quo indicitur concilium, data fuit, ut diximus, xi Kal. Iunii, anno cix io xlii. Sed bellum inter Imperatorem & Regem Galliæ, qui quinque locis in Cæsariinas ditiones, Turca quoque in subsidium advocato, impetum faciebat, recrudescens nova impedimenta objecit. Post biennium autem pax denuò apud Crepinium in Sueffionibus inita: legesq; pacis utrique, ut ecclesiæ ad antiquam puritatem &

concordiam reducendæ operam impenderent, insun-  
xerunt. Quum itaque frustrationes prætextu velari di-  
utius non possent, concilio Tridenti initium datum  
est anno c17 15 xlv, primaque sessio celebrata die xiii  
Decembris, quâ declaratum fuit, *sacrum Tridentinum &  
generale concilium incipere & inceptum esse.*

Secunda sessio incidit in septimum Ianuarii, an-  
no sequente. Hortatur & jubet *omnes & singulos Christi  
fideles Tridenti congregatos, ut velint se à malis & peccatis ha-  
ctenus commissis emendare, ac de cætero in timore Domini am-  
bulare, & desideria carnis non perficere, orationibus insistere &c.*  
Episcopos verò & quoscumq; alios in ordine sacerdotum consti-  
tutos, ut assidue Dei laudibus incumbere, hostias, laudes & preces  
offerre, sacrificium Missæ quolibet saltem die dominico peragere  
sint agant: — ut ieiunent saltem singulis sexis feriis in memori-  
am passionis Domini, & elemosinas pauperibus erogent: — ut in  
episcoporum mensis, quum in eo loco sæpius ociosi sermones oriri  
soleant, divinarum scripturarum lectio admisceatur. Hæc &  
similia de modo vivendi & aliis in concilio servandis præscri-  
bit sessio secunda.

Sessione tertiâ, quæ quarto Februarii habita, re-  
citur symbolum Nicænum, uti hæctenus à Latinis re-  
citari solitum.

Sessio quarta celebrata octavo Aprilis propius ad  
rem accedit. Subjiciam ipsissima synodi verba: Syno-  
dus perspiciens veritatem salutare & morum discipli-  
nam contineri in libris scriptis, & sine scripto Tradi-  
tionibus, quæ ex ipsius Christi ore ab Apostolis acceptæ,  
aut ab ipsis Apostolis Spiritu sancto dictante, quasi per  
manus traditæ, ad nos usq; pervenerunt; orthodoxorum  
Patrum exempla sequuta, omnes libros tam Veteris  
quam

quam Novi testamenti, (quum utriusq; unus Deus sit auctor) nec non Traditiones ipsas, tum ad fidem, tum ad mores pertinentes, tamquam vel ore tenus à Christo, vel à Spiritu sancto dictatas, & continuâ successione in Ecclesiâ catholicâ conservatas, pari pietatis affectu ac reverentiâ suscipit ac veneratur. Sacrorum verò librorum indicem huic decreto affribendum censuit, ne cui dubitatio suboriri possit, quinam sint, qui ab ipsa Synodo suscipiantur. Sunt verò infra scripti. Anne&it videlicet catalogum laxiorem, qualem ab Innocentio & Augustino & synodo Carthaginiensi proponi pridem diximus. Adjicit tamen librum Baruchi, de quo apud illos altum silentium. Deinde subjicit: Si quis autem libros ipsos integros cum omnibus suis partibus, prout in Ecclesiâ catholicâ legi consueverunt, & in veteri vulgatâ Latinâ editione habentur, pro sacris & canonicis non susceperit, & Traditiones prædictas sciens & prudens contemserit, anathema sit.

CII. Tria hic definit Tridentina synodus. Vnum est, Traditiones non-scriptas unâ cum libris canonicis pari pietatis affectu & reverentiâ esse suscipiendas. Si Traditiones intelliguntur, quæ vel ad salutem necessaria dogmata, vel sacramenta à Christo instituta, quæ in nullis libris canonicis habeantur, proponant; nego ulla tales esse vel inveniri posse, quæ videlicet per universalem præscæ ecclesiæ consensum, à primis usque ad subsequentiâ secula certis testimoniis deducendum; dogmata vel sacramenta, qualia diximus, proponant. Hujusmodi enim traditione, siue consentientibus ætatum à primâ usque

usque ad mediam vel infimam testimoniis, alia vel dogmata vel sacramenta non confirmantur, quàm quæ in ipsis Scripturis continentur. Sin intelliguntur ceremoniæ, ritus & instituta ad decorum, ordinem & disciplinam ecclesiasticam facientia, ultrò concedimus, talia nonnulla extra canonicam scripturam per traditionem à majoribus ad nos derivata esse; sed sine iis cognitis vel servatis salutem consequi neminem posse, nullus intelligens affirmaverit. Traditio igitur, quæ vel articulos & sacramenta religionis nostræ testimonio suo confirmat, vel ritus, ordinem & instituta prisca ecclesiastica ad nos transmittit, non rejicitur aut improbatur, sed illa sola, quæ ista duo combinat & conjungit, nempe *necessarium esse ad salutem & in canonicis scripturis non inveniri*. Hæc autem alibi, si opus fuerit, accuratius tractanda hîc saltem obiter & in transcurso monemus.

CIII. Alterum, quod à Tridentino concilio sessione quartâ definitur, rem nostram, de quâ hætenus egimus, nempe numerum sive catalogum librorum canonicorum Veteris testamenti, concernit. Enumerant ante complura secula eosdem (Baruchi tamen libro, ut antè diximus, excepto) quos Tridentini enumerant, Innocentius, Augustinus & Patres Carthaginenses. Quomodo intelligi & exponi debeant, ne ab universâ prisca tum Veteris tum Novi testamenti in oriente & occidente ecclesiâ dissentire videantur, & pridem & paullò antè verbis eximii viri Alfonsi Tostati ostendimus. Possit eadem ratione intelligi & exponi decretum Tridentinum, nisi anathemate horreret. Si quæ, ajunt, *libros ipsos integros cum omnibus suis partibus, prout in ecclesiâ catholicâ legi consueverunt, & in veteri vulgata latinâ*



latinâ editione habentur, pro sacris & canonicis non susceperit, anathemasis. Per quæ verba omnis commodè explicandi & conciliandi ratio, quin & mutua dissidentium tolerantia perimitur. Quomodo veteres de nonnullis Scripturæ libris, salvâ fidei integritate & ecclesiarum concordia diversum senserint, Responsi maledicis Moguntinis oppositi parte primâ, num. LXXV ostendimus. Qui verò concilium hoc Tridentinum admittit, sub poenâ anathematis & jaçturâ æternæ salutis apocryphos illos libros Mosi & Prophetis æquare debet. Nec hoc solum. Ei, qui discrimen aliquod & imparitatem agnoverit, non poterit dicere; Tolerabimus nos invicem & mutuâ Christianâ caritate prosequemur, etiam si in constituendo canonicorum librorum numero dissentiamus: sed necesse habet dicere; Si à meâ & concilii sententiâ diversus abis, & Tobia, Judithæ, Maccabæorum libroseodem, quo Mosén & Prophetas, pietatis affectu ac reverentiâ non suscipis & veneraris, tamquam anathema te abominor.

CIV. Qui verò sunt, qui nos jubent horridè a deo sentire, imò sentire contra unanimem Ecclesiæ Veteris & Novæ, Orientalis & Occidentalis consensum? Si Acta inspicio, eosque qui suffragia tulerunt, numero, invenio præter Legatos Cardinales tres, alios adhuc duos; Archiepiscopos novem, inter quos personati sive titulares duo Olaus Magnus & Robertus Vauaucop, Venantius Sleidano, cujus de hisce duobus sine diœcesi & censu archiepiscopis verba subjiciam. Quum Sueciæ rex Gustavus reformationem moliretur, An. 1547.  
*Iohannes Magnus archiepiscopus Upsalensis, qui mutationem illam improbaret, relicta patriâ, Romam confugit, eoque venit mediocriter cum comitatu. Venetias profectus deinde, factus est eius*

*electus à patriarcha vicarius, & ut vulgò dicunt, suffraganeus. Eam verò conditionem postea persasus, Romam reversus, & in angustias redactus, quum divenditi equi familiam ferè totam dimisisset, à Paulo pontifice collocatus in hospitali domo, quam vocant Sancti spiritus, in eaq, tenuis atq, pauper vitam finit. Erat cum eo frater Olavi: hunc pontifex archiepiscopatum illum Gothicum, licet extra commercium ecclesie Romana posuit, confert, & concilio interesse iubet, & ad victum quotidianum aureos dat menses quindecim. Alter ille, Scorus, quum archiepiscopatum Armacanensem esse in Hibernià Pontifici demonstrasset, titulum eius fuit ab illo consequutus. Erat autem cecus, & tamen non solum misificabat, verum etiam per celerem quos curebat. Hos ergo duos pontifex in curia parum esse voluit, offentionis causa tantum, quasi duo isti populo tam longinqui, Gothi & Hiberni, potestatem ipsius agnoscerent, quum illi reverè, præter umbram & nudum titulum, nihil haberent. Præter Archiepiscopos adfuerunt, si rectè numero, episcopi XLII; inter quos Vigorniensem unum Anglum, ipsum quoque sine dubio personatum repertum, nullum Germanum, unum fortè & alterum Galum, non multos Hispanos, cæteros omnes Italos; de quibus si non omnibus, plerisque tamen accipiendum, quod annotat Petrus Suavis, multos inopes Episcopos interfuisse concilio, spe ac pollicitationibus illectos, quibus prospiciendum fuerit: monentibus Pontificem Legatis, tota via errare, qui putent eos ita parè ac tenuiter Tridenti, atq, Romæ sustentari posse. Roma enim quum nullâ auctoritate sint, vitam humilem & aliis obnoxiam tolerare, in Concilio autem maiores sibi animos sumere, & crescente estimatione rem quoq, auctiorem expectare. De hujus farinae episcopis Alfonsus à Cæstro de hæreticorum punitione libro tertio, cap.v: *Et si aliqui sint Episcopi docti, multò tamen plures sunt adeo**

ad indoctos, ut vix Latine sciant loqui, & (quod multa peius est) eorum aliqui nec bene Latine legere norerunt. Cum rei exemplum in illa praesertim provincia, quae se Latinae eloquentiae parentem gloriatur. Adde observationem Claudii Espensii Parisiensis Theologi è Digressionem primam ad primum caput epistolae ad Titum: Factum est posterioribus saeculis, quod merito in concilio Basiliensi Ludovicus Arelatensis querebatur, in Concilio id demum fiat, & necessario fiat, quod nationi placeat Italicae, ne quae sola Episcoporum, qui & ipsi soli vocem diæ decisivam habent, numero nationes alias aequet aut superet, sicut scripsit libro primo de gestis eius concilii Aeneas Sylvius nondum Pius. Hac illa est Helena, quae nuper Tridenti obrinnit. Nunc ex Petro Suavi, quid Germani de sessionis hujus quartae decretis judicant, audiamus. Nonnullis audax inceptum videbatur, quinque Cardinales & XLII episcopos fli rectè numerum in eo, (ternario auctior est) auctoritas canonica libris antea incertis & apocryphis dare, & translationem, quae à textu originario deflectit, authenticam facere? In huius tamen praesulibus non tamere reperiri aliquem praecellentis doctrinae laude insignem: Leguleios esse aliquos, in iuris professione doctos, sed religionis non admodum intelligentes, per paucos Theologos, eosque eruditione infra vulgus Theologorum. Plerosque omnes Nobiles, aut Aulicos, Ex iis qui sint aliqua dignitate, aliquos esse titulares tantum: sed Episcopos magnam partem esse civitatum adeo minutarum, ut si quisque populum cui praest, referat, vix omnes millesimam orbis Christiani partem representent. Sed è Germania praesertim ne unum quidem adesse Episcopum, unicumve Theologum.

CV. Dicit quidem Becanus, tui etiam pridem monuimus, laxiorem catalogum Tridentinos accepisse ab Eugenio Papa in concilio Florentino; (quanto autem dubio tam synodus quam constitutio illa Florentina

Post me-  
dium.

Manualis  
lib. 1. c. 1.  
quæst. 1.

fit obnoxia, jam antè ostendimus ) *Eugenium* salu per  
mille propemodum annos facto accepisse eum à *Gelasio*  
*Papa*; *Gelasium* ab *Angastino*; *Augustinum* à *Patribus Cartha-*  
*ginienſibus*; & hos ab *Innocentio*. Quomodo intelligi illi  
debeant, & quomodo intellexerint, ſive ſaltem quo in  
precio Pontificias iſtas definitiones ( ſi tales cenſeri o-  
portere pertenditur ) habuerint eximii quique Latine  
Eccleſiæ ultima uſque in tempora doctores, abundè eſt  
demonſtratum. Vnum ſaltem nunc quaero, num Tri-  
dentinivel ab *Eugenio* vel à *Gelaſio* aut quocumque  
priorum acceperint, ut priſco canoni inherentes &  
agnoscentes diſcrimen inter libros eccleſiaſticos &  
ſtriçtè proprieque canonicos, anathemate feriant, id  
eſt, communionè fidelium & regnò cœlorum, exclu-  
dant? Minimè gentium. Imò verò diſcrimen non tan-  
tùm in orientali, ſed etiam in occidentali eccleſiâ ab  
optimis quibuſque ſcriptoribus conſtanter ſervatum  
& agnitum ſemper fuiſſe demonſtravimus. Novatori-  
bus igitur, ut tum in ipſorum, tum lectoris gratiam in  
compendium, quæ prolixè antehac tractata ſunt, redi-  
gamus, hoc argumentum proponimus.

Quæ ſynodus anathemate damnavit ſententiã  
totius Eccleſiæ Veteris teſtamenti, item Univer-  
ſalis Eccleſiæ Novi teſtamenti primorum quatuor  
ſeculorum, quin ſimpliciter univerſæ eccleſiæ,  
quæ tum in Oriente tum in Occidente ultra an-  
nos cix ix fuit; ea ſynodus reproba eſt, & nullam  
fidem meretur.

Sed Tridentina ſynodus anathemate damnavit  
ſententiã totius Eccleſiæ Veteris teſtamenti:



et enim numquam alios in canone libros habuit, quam  
Hebraicè scriptos, & tribus ordinibus Legis, Prophe-  
tarum & Hagiographorum comprehensos, uti osten-  
sum est à numero ix usque ad xxiv: item Univer-  
salis ecclesiæ Novi testamenti primorum iv seculo-  
rum: demonstratum est de Græcis Hebræo canoni in-  
herentibus à num. xxiv usque ad xxxvii; de Latinis à  
num. xliii usque ad xlix: quin simpliciter univer-  
salis Ecclesiæ, quæ tum in Oriente tum in Occiden-  
te ultra annos cix fuit: vide numeros inter xxxvi  
& xliii intermedios; & deinceps à num. xlix usque  
ad centesimum.

Ergo Tridentina synodus reproba est, & nul-  
lam fidem meretur.

Major ex senota est. Minor dudum demonstrata. Di-  
cit videlicet synodus: *Qui omnes enumeratos libros cum  
omnibus suis partibus, ut in vulgata Latinâ editione habentur,  
pari pietatis affectu ac reverentiâ pro sacris & canonicis non sus-  
ceperit, anathema sit.* At Ecclesia Veteris testamenti;  
Ecclesia Novi testamenti quatuor primorum seculo-  
rum tum in oriente tum in occidente; item quæ primi-  
tivam utrobique posterioribus sæculis excepit; omnes  
istos libros pari pietatis affectu ac reverentiâ pro sacris  
& canonicis non suscepit, uti evidenter patuit: Ergo  
universa ante & post natum Christum ecclesia juxta  
Tridentinos anathema. Si quis autem quærat, quid  
homines illos moverit, ut tantum sibi sumerent, seque  
unanimes veterum majorumque suorum consensui ob-  
jicerent? respondebimus; nobis de alieni facti rationi-  
bus non planè constare: suspicari tamen; quod animad-  
verterint, genuinis & sinceris dogmatibus sequiore æ-

vo nupera & nova bene multa accessisse: voluisse itaq;  
principia, e quibus deduci oporteret, quam fieri pos-  
set, latissime extendi, ut saltem alicunde siue probatio  
siue pretextus aliquis derivaretur. Tale itaq; principi-  
um advenientes, dum rem aggrediuntur, dederunt, &  
quum in limine essent, à janua aberrarunt.

C. V. L. Ulterius argumentor. Qui probat &  
confirmat synodum, quæ sententiam universalis  
ante & post natum Christum ecclesiæ anathemati  
subjecit, is etiam ipse nullam fidem meretur, & au-  
thoritate excidit. At hoc Romani Pontifices no-  
strâ & superiore ætate fecerunt & faciunt. Ergo.

C. V. L. Tercium Tridentinæ quartæ sessionis de-  
cretum est, ut libri, *prout in veteri vulgata Latinâ Editione  
habentur, profueris & canonis suscipiantur.* Quod disertius  
mox explicat hisce verbis: *Statuit & declarat, ut hæc  
ipsa vetus & vulgata editio, quæ longo tot seculorum usu  
in Ecclesiâ ipsâ probata est, in publicis lectionibus, di-  
sputationibus, prædicationibus, aut expositionibus pro  
authenticâ habeatur, & quod eam nemo rejicere quo-  
vis pretextu audeat vel præsumat.* Aliter sensit tota  
antiquitas: quin ipsa rerum indoles non permittit, ut  
fontibus aut textui originario æquetur aliqua transla-  
tio: ut autem præferatur, prorsus est absurdum; nisi  
fortè ostendi possit, rarissima fuisse vel esse primarii  
textus exempla, nec alia quàm per insignem librario-  
rum siue incuriam siue fraudem corrupta: integrum ve-  
rò & sincerum unum fortè incidisse in manus egregii  
fidiq; interpretis, eoque itidem suppresso aut amisso  
superesse ab hoc profectam versionem. Si detur casus,  
quem

quem vix in ullo vel infimæ classis auctore datum iri  
 puto, concessero versionem ibi præferendam fonti. De  
 sacris autem Scripturæ libris simile quid affirmari, pu-  
 gnaverit cum providentiâ divinâ, quæ quemadmo-  
 dum, ne ad capeffendam viam salutis certi & authentici  
 indices sive duces deessent, hos ipsos humano generi  
 voluit impetire, ita quoque eadem fini conservare:  
 pugnaverit cum singulari & prope incredibilem diligen-  
 tiâ Iudæorum, quod Verus testamentum attinet, de  
 quâ aliquid dictum num. xvii. Quin ipse Bellarminus  
 validis quinque argumentis pugnat contra eos, qui con-  
 tendunt Iudeos in odium Christianæ fidei studiosè depravasse &  
 corripisse multa loca Scripturarum. Quæ verò ad corrupte-  
 las adstruendas proferuntur, dissolvit clarissimus col-  
 lega D. Horatiûs Tractatu de Scripturis, disputatione  
 vii, quæstione iv. De libris Novi corruptis, nisi fortè  
 quod alicubi hallucinatione exseribentium (quos ne-  
 mo, sive fontes sive versiones describant, ἀναμαρτυρως  
 constituit) peccatum fuit, nulla est suspicio vel quete-  
 la. Testatur Hieronymus, *multarum gentium linguæ Scri-  
 pturam antè translata*, sive pridem & ante suam ætatem.  
 Testatur Theodoretus *ἑρμηνεύων* libro quinto He-  
 braicos libros non modo in Græcum idioma conversos esse, sed in  
 Romanam quoq; linguam, Aegyptiam, Persicam, Indicam, Ar-  
 menicamq; & Syriacam, atq; adeo Sauromaticam, semelq; ait,  
 ut dicam, in linguas omnes, quibus ad hanc diem nationes utun-  
 tur. Quum diversæ & adeo multiplices essent versio-  
 nes, quem tamquam originarium & authenticum tex-  
 tum transtulerunt aut respexerunt interpretes, nisi He-  
 bræum Veteris & Græcum Novi testamenti? aut quem  
 alium respicere etiam hodie possint gentes, quas per di-  
 versitatem linguarum cunctarum Deus in unitate fidei congre-  
 gavit?

Libro 1 de  
 Verbo Dei  
 cap. 1.

Præf. in  
 Evang. ad  
 Damasum.

gavit? Conveniunt videlicet & conjunguntur, quod  
Scripturam omnibus communem attinet, per fontes,  
tamquam per vinculum sive per principium iidem o-  
mnibus commune, & non per aliquam versionem. Si  
secus se res habeat, inferiore & deteriore loco & con-  
ditione fuerit Scriptura *ἡ ἑλληνικὴ*, quàm mendacissi-  
mum & nugacissimum Alcoranum. Nam accuratâ Mu-  
hammedanorum industriâ in fonte Arabico id far-  
tum rectum conservari nemo dubitat: & si Persa vel In-  
dus vel Tartarus translationem expetat, non aliunde  
quàm ex Arabico verti velit, nec fidam credet, nisi A-  
rabico textui respondeat.

CII X. Cæterum post Tridentinam synodum  
coeperunt scribere Iesuitæ, quemadmodum ex iis, quæ  
adjicimus, lector poterit cognoscere. Alfonso Sal-  
meron prolegomeno in Evangelicam historiâ quarto  
conatur ostendere, *lectionem Hebræam non esse sine plerisq;  
vitiis*, & proinde præferri oportere versionem Latinam.  
Iohannes Pineda præfatione in Iobum, cap. 11: *Nihil sa-  
era auctoritas habet, nisi quod in Latino codice vulgato  
habemus*. Gregorius Valentia tomo 111, disp. 1, quæst. 1,  
puncto VII, parag. XLIII: *Græci & Hebræici codices, sicubi  
à nostrâ editione disident, per nostram corrigendi & emendan-  
disunt: nam hanc Ecclesia peculiari definitione per omnia pro-  
bavit, non illos*. Iacobus Greſſerus Defensionis Bellar-  
mini libro 11, cap. XI: *Fontes, tamquam turbide fluentes,  
depurgandi & expurgandi sunt ad Latinam vulgatam editionē*.  
Martinus Delrio Proloquii in Pharum Sapientiæ cap.  
111, regulâ 111: *Latinam vulgatam nunc solam pro authen-  
ticâ habet ex decreto concilii Tridentini Ecclesia catholica*. Et  
regulâ VI: *In quibus Hebræa conveniunt cum Latina vulga-  
ta dictis, sunt certa & infallibilis veritas; in quibus disident,*  
*sunt*



*sunt corrigenda ex Latino, non contra. Idem obtinet in Græco contextu Novi testamenti. Iohannes Eusebius Nieremberger de origine Sacræ Scripturæ libro vi, cap. xxix: Latinus textus non est corrigendus per Hebræicum, sed Hebræicus per Latinum. Secundum hos itaque novatores, Tridentinæ synodi adseclas, Hebræus Veteris & Græcus Novi testamenti textus non est authenticus, sed solus vulgatus Latinus. Hunc autem authenticum, qualis antea non fuerat, primum fecit sanctio Tridentina. Ante eam si Hebræus & Græcus authenticus fuit, è gradu, quem ab omni ævo hucusq; tenuerat, à Tridentinis deturbatus est, & ex authentico factus non-authenticus; ratione planè contrariâ ei, quâ libros apocryphos in canonicos transmutarunt. Sin authenticus non fuit, ante coactam Tridentinam synodum per decursum tot seculorum Ecclesia Christiana catholica authentico Scripturæ textu caruit, & absq; illius operâ esset, adhuc careret. Vtrumque ex æquo absurdum.*

CIX. Longè aliter præci Latini Patres, quin etiam recentiorum doctorum, qui proximè concilium antecesserunt, præstantissimi. Nunc, quoniam rem plenè & accuratè non tractamus, sed saltem, quia cum sessione quartâ Tridentinâ res nobis est, leviter tangimus, adductis paucorum testimoniis contenti erimus. Hieronymus ad Lucinium, epistolâ xxix: *Ut veterum librorum fides de Hebræis voluminibus examinanda est, ita novorum Græci sermonis normam desiderat.* Rursus ad Suniam & Fretelam, epistolâ cxxxv: *Sicut in Novo testamento, si quando apud Latinos questio exoritur, & est inter exemplaria varietas, recurrimus ad fontem Græci sermonis, quo Novum scriptum est instrumentum: ita in Veteri testamento, si quando inter Græcos Latinosq; diversitas est, ad Hebræicam recurrimus veritatem; ut quidquid de fonte profisciscitur, hoc queramus in*

vicinis. Augustinus de doctrina Christiana libro 17,  
cap. xi: *Latina lingua homines duabus aliis ad scripturarum  
interpretationem opus habent, Hebræa scilicet & Græca  
ut ad exemplaria præcedentia recurrant, si quam dubitationem  
articulis Latinorum interpretum infusa varietas.* Et xv de  
civitate Dei, cap. xiii: *Quoniam diversum aliquid in codicibus  
invenitur, et lingua eorum traditur, unde est in aliis per inter-  
pretis facta translatio.* Ad quæ verba Ludovicus Vives:  
*Hic ipsum Hieronymum clamat: hoc ipsa docerant: & nullus est  
finire iudicio qui neque nec: sed si iuxta consensum doctorum in-  
geniorum hoc causet, nam rigidus stupor velus moles opponitur.*  
Duobus antiquis jungamus duos ex infima ætate Car-  
dinales, Tridentinam synodum proximè antegressos,  
quorum etiâ testimoniis superius usi fuimus. Cardi-  
nalis Ximenius præfatione in Biblia Complutensi ad  
Leonem decimū: *Visumque Latinorum codicum varietas  
est, una depravata lectiois suspicio (id quod librorum imperi-  
tiam simul & negligentia frequentissimè accidere videmus)* ad  
primam scripturæ originem recurrendum est, sicut beatus Hie-  
ronymus & Augustinus ac ceteri ecclesiastici tractatores admo-  
nent: ita ut librorum Veteris testamenti sinceritas ex Hebræâ  
veritate, *Nos autem ex Græcis exemplaribus examinatos*  
Cardinalis Cajetanus præfatione in quinque Mosâicos  
libros: *Intendo iuxta Hebræicam veritatem rectum exponere,  
ubi diversa occurreris sententia in vulgari editione.* Et in  
Hebræo textu. *Non omni interpretis, Græci aut Latini, sed  
ipsius tantum Hebræi textus auctoritas est, quam completi cogi-  
mur, & completimur fideles omnes.* Hæc isti duo magni  
nominis Cardinales, quorum sententiæ præcedentium  
omnium seculorum consensui innixæ post elapsos pau-  
cos annos anathema impegunt Cardinales & Episco-  
pi synodi Tridentinæ: ad cujus sessionem quartam hæc  
quoque in occasione obiter annotata sunt: nam ex  
insuetu

Instituto de canonis Scripturæ, & Veteris quidem te-  
stamenti nos hic agere dudum professi sumus.

CX. Si quis autem corpori, qui Tridentinam sy-  
nodum amplectuntur, hisce nostris se velit opponere,  
respiciat ad syllogismum numero ex propositum, & si  
quid in eo vel ejus probatione desideret, paucis indi-  
cet: nam si quid uberiore confirmatione indiget, id  
porro confirmabitur. Ut uno verbo dicam, *respondent*  
*informi*. Ita enim ambages declinabuntur, & brevi sed  
rectâ & regiâ viâ ad verum à falso dignoscendum ibi-  
tur. Ad rem nihil faciunt mendacia, convicia, calu-  
mniæ, quibus frenos laxant Moguntini: sine quibus  
tractari possunt quæstiones controversæ in qualibet a-  
liâ disciplinâ; & cur non in Theologicâ unde vel maxi-  
mè deberent abesse, & veritas absq; detrimento carita-  
tis vestigari. Propemodum autem apud me Moguntino-  
rum *περὶ τὴν ματα* & *λαϊδοῦν* fecerunt, ut quod de Novo  
artifice pridem dixi, de ipsis quoque dicerem; nempe  
*cum eis mihi post hæc nihil negotiū fore, et tam si Acherontæ mœve-  
rint, & ex imo fundo convicia hauserint, tantūmq; eorum mo-  
lem, quantam montium gigantes, quum Pelion Ossæ imponerent,  
congefserint.* Ne tamen veritati desim, quum jam Respon-  
si mei ipsis oppositi distracta sint exempla, faciam id re-  
cudi, & ubi objiciunt, quod sententiam meam videri  
queat impugnare, interferam & refellam. Ita operæ fie-  
ri poterit compendium, & objectionibus, quæ ad rem  
fecerint, discussis convicia auctoribus suis *(ἐν τῷ 3<sup>ῳ</sup> & 4<sup>ῳ</sup>*  
*εἰς ὧματ' & τῆς κερδίας τὸ σῶμα λαλῶ)* relinqui. Animad-  
verso autem qui ad Rhenum incolunt, calumniis mihi  
struendis certare. Num est superiore ripâ ad inferiorem  
secundo fluvio, an adverso ab inferiore ad superiorem  
ultra citroque debebantur, in medio relinquo. Viden-  
tur, ut dixi, & quantum ab aliis accepi (nam ut ipse

Match. xxi  
v. 34.

*phælas* omnes evolverem à me impetrare nondū potui) conspirare. Damnant videlicet utriq; studium concordie ecclesiasticæ, & qualemcumq; ejus promovende conatum. Econtra statuit hæc Iulia, & ego in eâ, non esse planè deferendum aut omittendum: facere in primis ad Dei gloriam; ad reparandam Ecclesiæ Dei, miseris modis dilaceratæ, unionem; ad populorum salutem tum coelestem, tum terrenam: neq; enim dum Ecclesia in partes mutuis odiis exasperatas scinditur, tranquilla vel beata potest esse Respublica. Hac fini discernenda esse necessaria à non necessariis: de necessariis per certas & evidentes probationes, (quoniam in communibus quibusdam principiis, & quidem præcipuis, convenimus) easq; in formâ, ut loquimur, institutas, quas non possit non capere, nisi qui mentem ejurariæ, transgendum esse. Postulavimus itaq; paulò antè, ut qui nostris se velit objicere, ad principalem, quem proposuimus, syllogismum respiciat. Si responsio non exorbitabit aut extra oleas vagabitur, brevi videbitur quò rem evadere oporteat.

CXL. Præterea viget & inculcatur in academiâ Iuliâ studium antiquæ & Aristotelicæ philosophiæ, explosis novis & nuperis disciplinarum solidæq; eruditionis corruptelis; commendatur etiam proximo post Scripturam loco studium ecclesiasticæ antiquitatis, utpote ad hodiernas controversias sive minuendas sive decidendas magnopere necessarium. Hinc, qui ad Rhenu sunt, dirum carmen occentant, nempe *plurimum de atheismo sub specie eruditionis prisca instillari incautioribus*. Existimo tamen inferiores accolashic non concinere, & paulò mitiores esse, quàm ut studia sive priscæ philosophiæ sive antiquarum Ecclesiæ rerum atheismi accusent. Multò autem minùs atheismo affinem pronunciant



abunt doctrinam, quæ inculcat, renatis & fidelibus, ut  
in statu gratiæ mancant, & sine fidei suæ, qui est salus a-  
nimarum, tandem potiantur, incumbere necessitatem  
abstinendi ab operibus carnis, & sanctimonix, sine quâ  
nemo Dominum videbit, sectandæ. Neq; dicent præ-  
varicationem esse, si juvenes seriò moneantur, ut exem-  
plum Iosephi imitentur, & continentix operentur, ne  
libidines non modo prosperitatem, quam in hisce terris sperare  
poterant, sed omnem propitii numinis favorem & ipsam æternâ  
salutem eis eripiant. Qui diis gentium Libero & Veneri  
sacramentum dixerunt, prævaricabuntur equidem, si  
ad istum modum docuerint; nos verò minimè, qui dia-  
bolo & ejus operibus dudum renunciavimus. Nolumus  
igitur enasci portentosa opinionum, & doceri Christia-  
nos, non esse eis ad salutem necessarium servandis divi-  
nis præceptis operam, quantam per Sancti spiritus gra-  
tiam possint, dare; aut juxta horum præscriptum boni  
aliquid vel cogitare, vel dicere, vel facere; Deum dili-  
gere, timere & colere; abstinere ab idololatriâ & Dei  
nomine sive incantationib; sive perjuriis profanando;  
ab homicidiis, veneficiis, scortationibus, adulteriis, ra-  
pinis & similibus flagitiis: de quibus videlicet Aposto-  
lus, *Prædico vobis, prout etiam prædixi, eos qui talia agunt, regni  
Dei non fore heredes.* Nolumus hæc & paria Sancti spiritus  
effata enervari & corrumpi, atq; adeo sceleratis & subici-  
neciis, impiis & peccatoribus, nefariis & profanis, patriciis &  
matricidis, homicidis, scortatoribus, cinadis, masculorum con-  
cubitoribus, plagiaris, mendacibus, conviatoribus, metum  
amittendæ æternæ salutis & certo certiùs subeundæ da-  
mnationis, quo solo per Evangelii quidem ministeriũ  
frenari & coerceri poterunt, eximi. Nolumus substitui  
peregrinam & fanaticam doctrinam de substantiâ hominis  
fidelis unitâ cum substantiâ totius sanctissimæ Trinitatis, de quæ

Gal. v. 17.  
1 Cor. vii. 9.  
1 Tim. i. 9.

sermone huius unionis non solum divina, sed humana quique Christi  
 naturae, cui etiam fide extra sacramentum iungimur quoad in-  
 stantiam nostram peculiarem quandam approximationem: cuius  
 unitatis duratio & continuas appellatur Perseverantia in fide  
 & bonis operibus. Nolumus huiusmodi commentorum  
 neque spargi, sed magis medio Rheno, vel Albi, vel si  
 quis alius ad septentrionem magnus & profundus flu-  
 vius, ne umquam caput efferant, submergi. Qui sanè,  
 quanti quanti sunt, restinguere tamen non poterunt  
 ignem æternum, qui paratus est diabolo, calumniarum paren-  
 ti & Hagiorum auctori, & angelis assecutisq; eius. Deus,  
 cujus regnum est iustitia & pax & gaudium per Spiritum san-  
 ctum, discissa Ecclesia concordiam & afflicta reip. tran-  
 quillitatem clementer indulgeat, Satanamq; con-  
 terat sub pedibus nostris.

#### ADDENDA.

Pagina H 3, facie priorē, lineā 6. -- dicuntur. Hanc  
 male Brito, auctor expositionis Prologorum Biblio-  
 rorum, quæ Lirani Postillæ immiscetur, ad prologum in  
 Iosueam: Hagioraphorum nomen, commune est omni-  
 bus Sacra scripturae libris; & quia hi novem non habuerunt emi-  
 nentiam præ cæteris, secundum quam agnominaerentur, idcirco  
 communi nomine contenti sunt.

Ibidem, lin. 28. -- Moses & Prophetas: Matthæi xi.  
 13; Omnes Prophetæ & Lex usq; ad Iohannem prophetarum;  
 xxii, 40; Ab istis duobus præceptis, diligendi videlicet De-  
 um, & proximum, tota Lex & Prophetæ pendet.

Facie posteriorē, lineā 8. Gamaliel a Sadducæis in-  
 terrogatus, unde probare posset Deum sanctum & be-  
 nedictum resuscitaturum esse mortuos, respondit, Ex  
 Lege, ex Prophetis, & ex Hagioraphis. Ita enim legitur  
 in Gemarâ Talmudicâ codice Sanhedrin, sub initio  
 capituli Chelec: שאלו צדוקין את רבן גמליאל מנין  
 שחקכה סתיה סתים אמר להם סן התורה וסן הכתובין וסן

**Epiphanius** testatur quod à Nazariis, quemadmodum à Iudæis, habeantur & legantur. Hæres. 20

*Pag. 12, lineâ 12.* Et hinc Epiphanius vocatur **Doctrinæ præceptor**; & Epiphaniū sequuto Damasceno. Hæres. 2,  
lib. 4, c. 184

*Pag. 14, numero XX.* — **Danielem**, Nugatur autem **Jacobus de Yalentiâ**, episcopus **Christopolitanus**, quū scribit magistros Hebræorum temporibus **Constantini in Babylone Aegypti congregatos possuisse Davidem & Danielem in ær Hagiographa**, ut auferrent eis dignitatem prophetiæ, eò quod clarius loquuntur de Christo, & de tempore adventus eius: imò additis punctis vocalibus, falsificasse & pervertisse. Prol. in  
Psal. tract.  
1, art. 6

*Pag. K 1, numero XXXI, lineâ 11.* — **orbis**. Nam quomodo multis & barbaræ gentes (verba sunt sancti Hilarii) per cognitionem secundum Apostolorum prædicationem, & manensium hodie illic ecclesiarum fidem adeptæ sint; tamen specialiter evangelica doctrina in Romani imperii sede consistit. Tract. 6,  
Prologo in  
Psalms.

*Pag. M 3, lineâ 3.* **Sanctus Ambrosius** nonnulla ex **Quarto Esdræ** producturus Scripturæ ea imputat. **Animarum**, inquit, superiora esse habitacula, Scripturæ testimonio valde probatur. Siquidem & in **Esdræ** libris legimus: Quia quam veneris iudicii dies, reddes terræ defunctorum corpora, & pulvis reddes eas, quæ in tumulis requiescunt, reliquias mortuorum: Et habitacula, inquit, reddent animas, quæ his commendatæ sunt, & revelabitur altissimus super sedem iudicii. Rursus Denig, & Scriptura habitacula illa animarum promerita nuntiavit: quæ occurrens querelæ humanæ, eò quod iusti quæ præcesserunt videantur usq; ad iudicii diem, per plurimum scilicet temporis, debet à sibi remuneratione fraudari, mirabiliter autem corvæ esse similem illum iudicii diem, in quo sicut non porissimum tarditas, sic nec priorum velocitas. Coronæ enim dies expectatur ab omnibus, ut intra eum diem & victi crubescant, & victo:

*victores palmam adipiscantur victoria. Illud quoque, non reliquis occultum, quod superiores videantur, qui antè generati sunt, infirmiores qui postea. Comparavit enim utero mulieris pars unius huius seculi: quoniam fortiores sunt qui in virtute inventus nati sunt, infirmiores qui tempore senectutis. Hæc leguntur apud Ambrosium libro de Bono mortis, cap. x: quæ autem allegantur, occurrunt libro quarto Esdræ, priora quidè cap. vii, v. 32 & 33: posteriora verò c. v, v. 37, 42, 52, 53.*

*Pag. N 3, ad finem numeri XLVI. Cum illo autem convenit & consentit Leander de S. Martino Benedictinus, qui in novissimas, quæ nostris diebus Duaci & Antverpiæ prodierunt, Bibliorum cum istis, quas diximus, Glossis & Postillâ Lirani editiones præfatus est, & Prologis Hieronymi suas expositiones, extrusis veteribus, quæ Guidonis Franciscani nomen præferunt, adjecit. Scribit enim ad Prologum galearum; Quod dicis Hieronymus aliquoties, hos libros ab Hebræis inter hagiographas scripturas collocari; existimo loca illa esse corrupta, & vocem HAGIOGRAPHIA pro apocrypha poni. Non igitur est, quod dicat Iosephus Scaliger; Pugnantia scribit doctus ille Scripturae interpret. Miror autem Scaligerum hic se toruisse, ei quæ de mendo non suboluisse.*

*Paginâ X 2, facie post. lineâ 18. — demonstravimus, Quum itaque canonem, qualis in priscâ & priore ecclesiâ obtinuerat, immutarent, inò rejecerint & damnarint, atque adeo ecclesiasticos libros canonicis pares haberi sub anathemate definierint; lubet denuò quærere num hac ipsâ in re testificationem priscæ & prioris ecclesiæ sequuti sint, an novis revelationibus collustrari fuerint? Testificatio, cujus tamen solius interventu, si quid hic controversum, decidi oportet, contraria est: revelationes novæ, veritatibus præsertim ab universâ ecclesiâ semper agnitis oppositæ, nullæ dantur.*

*F I N I S.*